

ASO GAFUA, 26 JANUARI 2015

Na nofoia le Nofoa e le Fofoga Fetala'i i le itula e 9.00 i le taeao.

Tatalo.

FOFOGA FETALAI: I le agaga ma tulaga aloaia, ou te ofo alofa atu ma ou faatalofa atu i le paia ma le mamalu maualuga o le Maota Fono ma le Palemene i lenei taeao fou, i le alafai mai i faguga lelei, le soifua manuia ma le soifua maua le paia ma le mamalu o sui usufono uma o le Palemene aemaise lau Afioaga i le Taitai o le Malo ma le paia o le Kapeneta. O le mamalu foi o lea tala-na-atoa i lau Afioaga i le Taitai o le Iru Agai aemaise le paia maualuga o le Palemene nei. Ua faamalo le folau, malo le soifua manuia, ua malo le onosai, ua faamalo foi le taupati mai aua le faaauauina o a tatou galuega.

E manatu o le la vaiaso ua tuana'i atu, tatou te faafetaia pea le alofa o le Aтуа ona ua faaauunu nisi o fuafuaga ua pasia aloaia le Tala Faatatau Faapoopo o le Tupe (Nu.1) 2014/2015, ae ua tatou taunuu mai i lenei vaiaso fou, o le agaga ma le faamoemoe ina ia papa avelea ma faaauauina pea a tatou polokalame tuua. E pei lava ona ou taunafai e faamalamalama atu i le paia o le tatou Maota, e fai lava sina feoloolo o a tatou galuega, o Tulafono Tau Faafifi, o Tulafono Tau Faafifi Toe Teuteu, o Lipoti ma tulaga uma o mea e tatou ona tatou faagasolo i ai, e pei o le agaga lena ua toe faaauau ai le tatou Fonotaga i lenei vaiaso. E i ai le talitonuga, ia lava mai le onosai ma le faapalepale i lo tatou Maota. O nei Tulafono uma o Tulafono ua tatou ona tuuina atu e pasia e le Palemene ma tuuina atu loa i aao o le Taitai o le Malo aemaise le Kapeneta aua le faatinoina o mafuaaga tatou ma faatuga fai ua tatou ona faagaioi i le tulaga e tatou ona i ai i totonu o Matagaluega a le Malo. O lea e i ai le talitonuga o le a amata a tatou galuega i lenei vaiaso, e tatato atu i le paia ma le mamalu o le Palemene ina ia tatou galulue faatasi aua le faaauauina o a tatou galuega i lenei vaiaso.

E faapai atu foi i le tapuaiga a Samoa i lenei taeao fou, Samoa e le atunuu, o oe lava o le ao mamala e leai se isi na te toe auilililina ou sa ma faiga aua e tumau, a o le tatato a lau Palemene, ia mau mai pea le toovae ma mau i iumaea le tapuaiga a lo tatou atunuu, a o alo Taitai o le Malo mo le faaauauina o galuega ua faapea ona faatllagaina.

Le Aufai Tatalo foi ma le latou matafaioti, ia i le Aтуа pea le viiga, le faamanu ma le faanetaga ma outou tatato leleoa ina ia manuia faiva o lau Palemene aemaise galuega a Samoa i lenei aso.

26 IANUARI 2015

TUUINA ATU O PEPA

Na tolaulauina e le Failautusi Pepa nei ua faataatia i luga o le Laulau a Fono e tusa ai ma le T.T.48.

1. P.P.2014/2015 Nu.193, Lipoti Faaletausaga a le Iunivesite Aoao o Samoa mo le Tausaga 2013-2014.
2. P.P.2014/2015 Nu.194, Lipoti Faaletausaga a le Ofisa o le Komesina o Faiga Palota 2012-2013.

**TULAFONO TAU FAAOFI O TEUTEUGA O LE TULAFONO O LE
FAAPUTUGATUPE MO LE LUMANAI MANUIA O TAGATA 2014**
– faitauga faalua

FOFOGA FETALAI: Mo le silafia e lenei Palemene, o le Tulafono Tau Faaofi lenei sa faia lona faitauga muamua i le Aso Fono 19/8/2014. Tulai mai lau Afioga i le Palemia ma le Minisita o Tupe.

Susuga Hon TUILAEPFA FATALOFA LUPESOLIAI AIONO NEIOTI SAILELE MALIELEGAOI (Palemia): Lau Afioga i le Fofoga Fetalai, ou te tulai atu e faatu le lafo, *Ina ia faitauina nei le Tulafono Tau Faaofi o Teuteuga o le Tulafono o le Faaputugatupe mo le Lumanai Manuia o Tagata 2014 i lona faitauga faalua ma ou te fia tautala faamatalama i ai.*

Faaluaina e le Sui Palemia ma le Minisita mo Fesootaiga ma Faamatalaga Tekonolosi.

FOFOGA FETALAI: Tulai mai lau Afioga i le Palemia e te saunoa faamalalama i le Tulafono Tau Faaofi.

Susuga Hon TUILAEPFA FATALOFA LUPESOLIAI AIONO NEIOTI SAILELE MALIELEGAOI: Lau Afioga i le Fofoga Fetalai, talu mai ona faatuina le Tulafono lenei i le 1972, sa faapea lava ona fono le Komiti Faatonu ma fai Teuteuga ina ia faafaigofie atili ma faaleleia atili le faatinoga o le auananga mo le aufai saofaga. O le uiga o lea mea, e ui ina faapea o le faaputugatupe lenei e faaleleia atili ai tupe a i latou e malolo mai ritaea ona i ai lea o se vaegatupe e tua i ai, ae e tele lava le anoano o le mau tuatuagia faale-tupe e tulai mai i lea taimi ma lea taimi e moomia ai se fesoasoani.

O le tulaga lava ia i faletupe e faatuina i totonu o le atunuu aua tatou te Tutoatasi na o le tasi lava le faletupe, na o le faletupe a le atunuu o le Bank of Western Samoa. Ona alu alu lea taunuu mai i le 1974, ona faatu lea o le lala i totonu lava o le Faletupe o Samoa i Sisifo mo atinae, mulimuli ane lea ua vavaeese le vaega lena ma amata ai loa ona faatulai mai le Faletupe o le Atinae e agai i ai le toatele o nai o tatou tagata mo le atinae. Aua e le faigofie gaioiga a faletupe masani o fefaatauiga e pei o le Bank of Western Samoa ona e fai lava sina tulaga faigata o a latou puiipuiga, aemaise lava o fanua.

**Tulafono Tau Faaoifi o Teutenga o le Tulafono o le Faaputugatupe
mo le Lumanai Manuia o Tagata 2014 – faifauga faalua**

E tatau ona i ai sou fasi fanua e noatia ai ma e tatau ona i ai ni tagata latou te faamaonia, a alu alu ua le totogia ona toso atu lea o latou ia e pei ni manu papalagi foi ia ua noanoa atu e tologi ai nonogatupe nei.

Ua ala ona ou taua mea ia ona o le faigofie ia o le mea foi lea o le moonia e o tatou tagata o ni nonogatupe, o loa e aumai ni tagata e noatia ai ma latou faamaonia. E manatu lava e faigofie, aemaise lava o mea lava nei o faipule e muamua lava o i ai tagata o itumalo. O le tele foi la o faipule ua le toe talitonuina e faletupe ona o le tulaga lena e uma loa lava le faiga palota ua pau, e fiu e toe tuituli. O isi lava foi ua tofi i le falepuipui ona o mea lava ia i aitalafu le tologia. E tele lava tagata e o atu loa lava i faletupe e fia nono se tupe ona o se faalavelave, tapa mai loa, “Alu e sue mai se isi e faamaonia,” sau loa i le faipule.

Na ona ou faasilasila atu, o mea nei o faipule ua le toe talitonuina ma ua le toe talia e ni faletupe, aemaise lava pe a latalata atu i le faiga palota. Aua a pauu uma nei tatou, o fea la le mea a toe tua i ai e toe tologi ai mea ia? A o le tulaga lena o lea ua ou tau atua i mea sa sau ai tatou. O lea la ua le tasi le faletupe na amata mai ai le tatou Tutoatasi i le silia ma le 50 tausaga talu ai, a o lea ua tele faletupe. Ona oo mai loa lea i le 1972 faatu loa le faaputugatupe leni, e le i faigofie. Ou te manatua pe a oo ina fonu le matou Komiti o le Faaputugatupe mo le Lumanai Manuia o Tagata (NPF), aua e i ai lava le Matagaluega o Tupe. O se tulaga faigata tele le unaiina o le faaputugatupe leni o le NPF. Ona o le agaga lava leni o o tatou tagata, e le fiafia i lea mea o le teu o tupe, ae mananao e maua loa le tupe tala loa. E le fiafia la i le teuina o ni tupe mo le lumanai ona o le tele o o tatou faalavelave fai, aemaise foi o le tulaga i maliu aemaise foi o aoga a fanau. Ona sau sau ai lea, tupu ae foi se manatu o le a fai se faaputugatupe a le Palemene latou aua o le tofi mamalu leni, afai e uma atu le Palemene leni ona le toe sau lea, ae ia mamalu pea le sui usufono sa afea ma Tootoo. A o le mea ua matauina i isi faipule, e le toe faipule loa vaai atu ua tutu mai ma le tootoo ma ua te i lava ua lavalava mai le siapo ona sau lea nofonono i lalo o le putu la le e i gatai, ae faatalitali ni faamasinoga e faalavelave ai e sue ai le lumanai. Ona manatu ai foi lea o le Vaega leni a le HRRP ma le Afioaga Tofilau Eti Alesana, e le tatau ona soifua ai faapea tagata sa afea ma Taitai o le atunuu, ae ia fai foi se latou faaputugatupe.

O le taimi nei la, o lea ua 10 pasene le saofaga a tatou 10 pasene le Malo. A o lea o lo o i ai foi isi Teutenga o lo o mulimuli mai lea ua sitia ai o tatou tagata mai le 5 pasene i le 20+ tausaga talu ai i le 6 pasene i le tausaga nei, ae 7 pasene i le tausaga fou. O lona uiga, e tasi le sene mai le tala (\$) lea o le a sitii, ona oo lea i le tausaga fou sitii le sene ma o le Teutenga lena o le a mulimuli mai pe a uma le tapenaga ona o lea ua uma ona pasta e le Kapeneta, ae a oo i se taimi ona aumai foi lea i totonu o le Maota nei ina ia vave ona maua foi se faapoopoga i saofaga a i latou o le aufai saofaga. Aua a leai le sene lena e tasi e faapoopo a le tagata fai saofaga, e leai foi se sene e sao a le faipisinisi, aua e le mafai ona nofo nofo lava le faipisinisi unai e latou le sititia o le saofaga; aua foi e gau ai latou i le sene mai le tala (\$)?

Tulafono Tau Faaofi o Teuteuga o le Tulafono o le Faaputugatupe mo le Lumanai Manuia o Tagata 2014 – faitauga faalua

Na o le Malo o lo o i ai le vaaiga mamao lena ina ia faaleleia atili pea saofaga mo nai o tatou tagata faigaluega.

O le Teuteuga la lea ua faoto mai nei i luma, o nisi o Teuteuga o le faasologa o Teuteuga ia e sau faapei o le tulaga o le fesoasoani e ave i faalavelave fai e tai pei o maliu. O lea la ua faataatia mai, a faapea e tulai mai se maliu ona mafai lea ona fai le fesoasoani e mafai ona tala i tua le seleni, le death benefit mo le fai saofaga ua sili atu ona tele. E le pei o le mea sa i ai e tusa ma le masina e tasi o lau saofaga e le tele ni pusaapa e mafai ona faatau ai e lou toalua o le a faia lou lauava, a o le a tutusa le fesoasoani ma le saofaga ua lua tausaga. O lona uiga ua tele le fesoasoani lea o le a maua mo le taimi o le maliu. Muamua atu, e tusa ma le saofaga i le masina e tasi, a o lea ua le tasi le saofaga o lea ua 24 masina o lona uiga ua lua tausaga, ona lava ai lea o le fuafuaga a le toalua e fai ai le lauava mo le faisaofaga ua maliu.

O isi Teuteuga na o lo o aumai, muamua, o le tusia o le teugatupe e sui ese mai ai e faasino i le toina i tua. O lona uiga o mea ia o teugatupe e mafai ona credit loa, tuu loa i totonu o lau teugatupe. O le taua o le mea lea, o le vave ona tuu i ai o le vave foi lena ona maua le tului ma saga televave ai ona alu i luga lau teugatupe. Ia o le isi tulaga lava ia mo fua faataatau o tului e tatau ona totogi i luga o teugatupe ma le faagasologa o tinoitupe a le sui ma le fuafuaina o sea tului, o lena o lo o sau i le faa-Peretania, provide for the interest rate payable members accounts and cash flows and calculation of such interests. I le tulaga o faamaumauga i lau teugatupe, e le na o tupe e alu i totonu, ae tatau foi ona i ai ma tupe e sau i fafo. O le faasologa la lea o tupe ulufale ma tupe e alu ese mai totonu, a oo lona i le taimi e charge ai, ia ona faapena lea ona take into consideration ia le movement lea o cash in cash out, ina ia atagia ai le mea e tatau ona i ai le tului a le sui.

O le vaega tolu, o lena ua uma ona ou talanoa atu i le siitia maualuga o le fesoasoani i le taimi e oti ai ma le saofaga na o le tasi le masina i le saofaga e lua tausaga, ua tele, ua faigofie ai ona sue ni povi, e sue ai ma ni pusaapa e faatino ai le lauava, i le tagata lava lea e leai lava se isi mea e tua i ai. O lena foi o lo o i ai ma tulaga e faasino i le penefiti a latou ia le amatutua e tuu i ai le avanoa ia lava, ina ia tatau ai ona tala i tua ia a latou faaputugatupe. O le tulaga faapea, e i ai lava isi taimi e umi lava ona taatitia ai i totonu, a taatitia taatitia ai lava ia ona lavea loa lea, o le tele ia o faaputugatupe faapena ua alu i ialo o le faaupuga, ua le iloa po o ai e ana ia tupe. O le mea la lena e taatitia ai lava ma taatitia ai lava ua le tala i tua. O le fautuaga foi la i le Faalapotopotoga e tatau ona proactive latou, aua le tuu umia, ae saili, aua e tatau lava ona maua e tatau ona ave i ai ia seleni nei, ae le na o le taatitia ai lava i totonu, e mafai lava ona maua i latou...O le isi mea e faafaigata o tagata foi ia e o i fafo, o le tutu atu lava o i fafo a o lea e i ai a latou teugatupe i totonu o le Fund. O isi faalavelave e tutupu mai i ina o mea o ituaiga pisinisi foi ia e aumai tupe i totonu ae le aumaia faamatalaga, ae po o ai e agai tonu i ai saofaga nei. A o le isi mafuaaga e mafua ai le mea lena, o pisinisi ua tipi saofaga a tagata ona nonofo lea ma faaaga saofaga a tagata ona ua faaletonu le latou tulaga tau tupe.

26 IANUARI 2015

**Tulafono Tau Faaoifi o Teuteuga o le Tulafono o le Faaputugaturpe
mo le Lumana'i Manuia o Tagata 2014 – faitauga faalua**

Ona uma lea po o ua tausaga po o ua lua tausaga ae fratoo gaoloi ina ua tuiiloa atu e le NPF. Ua i ai foi la faasalaga o kamupani ua faapena ona le amiotonu i le faatinoga, ae maua ai e solomua lava mea o pisinisi pepe, leega le faafoga, e maua ai ia i latou na, ua aapa i tupe a le aufai saofaga o la e faapea le aufai saofaga o lea ua aumai i i le NPF, a o la ua latou faaogaina. O le mea la lena o lea taua ai ia aiaiga faapenei pei ona avatu.

Ma le aiaiga mulimuli o lo o i ai le tulaga lena e pei ona aiaia e le Kapeneta, e le toe tele ni pule lua, e tasi lava le pule lua. O le faaiuga lena a le Kapeneta e le faapea, e i ai le Deputy ae toe i ai foi mīa ni Assistant, e tasi lava le pule lua ua le iloa po o le a le mea o le a faalupe ai le Deputy a o le a le mea o le a faalupe ai ia le Assistant. O le isi tulaga faigata o le i ai o le mea lena o le Deputy toe i ai le Assistant, ona o le tulaga lenei pei ua i ai se malamalamaaga, a avanoa loa le Pule Sili ona otometi lava lea o le see atu o le Deputy i luga, e le o se itu lelei pe afai e faavasivasi le Deputy ae sili atu ona atamamai le vaega lea e i lalo i le tulaga o le Assistant. O le faavae lena na faatino ai le tofamamao a le Kapeneta, aveese ia nei mea ma le soona tele o mea e tau fufulu. Afai lava o le Assistant, ae aua ia ne i toe fata ia mea o Deputies ma le tele o le femumai.

Lau Afioiga i le Fofoga Fetala'i, e faanoemoe ua matua manino lelei le faamatalaga, o le a vave ai foi ona faagasolo le tatou galuega, ou te faamanatu atu, e tatou te faatau pepe foi lava nanei o lo o faaauu pea le lafo i le taimi o le 3:00 agai i le 7:00, pe a tuua foi i le 1:00 i le tulaga masani. Ia ae ala lava ona umi a tatou mataupu, ia o mataupu faigoēē ae tatou te nonofo lava ma faafaiagata. Lau Afioiga i le Fofoga Fetala'i, ia manuia le Fonu.

FOFOGA FETALAI: la manatu ua faafofoga ma le manino le paia ma le mamalu o le tatou Maota i le tatou Tulafono Tau Faaoifi muamua. O lea ua opea i le Maota le faamalamalamaaga a le Afioiga i le Palenia o le Ministia foi lea o le Matagaluega.

Ia o tatou tu ma aga masani, o le taimi lenei o a tatou felafolafoaiga pe a i ai se sui usufono e fia saunoo. Ia afai lava o lea ua maua ia leaga o lea ua...ia tulai muamua mai la ia le sui usufono mo Faasaleleaga Nu. 2, ia ona sosoo ai lea ma le sui usufono mo Faleata Sisifo ma le sui usufono mo Aana Alofi Nu. 3.

Tulai mai lau Afioiga i le sui usufono mamalu mo Faasaleleaga Nu. 2.

Susuga PAPAII LIO FAAVAIVAIOMANU TAEU MASPAPU (Faasaleleaga Nu. 2): Faafetai i lau Afioiga i le Fofoga Fetala'i faapea foi le paia o le Maota, faafetai foi mo le taulaga molia i lenei taeao fou aemaise foi o le aso amatala o lenei vaiaso i a tatou galuega. E au faatasi foi lenei usugafono i le faafetai le viiga ma le faamanu i le Aua, ua taitai manuia mai le soifua o lau Afioiga faapea foi le mamalu o le Palenene mo lenei aso fou i le amatala o a tatou galuega mo lenei vaiaso.

E fia faaalua foi se manatu i lenei Tulafono Tau Faaoifi, e talitonu foi o se Tulafono Tau Faaoifi taua ma le aoga.

26 IANUARI 2015

Tulafono Tau Faaofi o Teuteuga o le Tulafono o le Faaputugatupe mo le Lumanai Manuia o Tagata 2014 – faitauga faalua

E talitonu lava e tau lava le igoa o le Tulafono o le aoga o le Tulafono Tau Faaofi o le Lumanai Manuia o Tagata. O lenei vaavaai ma le matau ma le faalogologo foi i le saunoaga a le Afioga i le Palemia, ia e faamaonia foi e lou nei sui usufono le taua o lenei faaputugatupe aua lava le lumanai manuia o tatou tagata. E fia faatauaaina foi se lagona o lenei sui usufono i se vaega lea e tusa o le pasene o saofaga a le aufai saofaga, o lea pei ona maua o lea o le a sii atu mai le 5% agai i le 6%, ia e fuafua mo le lumanai.....

FOFOGA FETALAI: Malie le sui usufono mamalu, se i tulai atu le Afioga i le Palemia.

Susuga Hon Tuilaepa Fatiafoga Lupesoliai Aiono Neioti Sailele Malielegaofi: Lau Afioga i le Fofoga Fetalai, e le o aumaia i le Tulafono Tau Faaofi lea le mea lena, o lea sa ou fai atu e i ai le Tulafono mulimuli e aumai ai. Ae a pe a malie le sui usufono, tatou agai pea i le Tulafono Tau Faaofi lea, ae se i aumai le Tulafono lena ia ona tatou agai lea i ai, leaga e leai ni sene o i ai i i le mea lea, o lo o i ai ia Tulafono o lo o mulimuli mai. E ala ona ou tulai atu leaga o lea a tuu le maa ae maa i aau. Ae se i taatia pea se i aumai le Tulafono lena ia ona tatou faisaoifaga lea i ai i le tulaga o felafolafoaiga, ae o lea o le a saunoa i le sui usufono i se mataupu e le o aumaia i totonu o le Tulafono.

FOFOGA FETALAI: E manatu o lea ua maua mai e le sui usufono mamalu, ia tulai maia e faaauu le saunoaga le faamalalamalama a le Afioga i le Palemia.

Susuga PAPALII LIO FAAVAIVAIOMANU TAEU MASIPAU: Faafetai e le umi foi se manatu, e pau lava le mea na ona matou pai i ai i le agaga faafetai, leaga e tasi lena mea o lo o taua foi i lou nei sui usufono ia lea vaega ua saunoa i ai, ia ae faafetai o lea ua maua, o lea o le a fuafua mai. O le agaga lena, o le agaga faafetai a lenei sui usufono o lena ua fuafua mai.

Ae e pau lava se matou faamatalaga e uiga i le suiga mai, o le faamanuiaga foi lea mo e e maliliu, o lea ua matau atu foi i lea suiga, pei ua sii mai i le tasi masina agai i le lua tausaga. Leai o le agaga o lenei sui usufono, peiseai foi lele e talitonu lava o le a umi atu lea piriota, aua peiseai o le mea sa i ai, e moni lava po o le a lava le laitiiti sa i ai le Tulafono o lo o ai, a o le mea sili ona taua, o le maua o se fesoasoani, aua o le mea moni lava, a pasia nei le suiga o le Tulafono, o lona uiga seifoga lava la e atoa le lua tausaga o le saofaga a le sui faatoa agavaa foi lea i se faamanuiaga tau maliu. Pei o le agaga lena o lou sui usufono, ona o le taimi nei, ia pe laitiiti lava pe a, o lo o agavaa lava i latou e maliliu, pe afai o la e i ai se saofaga e tasi le masina. Ia pei lava ona i ai se agaga o lou nei sui usufono ia e manatu lava i mea nei o maliu, pei o taimi faigata ia o mafutaga o aiga.....

26 IANUARI 2015

**Tulafono Tau Faafii o Teuteuga o le Tulafono o le Faaputugatupe
mo le Lumanai Manuia o Tagata 2014 – faitauga faalua**

FOFOGA FETALAI: Malie le sui usufono, se i tulai atu le Afioega i le Palemia.

Susuga Hon Tulaeapa Fatialofa Lupesohai Aiono Neiofi Saitele Maliegaoi: Lau Afioega i le Fofoga Fetalai, o le a se i ou toe tulai atu lava o lo o i ai si tamai faasaoga i lau faamatalaga lea e avatu.

O le suiga lea e i ai e faasino i le Death Benefit ma e faasimotonu lava i le lua tausaga lea, afai e le oo i ai le saofaga a o lea pei o lea ua agai i ai le sui usufono, e le mafai la ona oo i ai le aofaiga seliloga ua... lona uiga afai na o le tasi le masina o lau saofaga lea e i ai, e le mafai la le tulaga lena, o lea e tumau le \$5,000. Mo sina faataitaga, o le tagata e fou atu e le i taitai ona oo i ai le... ia e le mafai la ona entitle i le mea lena, aemaise lava se tagata o lea faatoa tasi le aso ae tupu ai se faalavelave.

Lau Afioega i le Fofoga Fetalai, o se toe teuteuga lena o lau faamatalaga lea ua avatu.

FOFOGA FETALAI: la tulai mai le sui usufono mamalu e faaauu le saunoaga.

Susuga PAPALII LIO FAAVAIVAIOMANU TAEU MASIPAU: Ia, o lea e ese foi lau faauigaina o le tulaga lea. O lau lava tilotilo, o lea o le a suia atu i le tasi le masina agai i le lua tausaga. O lona uiga, ua le toe agavaa le tasi masina i lau vaavaai i le suiga lea e sau nei i le Tulafono Tau Faafii. O lona uiga mo i latou lava ua tasi le masina i le taimi lenei, e le toe agavaa, ae peiseai o le taimi lenei o lea e matau atu, e tasi lea fuafuaga e maua soo pea, aemaise lava... mo se faataitaga lau Afioega i le Fofoga Fetalai, o nai tina foi nei e le faigaluega a o le tama o le aiga ua malū, peiseai o le tala lava lea e faalogoina pea, o se tala foi e lagona ai foi le fiafia, o se fesosoani a le Faaputugatupe mo malū.

O le uiga, o le uiga lena o se taumafai atu a lou sui usufono, ne i te i ua mau mau lea fesosoani tatau i o tatou tagata, ae afai o le sao lea o le saunoaga a lau Afioega i le Palemia, e tumau pea i le tasi le masina, ia pei o le mea lena o lea e taumafai atu ai lou sui usufono, ne i te i ua mau mau lea avanoa i o tatou tagata aemaise lava ia o taimi lava nei o malū pei o taimi tuga na o le soifuaiga, o e ua motusia le mafutaga, pei o i lava e tua i ai le tina pe a malū faafuasei.

Ou te talitonu foi, o le isi itu lau Afioega i le Fofoga Fetalai, tasi lenei Faalapotopologa ua tele foi lona tamaoaiga, tele ana investment, a o lea vaega o le a mau ai se fesosoani mo e vaivai mo e foi faatoa faigaluega pe a tutupu mai ni faalavelave.

E pei o le agaga tonu lena o lea e taumafai atu ai i lau faauigaina o le suiga lea ua aumai nei i luma o le Palemene.

FOFOGA FETALAI: Tulai mai lau Afioega i le Palemia.

Tulafono Tau Faaofi o Teuteuga o le Tulafono o le Faaputugatupe mo le Lumanai Manuia o Tagata 2014 – faitauga faalua

Susuga Hon Tuilaepa Fatialofa Lupesoliai Aiono Neioti Sailele Malielegaoi: Lau Afioiga i le Fofoga Fetalai, se i toe....leaga o le a umi tele le saunoaga a le sui usufono ae pei na te i le i maua mai le faasaoga lea na ou toe faamanino atu. E faigofie lava pe a ou taua o le tagata faatoa tasi le aso e galue ai, a, e na o le \$30 ia lana tupe e maua. E faamanino atu, e faigofie lava pe a ou taua o le tagata faatoa tasi le aso e galue ai, na o le \$30 lana tupe e maua. Ia, e manatua ia, e sene i le \$1 e totogi. Na o le 23sene la ona faatefe lea i le 5, na o le 60sene lana saofaga, ona faapoopo mai lea ma le 60sene a le Malo ona maua lea o lana \$1.20. O lea la faatoa tasi lava le aso ae oti loa. O le tulaga la i le Tulafono Tau Faaofi, seiloga e lua tausaga ma ova atu, ona oo lea o lana death benefit i le lua tausaga lea na ou taua, ae muamua atu sa na o le tasi le masina. E fua la i lau saofaga lea sa fai i totonu. E le taitai talafeaga le tagata faatoa faigaluega, pe na o le afa aso na faigaluega ai ae see i se paufai te i ua oti ai, e savali atu i le galuega ae te i ua see i se paufai ona oti ai lea, o lea e le i taitai tele sana... na o le 60sene lana saofaga, e le mafai la ona ave i ai le fesoasoani lea, a o la e lava e tumau le tulaga o le \$5,000 lea o lo o i ai nei. Ae na o le tagata la ua ova atu i le lua tausaga lana saofaga.

FOFOGA FETALAI: Ou te manatu ua manino le faamalamalaga a le Afioiga i le Palemia le sui usufono mamalu. Tulai maia e faaauu lau saunoaga.

Susuga PAPALI LIO FAAVAIAOMANU TAEU MASIPAU: Faafetai. O le mea sili lea ua maua atu, o lo o tumau lava le \$5,000 i le taimi leni pe afai o le a pasia leni Tulafono Tau Faaofi. Faafetai i lau Afioiga i le Fofoga Fetalai.

FOFOGA FETALAI: Malo faafetai i le sui usufono mo Faasaleleaga Nu.2. Tulai mai le sui usufono mo Faleata Sisifo.

Tofa LEALAILEPULE RIMONI AIAFI (Faleata Sisifo): Faafetai i lau Afioiga i le Fofoga Fetalai mo le avanoa. E muamua faafetai i le Afioiga i le Palemia po o le Minisita o Tupe mo leni Tulafono Tau Faaofi. E faafetai atu foi i le Tamaitai Pule ma le Matagaluega, tele galuega lelei ua tatou vaai ua faatinoina e le Faalapototoga leni mo le atinae o le atunuu, e le gata i Samoa nei ae faapea foi atunuu i fafo. Faamalo le galulue.

Ae i leni lava Tulafono Tau Faaofi lau Afioiga, e toe fia oo tasi lava i le mataupu lea na saunoo nei i ai le Afioiga i le Palemia. I le suiga ua aumai nei, o le faa-fa ai lea ona suia le Tulafono Tau Faaofi, mai le 1972, 2007, 2010, o lea ua toe teuteu nei i le 2014, o lea ua faatalanoaina i le taimi nei.

Mai le 1972, pau lava le saofaga e moomia e te totogia ona e maua lea o le faamanuiaga lea pe a te i ua e maliu, e \$1. Ae oo mai i le 2007 o tumau lava lea faiga. I le 2010 ia, o lea ua tuu mai i le tasi le masina.

26 JANUARI 2015

**Tulafono Tau Faaofi o Teuteuga o le Tulafono o le Faaputugatupe
mo le Lumana'i Manuia o Tagata 2014 – faitauga faalua**

• O le uiga o lau faamatalaga lau Afioaga, i lenei vaiata i le tele o galuega lelei ma le faatupulaila pea o le faaputugatupe lenei, i Jou talitonuga ma Jou vaivai, o lea ua toe lau foi i tua. O le 43 tausaga lenei o le Matagaluega. O lea ua.....

FOFOGA FETALAI: Malie le sui usufono mamalu o saunua, se i tuu atu le avanoa i le Afioaga i le Palemia.

Susuga Hon Tuliasepa Fatalofa Lupesolilai Aiono Neioli Saliela Maliegaosi: Lau Afioaga i le Fofoga Fetalai, ua matua sese mamao lea lafoga . E le o foi i tua le NPF o lea e agai i luma. O lafoga ia e atili ai le vevesi o tatou. E le mafai ona ou tuuloa se lafoga e soona alu le tapasa faapea. E te le i ai i le tausaga e 1972 sa talanoa ai le mataupu lea, o le matua faigata. O le ala foi lena na ala ai ona... aemaise lava totonu o le Palemene lenei, o le tele lava o sui usufono na matua tete'e i lenei mea, ae i ai le faiga na mafua ai ona faigofie ma talia e le Palemene. O lena e i ai le Tulafono na o sui usufono lava e mafai ona tala i tua a latou faamanuiaga, tala uma lava, ina ua uma le tolu tausaga o le Paeaiiga i luga o le talitonuga e pau lava lea o le galuega a le faipule, a uma loa lava ua uma. Ia se i vaai i le le talafaga'ai o lena mea na fai i na ona po, o le tuufau tuutuuloloa o le toatele i tua ae sa na o le Palemene lava sa tala i tua. O le ala lena na ala ai ona toe fai nei i le 1996 le tatou NPF lea e i ai nei po o le pensione, ona o le tulaga lena, ua leai ni mea e tua i ai le faipule, ona o le tala uma i tua i le taimi e fai ai le palota.

FOFOGA FETALAI: Tulai mai le sui usufono mamalu.

Tofa LEALAILEPULE RIMONI AIARI: Lau Afioaga, faafetai. O le mea lea e agai pea i ai i le death benefit lea. O le faamanuiaga lea sa i ai, e tolu ea pe tasi le masina e te faigaluega ai ae e maluu, e maua lava lau faamanuiaga. O le mea la lea ua i ai, selologa e lua tausaga talu ona e faigaluega, ona faatoa maua lea o lau faamanuiaga lea. O le uiga la lea o lau faamatalaga. Afai ua 43 tausaga o alu lava i le faamanuiaga lea e i ai pe \$1 pe tasi le masina ae e maluu maua lau faamanuiaga, o le a la le mea ua toe tuu ai i le lua tausaga?

FOFOGA FETALAI: Tulai mai lau Afioaga i le Palemia.

Susuga Hon Tuliasepa Fatalofa Lupesolilai Aiono Neioli Saliela Maliegaosi: Lau Afioaga i le Fofoga Fetalai, o le fuafuaga alualu i luma la e i ai tagata faapitua latou te fuafuaina mea nei o tupe tofogi, fuafua, e fai loa se fuafuaga mo le talaina i tua, o latou la na e omai e vaavaai i le tulaga o le puipuiaga o le fund i le mea e talafaga'ai ma le mea e le talafaga'ai. O le itu tava lava lena, e le soona faia e le Komiti o i ai nei se faiga pe afai o lea ua tupu foi lava le aofai o le toatele, e na o sina pasene lava o ni tupe e nono i tua, e faifau miliona ma miliona. O lona uiga, o le tiute lena o le Komiti la e i ai nei, e matua vaai toto'a i ni auata e preserve, puipui ai le fund ina ia faaauau pea.

26 IANUARI 2015

**Tulafono Tau Faaofi o Teuteuga o le Tulafono o le Faaputugatupe
mo le Lumanai Manuia o Tagata 2014 – faitauga faalua**

E le faia i ni tulaga foi lea o le faamalie o tagata, ae fai i le tulaga e mafai ona tapa atu tagata, a o la e lava e i ai le fund e mafai ona aumai ai le fesoasoani, i lo le alu i le mea foi lea o le fia lelei, ae uma ane ua leai se mea, ua leai se fund e tapa i ai.

Lau Afioga, o le tulaga lena o lea ou te... e le o i ai Tuivalea i totonu e pulea le fund, e vaai atu lava i le mea e oti ai le fund ae fai lava.

FOFOGA FETALAI: Ou te manatu le sui usufono mamalu ua malamalama le mataupu, o lea foi ua folasia lou finagalo, e manatu foi o lea ua oo le fautuaga, o lea foi ua saunoa le Malo e ala i lo latou manau sa feliliuiui mamafa i ai lo latou finagalo. Ou te manatu ua manino ma malamalama, ae taatia maia lou finagalo ae see i se isi mataupu.

Tofa LEALAILEPULE RIMONI AIAFI: Lau Afioga, faafetai. Leai e taua le vaega lea, ona o le fund, e tai pei lava o le insurance. A pay nei lau insurance nei ae e oti taeao, leaga o lea e faauiga... o le faaupuga o le tatou teugatupe lea, o le Lumanai Manuia o Tagata. O lou lumanai la e le faapea seiloga e 55 tausaga ona faatoa lumanai lea. E amata atu lava taeao, talaatu taeao....

FOFOGA FETALAI: O lea ua maua lou finagalo Lealailepule, tulai mai le Palemia.

Susuga Hon Tuilaepa Fatialofa Lupesoliai Aiono Neioti Sailele Malielegaoi: Lau Afioga i le Fofoga Fetalai, e pei lava ona ou taumafai e tau atu, o le natura lea o tatou, e maua loa lava le tupe faaoga nei, ae seasea tupu ae se agaga foi lea e teu mo le lumanai. O le ala lena e ala ai ona laa le Malo i totonu, o le Malo e tatau ona vaaimamao mo le agai i luma. O le ala foi la lea o lea e mafai ai ona ave le fesoasoani o avanoa ia i nogatupe ia e fai pea. Muamua atu sa laitiiti lava le vaega sa mafai ona nono, ona alu alu lava lea tele le pasene, sa faaopoopo mai lava i teuteuga ia sa fai i aso ua tuanai, e faaopoopo ma faaopoopo ina ia mafai ai ona tele se tupe nono. O nei la, o isi tagata ua oo i le 80% ua aofia atu ai ma le saoga a le Malo. Ona oo ane lea i le taimi e moomia ai le tala atu i tua, toetiiti lava leai se tupe. O le upu foi faapea o le tatou atunuu e tausi e fanau matua, e leai se mea e tau popole ai, e le faapena uma fanau, e le faapena uma fanau. A lele e oo lava i le tupe lea o penisione lea e ave, lea tou te lauga mai ai ua tauau ina faalagolago i ai isi fanau matutua ua le o e faigaluega, a ua faalagolago mai i le penisione lea e avatu e tausasami ai foi ma latou, ma aai ai ma fai ai alofa ma taulaga. A o le mea na avatu, e mo matua, a o lea ua avatu e le na o matua, a o lea ua tausi ai ma fanau a fanau ma fanau a fanau a fanau.

Lau Afioga i le Fofoga Fetalai, se o tatou uma o Samoa, tatou te le o nonofo i se isi paneta, o lea tatou te iloa uma lava mea o lo o tutupu.

26 IANUARI 2015

Tulafono Tau Faaoifi o Teuteunga o le Tulafono o le Faaputugatupe
mo le Lumanai Manuia o Tagata 2014 – faitauga faalua

Tofa LEALALEPULE RIMONI AIAFI: Lau Afioaga, o mea uma ia e saunoua mai ai le Afioaga i le Palemia, e le i taua i lau lauga, e sao, mea ia o pasene ma le talaga i tua. E tasi lava le mea lea ou te tautala i ai, se i tagai i ai, o le vaega lea o le death benefit.

Tofa Hon Tuuu Anasii Leota (Siimu): O se mea e fia faamalamalama lau Afioaga i le Fofoga Fetala'i i le saunouaga a le sui usufono mo Faleata Sisifo.

FOFOGA FETALAI: Malie le sui usufono mo Faleata Sisifo, se i tuu atu le avanoa i le sui usufono mo Siimu.

Tofa Hon Tuuu Anasii Leota: Lau Afioaga i le Fofoga Fetala'i ua ou tulai atu e fia faafesititi i le sui usufono mamalu o lo o saunoua, po ua ia silafia pe fia tagata faisaofaga ua malilitu i le faifasi le aso na faigaluega ai ua matua ai le teuteunga lea ua popole ai le Malo. Po ua ia silafia le aofai o tagata faapea ua.... Ma lou faaalalo.

FOFOGA FETALAI: Onosai mai le sui usufono, se i tulai mai le Palemia.

Susuga Hon Tuliapera Fatialofa Lupesoliai Aiono Neioti Saliela Maliegaofi: Lau Afioaga i le Fofoga Fetala'i, ou te agai sao atu lava i le sui usufono lea e tautala, e tu fua le sui usufono mo Siimu e faatupu manatu faavalevala ma aumai a latou fesili faavalevala.

Lau Afioaga i le Fofoga Fetala'i, o le a tauau foi ina pisa tatou ona o le agai atu i mataupu ia. O lea na avatu lau faamalamalama e faamalamalama ai i sui usufono e faigata ona faamalamalama e pei o le sui usufono mo Siimu. O lena lea na ala ai ona avatu le aso e tasi ina ia malamalama ai.

FOFOGA FETALAI: Tulai mai Lealalepule ou te manatu ua manino... Tulai mai le sui usufono mamalu mo Siimu.

Tofa Hon Tuuu Anasii Leota: Lau Afioaga i le Fofoga Fetala'i, ou te tulai atu ma le faalalo leaga o lea ua saunoua le Afioaga i le Palemia i ia itaiga saunouaga faapea o le faavalevala. O lea ou te tulai atu ou te fesili ou te fia malamalama foi au ia. Ma lou faalalo, a o itaiga saunouaga nei, se ou te matua faanoanoa tele.

Susuga Hon Tuliapera Fatialofa Lupesoliai Aiono Neioti Saliela Maliegaofi: Lau Afioaga i le Fofoga Fetala'i, o au lea e agai i o, e le o i i Tuiyala. Ia agai le faasao i le o lo o saunoua. E te le o faasao le o lo o saunoua o lea e te faasao le faasao. Ua leva ona e Minisita, ae saga pogisa soo faapea. Ua leva ona e le toe i ai i le HRRP. O le a le mea e te le faamavae mai ai?

FOFOGA FETALAI: Malie le sui usufono mo Siimu... Malie o lea ua ou fai atua le faaiuga o le mataupu.

26 IANUARI 2015

Tulafono Tau Faaofi o Teuteuga o le Tulafono o le Faaputugatupe mo le Lumanai Manuia o Tagata 2014 – faitauga faalua

Tofa Hon Tuuu Anasii Leota: Lau Afioga i le Fofoga Fetalai, ua ou lagona le faanoanoa i lenei taeao i ia ituaiga saunoaga faapea. Ae ou te le o malamalama la. O lea ou te talanoa sao lava i le sui usufono, ou te le o agai i o.

FOFOGA FETALAI: Malie Tuuu, o lea ua ou maua lou finagalo. Na ala foi ona tuu atu le avanoa e le Fofoga Fetalai ona o le fia faapupula atili o le faamoemoe.

Susuga Hon Tuilaepa Fatiafola Lupesoliai Aiono Neiotti Saiale Malelegaoi: Lau Afioga i le Fofoga Fetalai, e manino lava lau faamatalaga, o le faamalalamaina o le mataupu i le sui usufono o lo o lagaina le fesili. E le o oo i ai sana mataupu i le mea lea, a o fesili ia e te faatupua, o mea o ituaiga fesili e faatupu ai manatu alualua. Ua e vaai i ai faatoa e sau nei lava ananafi i totonu o le Maota. E faapea lava e puaoa ia te au le vaai i mea uma e te tu ai? O lea e agai le mataupu i o i le sui usufono.

FOFOGA FETALAI: Ia, malie ia le tofa i lau Afioga i le Palemia, e manatu ua manino ma malamalama le faamoemoe. Tuuu, o lea ua ou faauma atua le mataupu, o lea o le a tulai Lealaillepule e faaauau lana saunoaga.

Tofa Hon Tuuu Anasii Leota: Ua ou faaaloalo tele i lau Afioga i le Fofoga Fetalai. Faafetai.

FOFOGA FETALAI: Malie e i ai taimi ta te fetuunai ne i te i ua see ese le mataupu. Lealaillepule, o lea o le a ou fautua atu, ua faalua ona ou fai atu o lea ua manino, e le tulituliloa foi e le manatu o lea ua maua e le Kapeneta lou finagalo, ae see ese ma lea mataupu e manatu ua manino, o lea foi ua tali malamalama le Malo i le mafuaaga ua ala ai ona sui mai le faamanuiaga i le tasi le masina i le lua tausaga.

Silasila foi i le mea lea na agai i ai, o le tele lava o le faamoemoe ina ia taumafai e sefe tupe a le Matagaluga ina ia taunuu tonu lava i le mea tonu o lo o i ai le upu o le lumanai manuia. Malie le sui usufono, agai i se isi mataupu mo le faamalalamamaga.

Afioga Hon Palusalua Faapo II (Taitai o le Itu Agai): Lau Afioga i le Fofoga Fetalai...

FOFOGA FETALAI: Malie Palusalua.

Afioga Hon Palusalua Faapo II: O se mea e fia faamalalamamaga leaga e taua le mea lea.

26 IANUARI 2015

Tulafono Tau Faaoifi o Teuteuga o le Tulafono o le Faaputugatupe
mo le Lumanai Manuia o Tagata 2014 – faitauga faalua

FOFOGA FETALAI: O lea ua uma o lea ua ou fai atu o lea ua malamalama le saunouga. A e fia saunou oe ona e saunou lea i lou taimi, ae agai pea Lealailiepile o lea ua faai mai lana saunouga.
Tulai mai le sui usufono mamalu.

Tofa LEALAILIEPILE RIMONI AIAFI: Faafetai. O le mea lena na tatou talanoa ai i le death benefit, a o lea o le a death from the party isi tagata. O le mea lea lau Afioaga, e leaga e taua ia te au, ona o le naunautaiaga na ala ai ona faavae e le Mato, e sao le Afioaga i le Palemia ou te le i ai i le 1972 i l, a o le mea lava na fai e outou aua le manuia o tagata lautele.

O le naunautaiaga o lou loto le mafuaaga na faatulai ai le Fund mo le manuia o tagata uma, aua afai o lea e 55 tausaga ae ou te le i oli, e tatau ona toe aumai sau ponesi aua o lea ua 55 tausaga o tipi lau death benefit, ua maua mai lau Afioaga? Ae ui o lea o le a ou see ese, o la ua faafioaga mai le Afioaga i le Palemia.....

FOFOGA FETALAI: Malie le sui usufono o lea ua maua lou finagalo, atonu e faatupu manatu mo se isi taimi.

Tofa LEALAILIEPILE RIMONI AIAFI: Ia ona ou oo mai i le isi vaega lea o le Tulafono lau Afioaga le isi Teuteuga lea ua aumai mo le Au Penisione lea faapea mai, a atoa le tausaga e tatau ona claim i totonu o le tausaga le faamanuiaaga lea. I lou talifonuga e le tatau ona i ai se pa puipui, o nai tagata lava ua tau sue pepa fanau po o ua le iloa tonu le taimi na fananau ai po o la e malaga i fafo po o le taimi ua...aua e i ai lava isi tagata e galo, ia e i ai mafuaaga faapena. Po o le a le taimi e fia claim ai, e tatau lava ona agavaa tagata e claim.....

FOFOGA FETALAI: Malie le sui usufono, se i tuu atu le avanoa i le Afioaga i le Palemia.

Susuga Hon Tuilaepa Satai Fatalefa Lupesoliai Aiono Neiote Satele Malleagaosi: Lau Afioaga i le Fofoga Fetalai, o mea faapena o la e i ai le uta fetalai, ae e tatau lava ona faatulafonoina le puipuiiga o teugatupe, e leai ni teugatupe e tuufaatafagaloa, e tatau lava ona i ai, e manatia foi o mea nei e oo loa i mea tau tupe, ona fefeefe loa lea o le mafautau o le tagata e aumai ituaiga excuses uma lava, ua tele foi tagata e o atu e tala mai le tupe ae le o latou e ana tupe, e mamao ma le na fuafua i ai ia tupe a le tagata ua maliu. O le mea la lea, e tatau lava ona fai ni puipuiiga, e le tatau ona faatafagaloa. O le faamalalamagama lena lau Afioaga. Po o le agaga o le sui usufono, ia faatafagaloa ia faigofie, o mea tonu lava na e faigofie ai ona le toe i ai se Fund.

FOFOGA FETALAI: Tulai mai le sui usufono mamalu.

26 IANUARI 2015

Tulafono Tau Faaofi o Teuteuga o le Tulafono o le Faaputugatupe mo le Lumanai Manuia o Tagata 2014 – faitauga faalua

Tofa LEALAILEPULE RIMONI AIAFI: Lau Afioa o le Tulafono o lo o i ai nei, faapea ua oo i le 66, 67 ou tausaga ae faatoa e sau claim lau penefiti i lau faitau i ai, e mafai. A o le mea lea ua faatulafono mai i i, i totonu o le tausaga talu ona e entitle i ai i le penefiti lenei, o le popolega ia lena ia te au, ne i te i ua oo atu i luga ua sili ni ou tausaga, ae foi mai faapea sa tatau ona claim i totonu o le tausaga lea lau penefiti. E manatua foi o le tupe lea e ave i le NPF, o le tupe mai le Malo, o le tupe a tatou, o le a le tatau ona totogi se fee e lease ai e le NPF le tupe lea.

FOFOGA FETALAI: Malie le sui usufono, se i tuu atu le avanoa i le Afioa i le Palemia.

Susuga Hon Tuilaepa Fatialofa Lupesoliai Aiono Neioti Saile Malielegaoi: Lau Afioa i le Fofoga Fetalai, e le o se mea leaga le vave tala o le tupe e faaoga, e le o se mea leaga. Ae ou te le iloa lava po o le a le mea e saga nofonofo ai le sui usufono i i, e le o se mea leaga le mea lea o le vave tala i tua, aua o le tuutuu i totonu e tele lava mea e ono tutupu ai. E manatua foi na ou fai atu, se o le mea lea o le tiapolo e fealua'i solo, e powerful tele le mea o le faaososoga, ia nofonofo nofonofo lava le isi tilotilo soo atu i le tupe, ia e le uma lava le tagovale, o le mea lena o le tagovale e i ai lava i tagata uma o le lalolagi lenei e mai lava i le foafoaga le tatou lalolagi, so o se ituaiga solitulafono, sa i ai lava i le amataga e toe oo lava i le faainga o i ai lava, e le o mafai ona.....e faigata tele ona soloia. A o le vave ona ave i tua, o le vave foi lena ona faaoga e le tagata lana seleni, ia e le o se mea leaga la.

FOFOGA FETALAI: Tulai mai le sui usufono mamalu.

Tofa LEALAILEPULE RIMONI AIAFI: O lea e feteenai le finagalo o le Afioa i le Palemia ma le aumaiga o le Tulafono. O le Tulafono Tau Faaofi o lo o i ai i le taimi nei, e le o manino mai le tulaga lea, a faapea e 65 ou tausaga e te le alu atu, e le afaina, pe 66 pe 67 foi lele ona e alu atu loa claim o lea ua e entitle i le penefiti lea e \$100 i le masina. A o lea la ua aumai nei le suiuga fou lea, o so o se tagata lava ua entitle i le penefiti, e tatau ona claim within one year, a, e tatau ona aumai i tua i totonu o le tausaga. Ou te le o malamalama tonu la, pe aisea ua fai ai lea vaega? Po o le a le mea ua ala ai ona faapea i totonu o le tausaga.....

Susuga Hon Tuilaepa Fatialofa Lupesoliai Aiono Neioti Sailele Malielegaoi: Lau Afioa i le Fofoga Fetalai, a lea ua ou faamatala atua, o le manaita ia o le mea o le entitle loa o oe tala i tua lau tupe, ma o le tulaga lena masani, e seasea e maua se isi o faaumiumi ona.....e vagana ia tagata foi ia e masani ona o i fafo ia o isi lava po o le iloa o le mea e tatau ona fai. A o le manaita ia o le vave ona aumai i tua, o le mea muamua e faafigofie ai galuega a le NPF, lona lua, ia o le a le mea e saga tuutuu ai i totonu ae aumai loa e faaoga?

26 JANUARI 2015

**Tulafono Tau Faaofi o Teuteuga o le Tulafono o le Faaputugatupe
mo le Lumana'i Manuia o Tagata 2014 -- faitauga faalua**

O lea e i ai isi teugatupe e sili atu ona tele lau tupe e maua ai pe a ave e teu ai, tai pei o le UTOS. Ae ou te le iloa po o le a le mea e ala ai ona saga umiurni ona talanoa lena mataupu, pei se mataupu leaga, a o le manaia ia o le maua loa o lau seleni aumai loa i tua. O le tele o tagata e o atu ia te au, o le mea lena. O le a le mea e taofiofi ai le maua o tupe ae le tala mai i tua? Ae ese le mea lea e tulai mai ai le sui usufono, e le manao e vave tala mai i tua ae tuutuu ai pea i totonu. O le puipuga lena ina ia faafaiyofie galuega ma iloa tonu vave ai le tagata e ana le seleni ma le tagovale ai se isi o le Ofisa o le NPF.

FOFOGA FETALAI: E manatu ua malamalama, ia faafetai Leala.

Tofa LEALALEPUE RIMONI AIAFI: Faafetai lava. E le o se manaoga o au lau Afioega o le manaoga o le Tulafono lea e taumafai e faamatala, e esese, o lea na saunua le Afioega i le Palemia i le malaga i fafo, aua tasi lenei mea sa tatou laga foi talu ai i le Tulafono, a, e 30 aso o le entitle e manatua foi isi atunuu e tai lua, tolu masina e o ai nai tagata e tafafao, o tagata ua matutua e o e tafafao, pe mafai ona tuutuu atu i tua i le tolu masina, pe ono masina e o, aua o le mea lea e tupu e otometi lava le tipi o le pensione pe a o atu ae maua mai le records mai le malae vaatele e 30 aso, ona alu lea o le loomatua foi mai e lua masina e alu atu e tala lana pensione ua le maua, a, ona faapea lea ua tipi, ae le iloa aua e tatau ona toe foi mai toe alu i o i le ofisa tau i ai o ia lea ua toe sau, a? O lona uiga o le faamatalaga, afai e otometi le tipi, e tatau foi la ona toe otometi le restate, toe totogi le tupe a le tagata aua e le iloa e nai tagata mea nei.

Ona ou oo mai lea i i i pasene ia e totogi i tupe foi ia a tagata o le a tala i tua, ou te talitonu ou te lagolagoina le finagalo o le Matagaluega, ina ia fuafua lau interest i le tausaga e tala ai i tua lau tupe. O vaega taua ia i lau tilotilo i ai ma aso e ave ai i tua faamanuia. Ae o tatou i i le vaega lea, e talitonu o le a....e tele isi mataupu lau Afioega, leaga o lea ou te vaai atu i le Afioega i le....ia tuuava ia, ae ui o lea, o nei lava manatu e avatu e faatupu manatu i le Malo ma le tulaga e i ai ma le mafuaaga na faatu ai tatou tupe nei ia mo le manuia lautele o tagata, e le faatali se i 55 tausaga, e amata atu lava i le taimi e togi sao ai nai tagata i a latou mea fai i le atinaeina o latou aiga, ia se i oo i le.....ae faafetai foi i le Afioega i le Tamaitai Pule ma le Matagaluega i le tele o galuega lelei o lo o faatino. O mea lava ia e avatu e faatupu manatu e toe matimati ai le faufausiaina o le tatou Tulafono ma penefiti o tatou tagata i le agai i luma. Ia ma le faaalalo lava, faafetai.

FOFOGA FETALAI: Malo faafetai. Tulai mai le sui usufono mo Aana Alofi Nu. 3.

Afoga TOFOLESUUSUU CEDRIC POSE SALESA SCHUSTER
(Aana Alofi Nu. 3): Faafetai lava i lau Afioega i le Fofoga Fetalai mo le avanoa.

Tulafono Tau Faaofi o Teuteuga o le Tulafono o le Faaputugatupe mo le Lumanai Manuia o Tagata 2014 – faitauga faalua

Lau Afioga i le Fofoga Fetalai e le tele foi ni manatu i le Tulafono Tau Faaofi, e lagolagoina le taumafaiga ina ia faaleleia le gata i le aoina o seleni a o le faaogaina foi o seleni o le tatou NPF mo atinae o le tatou atunuu, aemaise o tatou tagata lautele. E pau lava nai fautuaga o le tuualalo e mafai ona toe silasila i ai le Pulega lau Afioga aemaise lava i le iloiloina o lenei Tulafono Tau Faaofi.

Muamua lau Afioga i le Fofoga Fetalai, e toe paia lava se leo i le vaega e taua o le Death Benefit. O le tuualalo lau Afioga i le Fofoga Fetalai ona e matauina ua tele tele le lua tausaga, pe mafai ona toe tagatagai i ai pe amata i le ono masina po o le tausaga e tasi ae iloilo ma fai ni a tatou statistics foi lea e iloa ai, pe toatele moni ni tagata o lo o faapea ona maliliu i totonu o le ono masina po o le tausaga, o lou lea talitonuga lau Afioga i le Fofoga Fetalai, ona e i ai foi nisi o alo ma fanau e tele ina aogga i fafo pe nonofo foi i fafo, ia e foi mai e moni faatoa lafo le NPF i totonu o le tasi tausaga talu ona faigaluega ma lafo le NPF ae ua loa foi lo latou soifua ma ua tele lo latou tautua i lo tatou atunuu. E le gata foi i lea, e moni lava e tasi le masina po o le tasi le....o lea taimi umi o lo o tele foi nisi e le i faigaluega muamua, ae sa le gata e faifaatoaga po o nisi sa auai, ae o lo o faapea pea ona contribute i le tatou economy. O lea e avatu ai le tuualalo pe mafai ona toe iloilo pe toe liuliu le tofa, pe mafai ona amata mai i le ono masina po o le tausaga e maua ai le penefiti ae koleti, ia e mafai lava ona toe sii i le tausaga o luma pe afai e iloa mai i le tatou Tulafono, e moni lava o lo o tele se gau a le tatou NPF ona o le tele o tagata foi o le tatou atunuu o maliliu ae le i atoa se tausaga po o le lua tausaga o fai a latou lafoga.

Lau Afioga i le Fofoga Fetalai, e avatu foi le tuualalo i le vaega e pei ona saunoa ai nisi o sui usufono i le vaega lea ona o le tele foi o tina ma tama matutua o lo o autovaa atu pe o i ni faalavelave e tasi pe lua pe tolu aso e malaga ese atu ai ona o ni tuatuaiga foi po o ni vaaiga o fomai i atunuu i fafo ae ua lusi atoa ai le penefiti o latou penisione lea i lea masina. Pe mafai ona iloiloina i le Tulafono ina ia pe i lalo ifo o le tolu masina e tuua ai lo tatou atunuu, ona faatoa taofia lea o le penisione, se i toe foi mai foi ona toe update laia, ona o lou talitonuga lau Afioga, atonu foi e tele le galuega faatino i totonu o le Pulega i tagata taitoatasi e tailua tai tolu aso i le tele o le tatou atunuu aemaise lava i latou ua matutua, ia o lo o faapea ona o atu i fafo e asia fanau ae i lalo ifo o le tolu masina, po o ni aso po o ni nai vaiaso.

Lau Afioga i le Fofoga Fetalai o le vaega mulimuli o se tuualalo, o le vaega lea o lea ua faataoto mai i le Tulafono i le faiga o le interest. E talitonu ma e tatalo-atu foi pe mafai ona toe liuliu le tofa, aua o le tele lava a a tatou interest i totonu o faletupe, aemaise foi o lo o fai ai se loan a se tagata, o lo o fai lava le interest i luga o lau paleni la e i ai, ae peitai ane, i le matau atu i le Tulafono o lo o ua aumai nei, o le interest e toese mai i lau loan la e i ai i totonu o le NPF mai lau saofaga. O le tatalo lava, o lea o lo o manaia le vaega o lo o i ai nei, e interest i luga o lau total amount la e i ai, ae le afaina o lo o togitogi, vagana tagata.....

**Tulafono Tau Faaofi o Teutunga o le Tulafono o le Faaputugatupe
mo le Lumana'i Manuia o Tagata 2014 – faitauga faalua**

‘O lou lava talitonuga afai e i ai nisi ua lua pe tausaga e le o totogiina a latou loan, atonu la e mafai ona tilofito i ai e aveese mai ai i. Afai e regular pea payments a tagata i a latou loan, e taua lava le ave foi o le tatou faamuumua i ai ina ia faia pea le interest i luga o le total o a latou saofaga.

O le fesososani atu lea lau Afiofa i le Fofoga Fetala'i.

FOFOGA FETALAI: Malo, e manatu o lea ua toalua ai i i sui usufono o lea e faasolo le tatou Tulafono Tau Faaofi. E taua uma finagalo o lea e maua e le Nofoa le aanoa o finagalo ua tuuina mai. E pau lava lea o le tatou a le Nofoa, e manatu, ia aua ne i tatou toe asa se ogasami ua uma ona asa. O la ua e matauina ua uma ona tali manino le Malo i folasaga lea sa saunua i ai le sui usufono mo Faleata Sisifo, e taua manatu, o lea ua momoli le feau, ia na ona fautua atu mo le faasaoina o le tatou taimi, e manatu ua lava fotoga manatu sa fai muamua e nisi sui usufono. Ae silasila i mea e le i afea e sui usufono muamua. O le agaga lena o lea e avatu, e taua foi finagalo faapea o le aveesea o le penefiti pe a alu i fafo, o le itu taua ia automatic le aveese automatic le toe fautu. O le itu ou te talosaga atu i sui usufono, aumai mataupu e le i laga e le tatou Tulafono Tau Faaofi e agai ai i luma le tatou Fonotaga ma le folasaga.

Tulai mai le sui usufono mo Faleata Sasae.

Tofa AVEAU TUALA LEPALE NIKO PALAMO (Faleata Sasae): Faafetai i lau Afiofa i le Fofoga Fetala'i, faafetai foi mo le fautuaga, ia pei o mataupu lava ia sa fia fautua ai, aemaise lava pei ona saunua lau Afiofa i le Fofoga Fetala'i, ae na ona faufautua pea se i toe tagai ane lava i le tatou penefiti.

E pau le mataupu lea ou te fia lauga atu ai lau Afiofa i le Fofoga Fetala'i, sa taua e le Afiofa i le Palemia i se lauga foi ua tuana'i atu, le vaega lea o le faatauva o Matagaluega, ave foi lele o vaega e faatauva. E leai na ona faataatia atu se manatu, po o le a se...pe le o i ai se fuafuaga a le Malo e i ai se isi kamupani po o se isi Matagaluega e latou te aoina lea foi vaega o le faamanuaga, tai pei o atunuu foi ia i fafo e fa, tailua, tai tolu ia kamupani e mafai ona e alu i ai e tuu i ai lau saofaga, e filifili la i luga o faamanuia ia, afai e te vaai atu e te le fiafia tele i le NPF ia latou faamanuaga, e maua le avanoa e mafai ai ona alu i le isi vaega e ave i ai lau faamanuaga. Na ona fautuga foi lea e na ona faataatia atu i luma o le Kapeneta ma le Malo, se i toe tagai ane i lea vaega ae ou te faapipii atu pea i le fautuaga lea i lau Afiofa i le Palemia po o le Afiofa i le Minisita, se i tagai ane lava i le masina lea, ua fai lava sina mamao tele o le lua tausaga lea ua tuu i ai. Ma le faaalalo lava.

FOFOGA FETALAI: Malo faafetai. O le talosaga mulimuli a le Nofoa sui usufono mamalu, se i saunua sao i le tatou Tulafono Tau Faaofi. Ou te talitonu e tauama pea i le tulaga ina ia imataitaima le tatou Fonotaga, aumai lo outou finagalo faaalua ma fautuaga i luga o le tatou suiga ua i ai. Ia, lafo atu le avanoa.

26 IANUARI 2015

**Tulafono Tau Faaofi o Teuteuga o le Tulafono o le Faaputugatupe
mo le Lumanai Manuia o Tagata 2014 – faitauga faalua**

Tulai mai le sui mulimuli mo se sui usufono e fia saunoo. Tulai mai le Taitai o le Itu Agai.

Afioga Hon PALUSALUE FAAPO II: Lau Afioga i le Fofoga Fetalai, e le umi foi se manatu. Na pau lava o lea, o lauga faalauaitete lea tatou te i ai, o lauga faalauaitete i le NPF. Lau Afioga i le Fofoga Fetalai, o lea foi la o le a ou lauga faalauaitete, aua e le malaese i ina malaese i ina.

FOFOGA FETALAI: Malie le Taitai o le Itu Agai, se i tuu atu le avanoa i le Afioga i le Palemia.

Susuga Hon Tuilaepa Fatialofa Lupesoliai Aiono Neioti Sailele Malielegaai: Lau Afioga i le Fofoga Fetalai, o se mea e fia faasao. O le lauga faalauaitete, ae lauga tonu lava i le NPF mea ia o lo o aumai i le Tulafono Tau Faaofi. Ae a aumai loa mea e le i aumaia i le Tulafono Tau Faaofi o lea e faamoemoe e aumai i le... o le ala lena o lea sa ou tutulai atu ai foi i isi sui usufono, agai mai pea i le Tulafono Tau Faaofi lea. Na ala ona ou taua isi fuafuaga na, mo le silafia, e i ai le taimi e aumai ai le Tulafono Tau Faaofi lena ona tatou tautai veloaso lea i ai. Ae ala ona matou tutulai atu, e agai ese loa ma le Tulafono Tau Faaofi, ona faigata loa lea ona matou nofonofo.

FOFOGA FETALAI: O le ala lea lau Afioga i le Fofoga Fetalai, e manatu foi e le o po malae o oe le isi sui usufono matua o le Maota. I le tulaga o le faatulagaga ma le mea e tau o le lauga faalauaitete, o lea lava e tuatalaloa i le taimi o le tatou Tala o le Tupe ma isi mea, ae a tulai loa i tulaga tau Tulafono, e sagatonu lau o le fo i le Tulafono. Ae a tatou o loa e fai le lauga faalauaitete i se mataupu, o le a tatou toe talanoa i le NPF atoa. O le faigata lea, ae agai mai i le Tulafono Tau Faaofi lea e Toe Teuteu lau Afioga i le Taitai o le Itu Agai.

Afioga Hon PALUSALUE FAAPO II: Faafetai. O le ala lena o lou taumafai atu. O lea ou te lauga faalauaitete i le Tulafono Tau Faaofi lea. O le mea la lea lau Afioga i le Fofoga Fetalai, pei ona... e le malaese ina malaese inei. E tatou te taumafai ina ia faia Tulafono Tau Faaofi ina ia maua ai e le atunuu le manuia. A o le mea lea ua ou maitau atu ai i i, pei o le a matele e puipui le faaputugatupe, ae o le a avea ma aualea e faigata ai ona maua e nai o tatou tagata faamanuia.

Ona pau lava lea o lou popolega e tatau ona silasila i itu e lua, aemaise lava o le fesoasoani mo nai o tatou tagata. Silasila la i le lua tausaga lea ua i ai nei? Ae faapefa le tagata faigaluega ae maluu i le tausaga, ma le I I masina? Pe toe tasi le aso au i le lua tausaga ae le maua le faamanuia? O le mea tonu lava lea e ala ai ona ou tulai atu.

26 JANUARI 2015

**Tulafono Tau Faaofi o Teuteuga o le Tulafono o le Faaputugatupe
mo le Lumana'i Manuia o Tagata 2014 – faitauga faalua**

FOFOGA FETALAI: Malie le Taitai o le Itu Agai, se i tulai mai le Palenia.

Susuga Hon Tuilaepa Fatialofa Lupesoliai Aiono Neioti Satele Mallelegaosi: Lau Afioega i le Fofoga Fetalai, o lea foi la ua sese atoa le Taitai o le Itu Agai. O le mea lea sa ou faamatalaina atu, lea na ala ai ona tana lou tulai atu e tau atu le tagata e tasi le aso, po o le lua foi aso, po o le tolu foi aso. E le i taitai ona oo i se \$10 lana saofaga. O le mea lea e i ai le Tulafono Tau Faaofi, afai e oo lau saofaga i le tulaga o le equivalent i le lua tausaga, ona apalai lea ia te oe le mea lena. Ae muamua atu, sa na o le tasi le masina. O le uiga lena lau Afioega o le Teuteuga, ua suia atoa le mea, tasi le masina lea e i ai nei. Na o le tasi lava le masina o le tele o lau saofaga e te pai loa i ai, ona activate loa lea o le death benefit. E pei o le mea lena ua ou faalogo atu fai mai e lua tausaga. A o le mea lea e i ai nei, a fesoasoani atu ia te oe, e fesoasoani atu i le tulaga o le saofaga i le tasi le masina, a o lea la ua mafai ona oo atu i le lua tausaga, pe afai e oo atu i ai ua tele lau saofaga ua fotogi. E pei o le tulaga lena, ma e tumau pea le \$5,000 lea o lo o i ai e ave i le tagata.

FOFOGA FETALAI: Tulai mai lau Afioega i le Taitai o le Itu Agai.

Afioega Hon PALUSALUE FAAPO II: Lau Afioega i le Fofoga Fetalai, o le a le toe finauina lea mea, leaga o lea e manino i i i le Tulafono Tau Faaofi...

FOFOGA FETALAI: Malie ia lau Afioega i le Taitai o le Itu Agai, ou te manatu ua manino ma malamalama....

Afioega Hon PALUSALUE FAAPO II: Ia, na o le pau lava lea o le fautua e tuu atu, ua matua faigata ona agavaa nai o tatou tagata i faamanuiaga nei, ona o le saisaitia i Tulafono nei, a ua le maua ai le agaga na ala ai ona fai le Tulafono.....

FOFOGA FETALAI: Malie le Taitai o le Itu Agai.....

Susuga Hon Tuilaepa Fatialofa Lupesoliai Aiono Neioti Satele Mallelegaosi: Masalo e le o maua mai e le sui usufono, e le i faapea na fai le tatou Tulafono i le 1972 e le i i ai ni puipuiiga, sa i ai lava puipuiiga mai le taimi lena. A o puipuiiga ia e fai nei, ina ia matua faarmaape ma faamaoti lelei ai le fesoasoani ina ia talafeagai ma tupe a le tagata na sao, talafeagai ma le faaatauu pea o le tupe. Aua e faigofofe lava ona tatala faasolotoa le mea lea, o fea la le mea e oo i ai? E mafai ona uma ane le vaiaso ua leai se tupe o toe i ai, pe a tatala pei o le mea lea e te manao i ai, e tatala faasolotoa. O le mea lea tatou te mananao i ai a tupu ae le faalavelave a ia o atu tagata o ia e i ai le seleni e mafai ona faatino ai a latou fuafuaga. A o le mea lea e pei e foliga mai e te manao ia faafaigofofe.....

26 JANUARI 2015

Tulafono Tau Faaofi o Teuteuga o le Tulafono o le Faaputugatupe mo le Lumanai Manuia o Tagata 2014 – faitauga faalua

O le atunuu lenei, e tatala loa lava le mea faatafagaloa, e le atoa le vaiaso a ua leai se tupe o totoe. Ia ona sai foi lea, a fai atu lava matou tala e tatala ona soona tatala lava lea, a o lena tou te iloa le mea e tatau ona fai, e tatau ona puipui? Ia o lea foi ua fai atu puipuiga a o lea foi ua e sai.

FOFOGA FETALAI: Ia, tulai mai le sui usufono mo Faleata Sisifo.

Tofa Lealailepule Rimoni Aiafi: Lau Afioga i le Fofoga Fetalai, malie o le mea fia faasao lau Afioga, leaga e ao lava ona manino lelei le tatou mataupu.

FOFOGA FETALAI: Faasao le a Lealailepule?

Tofa Lealailepule Rimoni Aiafi: O lea e saunua le Palemia i le tuutafagaloa o le mea.

FOFOGA FETALAI: Malie o lea o le a ou toe faamanatu atu le tatou Tulafono Tumau, e faasao Palu ae le faasao oe.

Tofa Lealailepule Rimoni Aiafi: Lau Afioga Palusalua, seiloga lava e lua tausaga talu ona e faigaluega, a e oti, e sao lelei lava le saunoaga a lau Afioga, a faapea e te oti ua tasi le tausaga I l masina ma le luasefuluiva aso, e te le entitle lava i ai, seiloga e lua tausaga talu ona e faigaluega faatoa e entitle i le \$5,000 lea e saunua i ai le Afioga i le Palemia. Ae te manatua foi lau Afioga, a selau tagata e feoti i le tausaga, na o le \$500,000 e le taitai ila ai le NPF. Ma le faaaloalo lava.

FOFOGA FETALAI: Ia, tulai maia le sui usufono mamalu e faaii maia le saunoaga o lea ua manino le mataupu.

Afioga Hon PALUSALUE FAAPO II: Na pau lava le mea e fia faasao ona uma loa lea o lau lauga, e leai se faamoemoe o lenei Itu e faapea e tatala faasoloatoa, e leai. E fuafua a tatou Tulafono Tau Faaofi ina ne i le austia le mafuaaga na ala ai ona fai le Tulafono Tau Faaofi. O le a le mafuaaga? Ia manuia tagata faigaluega, na pau lava lea. Ae leai se agaga e tatala ina ia tala uma. Ia manuia le Fono.

FOFOGA FETALAI: O lea ua maua lou finagalo. Malo faafetai.

Susuga Hon TUILAEPA FATIALOFA LUPESOLIAI AIONO NEIOTI SAILALE MALIELEGAOI: Lau Afioga i le Fofoga Fetalai, o le tulaga lava ia o le Tulafono Tau Faaofi e faatoa tatala i le taimi e litaea ai le tagata, a o lea e fai lava fuafuaga a le Komiti ina ia mafai ona faaaga e le tagata ana saofaga. A o le autu lava o le Tulafono Tau Faaofi, e leai se mea e tatalaina, seiloga e te litaea.

**Tulafono Tau Faaofī o Teuteuga o le Tulafono o le Faaputugatupe
mo le Lumanai Manuia o Tagata 2014 – faitauga faalua**

A o le agaga o le Komiti lea e aumai nei, o lea lava e fai ma tatatala malie mai ae auuala i nogatupe, ma isi lava ai taga faapoopo e pei o le tulaga foi lele pe afai e te alu i fafo e te le toe foi mai ona faatoa mafai lea ona tala, pe afai e te mai i se mai matuia lava. E mafai foi ona tala mai, ae o le puipuiga la, e te alu e tapa se lipoti a le fomai. E i ai ma le isi mea, afai foi e te alu e te faafaipeau, ia e mafai foi la ona tala ai i ina, la silasila la i ai i le anoano o faitotoa ia e mafai ona tala mai ai seleni.

E i ai le isi tagata na sau ia te au ona fai mai lea, o le a se isi auuala e mafai ai ona tala lau NPF? Ia ona ou taua lea i ai o auuala e mafai ai ona tala, pe a ma le 15 tausaga talu ai, ona ou taua lea i ai. Ona fai mai lea, “O lona uiga la e mafai ona ou alu i le fomai.” Ou fai atu, “O le mea lena, o lena e te malosi, o lea ou te vaai atu o lena e te malosi.” Ona fai mai lea, “O le a ou alu pea.” E atoa ea le masina ae ou telefoni lava ua ou toe manatua faapea, se i ou toe vili lava e siaki po ua tala. Ae ou vili atu, ua tala. Ia ona ou talanoa lea i le fomai, ou fai atu i le fomai, “O le alii lea na ou follow up ina, ua tala, e le mai a o lea ua tala. O lau lava lena vaai faaletagata, e le mai, ae ata le fomai fai mai, “A faapefa, ua alu le aso o tagi i ou luma ua ou le iloa pe a faapefa ona tuli, a o lea lava e nofonofo i ou luma.” Ua ala ona ou taua le tala lea, ona e i ai tagata faapena, e te fiu e faamatala i ai. O le Fono i le tausaga o lea ua ou tau manatu nei, o le tausaga e 1989, na tu ai le isi faipule i ina ma fai mai, “Tulisaepa, o lea ou te iloa le isi tagata ua tala lana NPF i luga o le tulaga ua mai, a o la e malosi. Ona ou fai atu lea i le faipule, o oe o le palama, o le fomai lea na tusia le lipoti, o le fomai, na te iloa le soifua maloloina e pei lava o Aeau lena e ataata mai i le mataupu leni. Aua foi na o fomai e iloa le soifua o le tagata. Ae fai mai la le palama, o le tagata e le mai, a o la e ua tala lana NPF. O ai ou te talitonu i ai? Ou te talitonu i le fomai pe ou te talitonu i le palama. O lea ou te iloa le mea a le palama e fai, e alu lava ma lana su'o e elieli mea o lua. Ia, ae finau mai lava. Ona ou fautuaina lea o le palama faipule, “A lua toe fetauti ia ma se isi o ola pea a ua tala lana NPF, ona e alu lea e te fai i ai po o le a le mea e saga ola ai ae ua leva ona tatou ona oti, e pei ona fai mai ai le fomai.”

Lau Afiofa i le Fofoga Fetala'i, o le tulaga lena, e tele nai auuala o lea e i totonu o le Tulafono Tau Faaofī, e ese mamao lava ma le mea na i ai le uluai Tulafono, le uluai Tulafono, seliloga lava ua e oti, faatoa tala i tua. A o le tele ia o mau avanoa ia e mafai ai ona ave i tua seleni, ae ala ona fai puipuiga nei, a le puipuia mea nei, ua iloa lelei lava o tatou uiga. E sau nei lava le tagata ia te oe e talanoa mai o lea ma lea ma lea, o lou itumalo ae maaomria se \$1,000 ae alu atu, e ese mamao lava le mea na sau ai, ma le mea ia e tupu. E faapena lo tatou olaga lau Afiofa i le Fofoga Fetala'i, e tatou ona i ai ni puipuiga ina ia malupupuia aua e le faapea o tagata uma e faapena. E le faapena uma le toatele. O le toatele lava o tagata o le NPF, o la e latou te iloa lelei Tulafono. A o le toatele foi ia, latou te iloa lelei Tulafono ae manatu lava e moulu i lalo o le Tulafono ina ia fai le mea ia e manao i ai ae le fai le mea lea e fai mai ai le Tulafono. A o Tulafono nei, o Tulafono ua uma lelei lava ona pasi atu i le Maota leni.

26 IANUARI 2015

Tulafono Tau Faaofi o Teuteuga o le Tulafono o le Faaputugatupe mo le Lumanai Manuia o Tagata 2014 – faitauga faalua

FOFOGA FETALAI: Malo faafetai. E manatu ua manino ma malamalama le faatulai mai o lenei Tulafono Tau Faaofi taua. E silafia foi a maea le tatou Fono lenei ona ave lea i le Komiti, o i ina la ou te lagona e lava ai lo outou taimi e soalaupule. O lea foi ua faafofoga ma le manino ua saunoo lea tala na atoa i le Itu Agai, saunoo foi le Taitai, ou te manatu o le mea lava e tasi ma le manaoga ma le faanaunautai o le Maota ina ia manuia tagata. Ou te manatu le tatou Komiti, a ave i le Komiti toe foi mai, tele le avanoa, ae manatu ua tatau ona faagasolo.

Na faamaonia le lafo ma faitaaina le Tulafono Tau Faaofi o Teuteuga o le Tulafono o le Faaputugatupe mo le Lumanai Manuia o Tagata 2014 i lona faitauga faalua.

FOFOGA FETALAI: E tusa ai ma Tulafono Tumau o le a tuuina atu le Tulafono Tau Faaofi lenei i le Komiti o Tupe Maua ma Tupe Totogi mo le tolu masina mo le iloiloina ma toe lipoti mai i le Fono Aoa.

**TULAFONO TAU FAAOFI O TEUTEUGA O LE TULAFONO
O LE PENISINI 2014 – faitauga muamua**

FOFOGA FETALAI: Tulai mai lau Afioga i le Palemia.

Susuga Hon TUILAEPFA FATIALOFA LUPESOLIAI AIONO NEIOTI SAILELE MALIELEGAOI: Lau Afioga i le Fofoga Fetalai, e puupuu lava le Tulafono Tau Faaofi, o le fasi Tulafono e le o se Tulafono Tau Faaofi tele. O lea ou te tulai atu ai e faatu le lafo, *Ina ia faitaaina nei le Tulafono Tau Faaofi o Teuteuga o le Tulafono o le Penisini 2014 i lona faitauga muamua.*

Faahuaina e le Sui Palemia ma le Minisita mo Tina ma Tamaitai, Atinae o Nuu ma Afioga ma Agafesootai.

Na faamaonia le lafo ma faitaaina le Tulafono Tau Faaofi i lona faitauga muamua.

FOFOGA FETALAI: E tusa ai ma Tulafono Tumau, o le a faatulaga le Tulafono Tau Faaofi mo le faitauga faalua i le Aso Fono lona 3 e mulimuli mai.

**TULAFONO TAU FAAOFI O IUNI FAAUNETUPE 2014
– faitauga muamua**

FOFOGA FETALAI: Tulai mai lau Afioga i le Sui Palemia, le Minisita mo Pisinisi, Alamanuia ma Leipa.

26 JANUARI 2015

Tulafono Tau Faaofi o Iuni Faanetupe
2014 – faitaanga muamua

Tofa Hon FONOTOE NUAFESILI PIERRE LAUOFO (Minisita mo Pisinisi, Alamannua ma Leipa): Lau Afoga i le Fofoga Fetala'i ou te faatu le lafo, *Ina ia faitaaina nei le Tulafono Tau Faaofi o Iuni Faanetupe 2014 i lona faitaanga muamua.*

Faaluaina e le Minisita mo Galuega tau Alamannua ma Atinae a le Malo.

Na faamaonia le lafo ma faitaaina le Tulafono Tau Faaofi i lona faitaanga muamua.

FOFOGA FETALAI: E tusa ai ma Tulafono Tumanu o le a faatulaga le Tulafono Tau Faaofi mo le faitaanga faalua i le Aso Fono lona 3 e mulimuli mai.

TULAFONO TAU FAAOFI O TULAGA TAGATANU I LE
TEUFAAFAIGALUEGAINA O TUPE MAI FAFO 2014

– faitaanga muamua

FOFOGA FETALAI: Tulai mai lau Afoga i le Sui Palemia ma le Minisita mo Pisinisi, Alamannua ma Leipa.

Tofa Hon FONOTOE NUAFESILI PIERRE LAUOFO: Lau Afoga i le Fofoga Fetala'i ou te faatu le lafo, *Ina ia faitaaina nei le Tulafono Tau Faaofi o Tulaga Tagatanuu i le Teufafafagaluegaina o Tupe mai Fajfo 2014 i lona faitaanga muamua.*

Faaluaina e le Minisita mo Tina ma Tamaitai, Atinae o Nuu ma Afiooga ma Agafesootai.

Na faamaonia le lafo ma faitaaina le Tulafono Tau Faaofi i lona faitaanga muamua.

FOFOGA FETALAI: E tusa ai ma Tulafono Tumanu o le a faatulaga le Tulafono Tau Faaofi mo le faitaanga faalua i le Aso Fono lona 3 e mulimuli mai.

TULAFONO TAU FAAOFI O TEUTEUGA O LE TULAFONO O LE
PULEGA O TAULAGA 2014 – faitaanga muamua

FOFOGA FETALAI: Tulai mai le Afoga i le Minisita mo Galuega, Felauaiga ma Atinae Eseese.

26 IANUARI 2015

Tulafono Tau Faaofi o Teuteuga o le Tulafono o le Pulega
o Taulaga 2014 – faitauga muamua

Afioga Hon MANUALESAGALALA ENOKATI POSALA (Minisita mo Galuega, Felauaiga ma Atinae Eseeese): Lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaofi o Teuteuga o le Tulafono o le Pulega o Taulaga 2014 i lona faitauga muamua.*

Faaluhaina e le Minisita mo Leoleo, Falepuipui ma Tinei Mu.

Na faamaonia le lafo ma faitauina le Tulafono Tau Faaofi i lona faitauga muamua.

FOFOGA FETALAI: E tusa ai ma Tulafono Tumau o le a faatulaga le Tulafono Tau Faaofi mo le faitauga faalua i le Aso Fono lona 3 e mulimuli mai.

**TULAFONO TAU FAAOFI O TEUTEUGA O LE TULAFONO O
FAALAPOTOPOTOGA A LE MALO (FAATINOGA O GALUEGA
MA LE MAFAI ONA TALI ATU) 2014 – faitauga muamua**

FOFOGA FETALAI: Tulai mai lau Afioga i le Minisita mo Galuega tau Alamanuia ma Atinae a le Malo.

Afioga Hon LAUTAFI FIO SELAFI PURCELL (Minisita mo Galuega tau Alamanuia ma Atinae a le Malo): Lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaofi o Teuteuga o le Tulafono o Faalapotopotoga a le Malo (Faatinoga o Galuega ma le Mafai ona Tali atu) 2014 i lona faitauga muamua.*

Faaluhaina e le Minisita mo Fesootaiga ma Faamatalaga Tekonolosi.

Na faamaonia le lafo ma faitauina le Tulafono Tau Faaofi i lona faitauga faalua.

**TULAFONO TAU FAAOFI O TEUTEUGA O LE TULAFONO O LE
FAAPUTUGATUPE MO LE LUMANAI MANUIA O TAGATA 2015**
– faitauga muamua

FOFOGA FETALAI: Tulai mai lau Afioga i le Palemia ma le Minisita o Tupe.

26 IANUARI 2015

Tulafono Tau Faaofi o Teuteuga o le Tulafono o le Faaputugatupe
mo le Lumanai Manuia o Tagata 2015 – faitauga muamua

, Susuga Hon TUILAEPA FATIALOFA LUPESOLIAI AIONO NEIOTI
SAILELE MALIELEGAOI: Lau Afoga i le Fofoga Fetalai ou te faatu le
lafo, *ha ia faitaaina nei le Tulafono Tau Faaofi o Teuteuga o le Tulafono o
le Faaputugatupe mo le Lumanai Manuia o Tagata 2015 i lona faitauga
muamua.*

*Faaluaaina e le Sui Palenita, le Ministia mo Galuega tau Alamannia ma
Ainae a le Malo ma le Ministia mo Tina ma Tamaitai, Ainae o Nuu ma
Afoaga ma Agafesootai.*

*Na faamaonia le lafo ma faitaaina le Tulafono Tau Faaofi i lona faitauga
muamua.*

FOFOGA FETALAI: E tusa ai ma Tulafono Tumuau o le a faatulaga le
Tulafono Tau Faaofi mo lona faitauga faalua i le Aso Fono lona 3 e mulimuli
mai.

**TULAFONO TAU FAAOFI O TEUTEUGA O LE TULAFONO O
FALAPOTOPOTOGA A LE MALO (FAATINOGA O GALUEGA
MA LE MAFAI ONA TALI ATU) 2014 – faitauga faalua**

FOFOGA FETALAI: Talu ai ona ua ou tauilmaina le Tusi Faamaonia o le
Tulaga Faanatinati ua maea ona sainia e Lana Afoga Mamalu, O Le Ao o le
Malo i le Tulafono Tau Faaofi lenei, o lea o le a sagai atu loa le Fono Aoao i
lona faitauga faalua.

Tulai mai lau Afoga i le Ministia mo Galuega tau Alamannia ma Ainae a le
Malo.

Afoga Hon LAUTAFI FIO SELAFI PURCELL (Ministia mo Galuega
tau Alamannia ma Ainae a le Malo): Lau Afoga i le Fofoga Fetalai ou te
faatu le lafo, *ha ia faitaaina nei le Tulafono Tau Faaofi o Teuteuga o le
Tulafono o Faalapotopotoga a le Malo (Faatinoga o Galuega ma le Mafai
ona Tali atu) 2014 i lona faitauga faalua ma ou te fia tauatala
faamalalamala i ai.*

*Faaluaaina e le Ministia mo Fesootaiga ma Faamalalaga Tekonolosi ma le
Ministia mo Tina ma Tamaitai, Ainae o Nuu ma Afoaga ma Agafesootai.*

FOFOGA FETALAI: Tulai mai lau Afoga i le Ministia e saunoa
faamalalamala i le Tulafono Tau Faaofi.

Afoga Hon LAUTAFI FIO SELAFI PURCELL: Faafetai lava i lau
Afoga i le Fofoga Fetalai mo le avanoa.

Tulafono Tau Faaofi o Teuteuga o le Tulafono o Faalapotopotoga a le Malo (Faatinoga o Galuega ma le Mafai Ona Tali Atu) 2014
 – faitauga faalua

Lau Afioaga i le Fofoga Fetalai o lenei Tulafono Tau Faaofi o Faalapotopotoga a le Malo (Faatinoga o Galuega ma le Mafai ona Tali atu) 2001 po o le Tulafono Autu lea, o lo o pulea e le Matagaluega o Tupe i le taimi nei. O mataupu uma lava na fuafua mo le vaavaaia ma le puleaina o Faalapotopotoga a le Malo o lo o faatinoina lea e le Minisita ma le Matagaluega o Tupe i lalo o le Tulafono Autu.

O le Teuteuga la lenei o le Tulafono o lo o taumafai atu i ai a pasia, ona aloaia ai lea faaletulafono le puleaina o Faalapotopotoga uma a le Malo i mataupu uma lava i lalo o le Matagaluega fou lenei ua faatuuina. O le Teuteuga foi lenei o le a faamausaliina ai ma faamalosi le uunaia ma le siitia o le faatinoga o galuega a Matagaluega uma ma Faalapotopotoga a le Malo e oo lava i ona Komiti Faatonu, le Pulega ma aufaigaluega.

O lenei Matagaluega fou sa faatuuina i le aso 25 Aperila 2014 ina ua uma ona saunoa le Afioaga i le Palemia lea na tofia ai le Minisita e patino lava i Faalapotopotoga nei a le Malo. O nai vaega la nei o le Tulafono Tau Faaofi o lo o atagia i lalo o le Teuteuga.

Ua teuteuina le Tulafono Tau Faaofi e lagolagoina ai ma galulue ai le Matagaluega fou latou te mataituina galuega faatino a Faalapotopotoga e 27 a le Malo o lo o i ai nei. Ua faatuuina le Malo e ala atu i Minisita o lo o umia sea po o shareholding Ministers mo le faaleleia atili o galuega faatino aemaise o le sini autu ina ia fai saofaga ma togimaa Faalapotopotoga uma a le Malo i atinae a lo tatou atunuu.

O le Fuaiupu 2: o le suiga o le faaupuga i Minisita e fitoitonu i ai po o responsible Ministers ma avea ai Minisita o Faalapotopotoga a le Malo ma Minisita e fitoitonu i ai Faalapotopotoga e 27. O lo o i ai foi nisi o faaopoopoga o upu ma uiga fou e pei o le Pule Sili, Ofisa Sili o Pulega, le Failautusi o Tupe, Faalapotopotoga a le Malo ma le Matagaluega mo le faafaigofieina ona faatinoina ma faamalalama lenei Tulafono Tau Faaofi.

O le Fuaiupu 3: o le faaopoopoga o le Fuaiupu 22A mo tupe faatatau a Faalapotopotoga a le Malo e patino lava i Faalapotopotoga o lo o tuuina mai a latou tupe i Tala Faataata o Tupe a le Malo e aafia ai Faalapotopotoga tau faamanuiaga a le Malo po o Public Beneficiaries Bodies.

Fuaiupu 4: o le suiga o le Fuaiupu 23 ina ia tatau ai i Taitaifono o so o se Faalapotopotoga a le Malo ona faatuuina le Minisita e umia sea ma Minisita e fitoitonu i ai po o le shareholding Minister ma le responsible Minister e ala lea i so o se faamatalaga i so o se mea e aafia ai tulaga tau tupe a Faalapotopotoga a le Malo ma vaega e noomia mo faatuuaga o lo o aiaia foi i lalo o lea fuaiupu, ina ia silafia ai e Minisita e umia sea le gasologa o galuega e faaitoa mai ai ni faaftaui e ono aafia ai tulaga tau tupe a Faalapotopotoga a le i oo atu i se tulaga ogaoga.

Fuaiupu 5: o le faaopoopoina o le Fuaiupu 23A ma le 23B o se vaega fou e aiaia ai Faalapotopotoga a le Malo ina ia tausisia lelei le faamauina o faamatalaga ma tusi, faapea foi aiaiga o tusi tupe a Faalapotopotoga a le Malo.

**Tulafono Tau Faaofi o Teuteuga o le Tulafono o Faalapotopotoga
a le Malo (Faatinoga o Galuega ma le Matai Ona Tali Atu) 2014**

— faitauga faalua

O lo o faamalositia ai foi i lenei Fuaiupu ia faapoopo le tatau ona teuina manu ma faaogaina tatau aseta a le Malo o lo o teuina i totonu o Faalapotopotoga.

Fuaiupu 6: o le suiga o le Fuaiupu 26 o le Tulafono Autu ina ia mafai ai e le Pailautusi o Tupe po o le Ofisa Sili o le Pulega o le Matagaluega fou ona faatinoina se iloiloiga po o se susesuga e uiga i le faatinoina o galuega ma faamamauaga a Paalapotopotoga a le Malo.

Fuaiupu 8: o le faapoopoina lea o le Fuaiupu 27A(1)(2)(3). O le (2) e i ai ona (a) ma le (b), e tatau ai i so o se tagata ua masalomia ua i ai ni tulaga faaletonu e le gata i le Pulega o le Faalapotopotoga a le Malo po o ua i ai ni tulaga e ono aafia ai le faaogaina o tupe a le Faalapotopotoga, e tatau i lea tagata ona aloaia le faaitoa mai e ala i se tustitusiga i le Pailautusi o Tupe o le Pule Sili lea o le Matagaluega o Tupe ma Minisitā e ana sea, o le Minisitā lea o le Faalapotopotoga faapea le Minisitā o Tupe lea tulaga. O tagata e faatatau i ai nei vaega fou o le Tulafono Tau Faaofi e faao atu a latou tustitusiga i Minisitā ma e aafia ai foi le puipuia o tagata nei i lalo o Tulafono, e le mafai ona moliaina pe faasalaina ona o le latou gaioiga lea ua fai pe faamaonia le tuaiga pe leai. Atonu o le vaega lea lau Afioiga i le Fofoga Fetala'i e i ai le faaupuga foi lea faapapalagi o le whistle blower lea e puipuia i lalo o le Teuteuga fou lea.

Fuaiupu 7A: o lo o i ai le Fuaiupu 28 e oo atu i le 28D o lo o faatulafonoina ai se vaega e faasino tonu i nonogatupe a Faalapotopotoga a le Malo, ona o lenei vaega sa fai ma vaega o le Tulafono o le Pulea o Tupe, ae ona e faasino tonu lava i Faalapotopotoga ua alagataatau ai ona sii mai le Tulafono Tau Faaofi o Teuteuga nei ina ia manino atoa ai le faagasologa o galuega a Faalapotopotoga a le Malo, aemaise foi i le faamalositia faaletulafono o le Matagaluega fou latou te iloiloina ai nonogatupe a Faalapotopotoga a le Malo po o loans aemaise tupe a le Malo e faatupe atu i Faalapotopotoga po o on lending, ina ia mauinoa le fesootai lelei o nei atinae tetele ma le anavatau a le Malo ina ia sitia lona tamaoaiga ma le manuia lautele o ona tagata. E le gata i lea, a ua faamanino ai foi i totonu o le Fuaiupu 7 lenei faiga faatauofoga na aafia ai le Faalapotopotoga ina ia faamautinoa ai pea le faatasi o nei galuega ma taitala e pei ona faataititia e le Matagaluega o Tupe.

Lau Afioiga i le Fofoga Fetala'i, o le suiga o le Tulafono Autu o lo o faamalositia atili ai le vaavaaia ma le matatutina o faatinoga o galuega a Faalapotopotoga e 27 a le Malo ua i ai nei. O lo o i ai foi isi Faalapotopotoga e lua lea ua faapoopo atu i ai, ona atoa ai lea o le 29 Faalapotopotoga Tumaoti a le tatou Malo. O Faalapotopotoga ia o le Gaming Authority lea sa faaigoa muamua o le TAB ma le Vaega lea a le SIFA, lea o le a faapoopo mai i le 27 lea e i ai nei.

Lau Afioiga i le Fofoga Fetala'i, o lenei Tulafono Tau Faaofi ma nei faiga a le Malo, sa tilotilo i isi atunuu lata mai, o lo o ua i ai a latou Matagaluega e patino lava i Matagaluega nei a le Malo, e i ai Toga, Fiti, Niu Sila, Ausetalia, e i ai lava a latou Minisitā e faaitoa lava mo mea nei o SOES po o Crown Entities e pei ona iloa ai i isi atunuu.

**Tulafono Tau Faaofi o Teuteuga o le Tulafono o Faalapotopotoga
a le Malo (Faatinoga o Galuega ma le Mafai Ona Tali Atu) 2014**
– faitauga faalua

O lea la na aoao uma mai ai manogi e tau fausia ai le tatou Matagaluega fou ma ana galuega fai i fuafuaga mo le agai i luma, aua o le mea sa i ai ua fai le tatou Tulafono, ae sa i lalo uma lava o le Minisita o Tupe galuega uma nei. O lea la ua faatu le Matagaluega fou, o lea la ua sii mai vaega o lea sa i lalo o le Tulafono o le Pulea o Tupe i totonu i i, atoa ai ma nai teuteuga faigofie lava na e i ai ina ia mafai ai ona tatou pulea ma vaaia lelei le sao ma le pulega o Faalapotopotoga nei e 27 o lo o i ai nei. E le na ma se laina, e le i ausia e le tele o Faalapotopotoga Tumaoti a le Malo le faamoemoe sa i ai ina ia fai saofaga i tausaga uma i le tatou Tupe Maua a le Malo ma tupe faaalua.

Lau Afioga i le Fofoga Fetalai, atonu e leai lava ni mea e ponatia ai lenei galuega po o lenei Tulafono Tau Faaofi. Sa fesili se tasi o sui usufono po o afea e maua ai ni tupe a le malae vaalele e fesoasoani i le Tala o le Tupe, ae sa tali le uso a Minisita, o lalo tonu la o le Tulafono Tau Faaofi Toe Teuteu lea, o le a vave lava ona maua atu le tali. E le gata o le malae vaalele, a o nisi lava foi o Faalapotopotoga tetele a le Malo, lea e tau faapitoa o Public Training Bodies.

Ia o le faamalalamamaga lea lau Afioga atonu e leai lava se faafitauli o lenei Tulafono Tau Faaofi, o mea o teuteuga e le o se Tulafono Tau Faaofi fou. Ma lou faaaloaalo lava.

FOFOGA FETALAI: Malo faafetai saunoo i lau Afioga i le Minisita e ia le Tulafono Tau Faaofi, ma e talitonu foi i le faafofoga atu a le Nofoa aemaise o le faafofoga a sui usufono mamalu, ua matua manino ma malamalama le faatulai o lenei Tulafono Tau Faaofi. O le tatalo lea sa tuuina atu i le Atua, aua o lea lava e manino ma malamalama le faatulai mai o lenei Tulafono Tau Faaofi. O le tatalo lea sa tuu atu i le Atua, aua o lea lava e agiga i finagalo o sui usufono, o manatu ma lagona ina ia aua ne i tatou o e toe autago lenei vaitau, ia matua galulue Ofisa Sili o Pulega ma i latou uma ina ia sagatonu le faatulagaga o le Matagaluega, e le gata ina fiafia e pasi atu tupe iinei, a ia faasoaso ma le tatau ina ia gafatia ma gafataulimaina ina ia maua se faasiliga e fesoasoani mo le tatou Tala o le Tupe. O lea la ua faatulai mai lenei Tulafono Tau Faaofi tatau, faafetai i lau Afioga.

Ona o lea ua tatou taunuu i le.....

Susuga Hon Tuilaepa Fatialofa Lupesoliai Aiono Neioti Sailele Malielegaoti: Lau Afioga i le Fofoga Fetalai, o lena ua folia atu e le Minisita le Tulafono faavae. ~~O le Tulafono faavae lea o le Matagaluega fou, ma e le o~~ na ma le laina le faanaunautauga o le Malo, e le gata o le Malo, ae faapea foi i le Itu Agai, i le saunoo pea, saunoo pea i le tulaga o le silasila totoa i le faagaioiga o mea nei o Faalapotopotoga Tumaoti, ina ia efficient, ina ia lelei le faafoega. O lona uiga o lea mea, ia maua a latou tupe maua, faaoga tatau aseta a le tatou Malo ina ia lelei le tautua i le atunuu, ae le gata i lena, ia maua mai ni tupe faasili e fai ma pasi mai i le Matagaluega o Tupe e faatino ai ana auaunaga.

26 IANUARI 2015

**Tulafono Tau Faaoifi o Teuteuga o le Tulafono o Faalapotopotoga
a le Malo (Faatinoga o Galuega ma le Mafai Ona Tali Atu) 2014
-- faitauga faalua**

O Malo uma lava la ua agai i le mea lea, o le specialization. Ia i ai lava se Minisita o lana ia lava lea matafai foi ina ia matura silasila totoa i le tulaga lea, ua tele tele le Matagaluega o Tupe, ae lelei ona i ai se Minisita faapitoa o lana matafai foi lea o le agai tonu lava i i.

Masalo o le tausaga e 1984 o lea ou te tau tomanatu atu, na fai ai foi e le Malo o Niu Sila le mea lea, ona o le tulaga tuai lava foi lea sa tatou sau ai, ona o le tele lava o faiga faavae o lo o tatou multimilitari ai, o mea na faataoto mai i faigamalo a Niu Sila, ona faatu ai lea e latou le Matagaluega ma le Minisita e fitoionu lava i ai le vaatiga totoa o mea nei o Matagaluega tumaoiti, aemaise lava o lea e i ai auuala e mafai ai ona faasao tupe ma tiliotilio foi latou i a latou sailigatupe i le mea lava lea o le fai ma... A vaai lava ua alu i Iugatau, o tau e talateagai ona fai lea ma fesititai a latou charges, a latou foi tupe maua. Ae le o le nofoai nofoai ua tea le 20 tausaga, 30 tausaga ona faatoa aumai lea o se teuteuga, aumai ua tele, ona fai lea ma mea e te i ai le Maota lenei, ma faapena foi ona faitioina ai e le mamalu o le atunuu ona ua leva ona nofonono.

O le mea ia lea e tatau tele ai lava le Tulafono Tau Faaoifi lenei ua faatulai mai ina ia mafai ai ona tuuina atu le malosiaga faaletulafono i le Minisita ua tofia nei e agai tasi loa lona ia sa ia matura faatino ma le atoatoa le vaatiga o Faalapotopotoga nei.

Lau Afioaga i le Fofoga Fetalai, o le toe faapoopo atu lena i le saumaga matagofie a le Minisita e tusa o lenei Tulafono faavae.

FOFOGA FETALAI: Malo faafetai. Ona o lea ua tatou taunuu i le tatou malologa, ou te manatu o le a tatou alo e fai se malologa o le taeano. E pei ona silafia e le tatou Maota, o le vaiaso lenei o lo o faamanatunina ai le 40 tausaga o se tasi foi o Faalapotopotoga a le Malo, le Kamupani Yaa. Ua logoina au o lo o i ai se faaalocalo mo la outou taunamafagai i lenei taeano, na ona logo aloaia atu faapena. Faafetai le faaalocalo i le Afioaga i le Minisita aemaise le pala o le Faalapotopotoga ma le Pulega.

Ou te faasilasila atu o le a faatatia ese Taualumaga a le Fono Aoa mo lana malologa masani o le taeano.

Na faataatia ese Taualumaga a le Fono Aoa mo lana malologa masani i le itula e 10:48 i le taeano ma toe faaauau i le itula e 11:21 i le taeano.

FOFOGA FETALAI: Ia, e i ai le agaga maualuga o lea ua tatou taunuu mai i le afa lona lua o lenei taeano ae le i faia le tatou malologa i le itula e tasi, ma e manatu foi o lea ua maua le faasiliga malosi aua le tatou malologa na maea nei. Sagai maia le pala ma le mamalu o le tatou Maota, e talitonu o lea ua faagasolo le tatou galuega.

**Tulafono Tau Faaofi o Teuteuga o le Tulafono o Faalapopotoga
a le Malo (Faatinoga o Galuega ma le Mafai Ona Tali Atu) 2014**
– faitauga faalua

E faia le tatou malologa ua maea le saunoaga faamalalama a le Afioga i le Minisita mo Galuega Tau Alamanuia ma Atinae a le Malo, aemaise foi le agai atu o le faamalalamalama a le Afioga i le Palemia ina ia manino ma malamalama lelei tulaga o lenei Tulafono Tau Faaofi taua ua faatulai mai, ona manatu ai lea o le a avatu le avanoa lenei i le tatou tulaga masani mo ni finagalo i le tatou Tulafono Tau Faaofi.

Tulai mai le sui usufono mo Faleata Sasae.

Tofa AVEAU TUALA LEPALE NIKO PALAMO: Faafetai i lau Afioga i le Fofoga Fetalai. E momoli atu foi le faafetai i lau Afioga i le Minisita mo le Tulafono Tau Faaofi. E talia e lenei sui usufono le tele o vaega o le Tulafono Tau Faaofi. Faafetai lava i le Ofisa foi ma le mamalu o le Matagaluega ua faatino ai le Tulafono Tau Faaofi lenei, e pei o se Tulafono Tau Faaofi foi lea e taumafai e puipui ai lea vaega.

E lua vaega o le Tulafono Tau Faaofi ou te fia lauga ai. O le mea muamua, o le vaega lea sa saunoa ai le Minisita i le faapalagi o le whistle blower po o le vaega lea o lea ua puipuia ai le tagata foi lea e moliaina se mea o tupu i totonu o le Matagaluega. Lau Afioga i le Fofoga Fetalai, o le vaega lea, e manatia le vaega o le Tulafono Tau Faaofi, ae i ai lava lou popolega i le vaega lea o le Tulafono Tau Faaofi i le puipuia lea o le vafealoai i totonu o le Matagaluega.

Silasila lau Afioga i le Fofoga Fetalai, o le Tulafono Tau Faaofi lea ua faataatia mai, o lea ua puipuia ai se tasi e moliaina se mea o faaletonu i totonu o le Matagaluega, pe molia ai se tagata faigaluega, aemaise lava i totonu o le va lea o tagata faigaluega. E i ai mea e ono tutupu mai ai, e ono tupu mai ai se vevesi i totonu o le Matagaluega. O le mea lenei o le moliaiga o se mataupu faapenei, e tau le faatulafonoina. A i ai lava le tagata ia e faamaoni i totonu o le Matagaluega po o se tagata e faamaoni i le tautuaina o le atunuu ua silafia pe silasila atu ua i ai se faaletonu i totonu o le Matagaluega, o la e tele lava le avanoa o le Tulafono e alu ai e fai sana talosaga, a o lea ua faataga mai. O le popolega lea e ia te au i le Tulafono Tau Faaofi lenei, o lea ua i ai le mea foi lea e le toe aafia ai le o le a faia lea vaega, e le aafia i le Tulafono Tau Faaofi. Ae o se vaega lelei le vaega lea....

FOFOGA FETALAI: Malie le sui usufono, se i tuu atu i le faamalalamalama a le Malo.

Susuga Hon Tuilacpa Fatialofa Lugesoliai Aiono Neioti Sailele Malielegaoi: Lau Afioga i le Fofoga Fetalai, e sao lelei lava le sui usufono i le mea lea. Ae i ai mea ua tutupu ua afaina ai latou ia, ma o mea foi na o lea e lipoti mai i nusipepa fai mai e a ma a ma a, ua fefefe tagata e tautatala. E leai lava se mea o le a fefefe ai fua tagata e tautatala i ni mea o la e faaletonu. Ae i ai le... o le case lata mai nei lava na tupu ai le mea lea, o le mea lea na fai ai le Komisi Suesue e faasaga i leoleo i le Pulega.

26 JANUARI 2015

**Tulafono Tau Faaofi o Teuteuga o le Tulafono o Faalapotopotoga
a le Malo (Faathoga o Galuega ma le Mafai Ona Tali Atu) 2014
– faitauga faalua**

E i ai la le tina na nofo ma fai le tusi ona aumai lea ave publish, ae leai se igoa. Ma e faigata ona iloa pe sao ia mea pe leai, aua o le leai o se igoa e tupu ai le massalosalo pe moni nei moliaga, a o lea lava e i ai auala e mafai ona fai ai, tai pei o le Ombudsman, e mafai ona suhufai i ai tagata. A o le tele o tagata, latou te le iloa mea ia, o le aiataatau lea a latou. Ua alu alu le mea ua uma ona ou avea aua na avatu foi ia te au le tusi, o lea lava sa fai mai ai au tautalaga i luga ina ua fesiligia au e le media i le case lea. Ou fai atu, “O au ou te le iloa pe moni nei mea aua e le o tusia mai ai ni igoa o ni tagata.” Ae sa ou aveia i le tatou Ombudsman se i tilotilo pea i ai, toetiti lava atoa le tausaga e le i mafai se faiga i ai, ae toe alu atu loa le tusi lona lua, o le esesega la o le tusi lea, ua alu atu loa ma le leoleo lea ua tuli. Ia, ona ou aveia foi lea i le Ombudsman se i tilotilo i ai, o le mafuaaga lea na fai ai loa le Komisi Suesue ma fai ai loa ma fesuiaga ia. Ae o le iuga o le mataupu lena, o le faaiuga a le Kapeneta, ia toe faafaiagaluega le leoleo lea, o la e sa lelei lana mea na fai, aua ana le faia lana tusi lena, e le iloa foi e le Kapeneta ma le lautele mea o lo o fai i Tafaiagata. E i ai lava la le itu lelei o le mea lea, e ui e i ai foi ona itu faalelelei lea ua e sau tonu ai lava. A o tulaga lava ia, e i ai lava le tofia ma le faautaga mamao e mafai ai ona solaupute mea nei ma le aafia ai o tagata faigaluega. Ae i le tulaga la, e fai si inaina o le Pule o lo o aafia ma fai ai loa se faaiuga matuia tele, e pei o le mea lena o lea e matuia ai le vaega lea o le Tulafono Tau Faaofi mo le puiipuiga, a o la e foi e i ai le tatou Ombudsman e sulufai i ai tagata i tulaga lea, ae sao lelei lava le mataupu lea e laga e le sui usufono, e faamalo atu foi i le saunoaga.

FOFOGA FETALAI: Malo, tulai mai le sui usufono mamalu e faaauau le saunoaga.

Tofa AVEAU TUALA IEPALE NIKO PALAMO: Faafetai, e faafetai atu foi i le Afioaga i le Palemia mo le amanaia foi o se manatu.

O le vaega lona lua ia o lea ua saunoa le Afioaga i le Palemia, ia o lou popolega lava o le vatealoi i totonu o Matagaluega aua o lea ua ave le avanoa lea. O le vaega lona lua o le Tulafono Tau Faaofi ou te fia talanoa i ai, o le vaega lea o faaunegatupe ia e faataga i Faalapotopotoga laiti ia po o Matagaluega ia o le...manaia ia o le vaega i luga o le Tulafono lea e i ai le avanoa o le tupe mai le Malo, lea e i ai le avanoa e tagatagai i ai le Matagaluega o Tupe, a o le vaega fou lea ua faapoopo mai i lalo ifo o le vaega o le Tulafono Tau Faaofi lea, e leai se avanoa faapena, o lea ua ave tuu saoloto le avanoa i le Board po o le Matagaluega, e o ai lava latou e sue mai se mea e loan ai pe aumai ai se tupe. O le popolega la lea e i ai fai mai le Tulafono.....

FOFOGA FETALAI: Matlie le sui usufono, se i tuu atu le avanoa i le faamalamalama a le Afioaga i le Minista.

26 IANUARI 2015

**Tulafono Tau Faaofi o Teuteuga o le Tulafono o Faalapotopotoga
a le Malo (Faatinoga o Galuega ma le Mafai Ona Tali Atu) 2014**
– faitauga faalua

Afioga Hon Lautafi Fio Selafi Purcell: Lau Afioga i le Fofoga Fetalai, o le mea e fia faamalalama atu o le vaega lea, ne i te i ua eseese le interpretation o le faamatalaga ma le manatu o le sui usufono. O vaega ia Faalapotopotoga a le Malo, e o i private foi ia pe o i se bank, a, e o loan mai ai ni a latou tupe, ae muamua ia aumai le latou manatu lea i le Matagaluega fou lenei ona sailiili lea ma le Matagaluega o Tupe, pe fetau i le latou nonogatupe lea o le a o e fai ia ma tulaga uma, pe mafai ona latou totogia i le taimi lea o le a fuafua ai, afai e fai atu tulaga faapea ae e maua foi lea....e le tatau ona fai le nonogatupe lea, ia o le fautuaga lena e ave i ai, aua le faia lena nonogatupe, sue se isi auuala, faafetai.

FOFOGA FETALAI: E manatu ua malamalama le folasaga. Tulai mai le sui usufono mamalu.

Tofa AVEAU TUALA LEPALE NIKO PALAMO: Lau Afioga i le Fofoga Fetalai, e sao lelei le Afioga i le Minisita. O le popolega lea ia au i le vaega lea o le Tulafono, o lea ua ave le avanoa, pei ona ou taumafai atu, manuia le vaega muamua o le Tulafono, e mafai ai ona loan mai totonu o le Malo pe manaomia se fesoaosani mai totonu o le Malo. I lalo la o le vaega lea, e mafai ona liabile ai le Malo, e mafai foi ona ave muamua i le Ofisa o Tupe, pe fetau i le mea lea e manao ai le vaega lea e fai le faaunegatupe lea, a o le vaega lea e i lalo ifo o le Tulafono, o lea fai mai, e mafai ona o le Faalapotopotoga lea e loan mai e so o se tagata private lend foi lea e aumai ai se tupe i totonu, e le liabile ai la le Malo i le vaega lea, e le liabile ai le Malo i le vaega lea. O lea la ou te popole ai, o ai la e tuu i ai le vaega lea pe a te i ua le mafai e le Board, aua o lea e sau....

FOFOGA FETALAI: O lea ua maua le finagalo o le sui usufono, se i tulai atu le Afioga i le Minisita.

Afioga Hon Lautafi Fio Selafi Purcell: Lau Afioga i le Fofoga Fetalai, ia manatua foi o public bodies nei e tele lava le sea a le Malo o lo o i ai, e leai la se faapea e le aafia ai le Malo i totonu i i, pei foi ona ou fai atu, o totonu o le Matagaluega fou lenei, o le a develop le framework e tilotilo tonu lava i mea nei o private, borrowing a Faalapotopotoga tumaoti, o lea ua tuu lava le avanoa, afai e i ai se lender e mafai ona latou nono maia se tupe i se tului mauatalo mai i le Faalapotopotoga, o le avanoa la lea e tuu i ai, e tuu foi le avanoa i Board Members e faaoga le latou initiative e le faapea o le a faatalitali lava seiloga e loan atu e le Malo se tupe. A i ai se lender e iloa e latou e mafai ona maua ai se latou feutagaiga, maua ai ni tului mama mo le Faalapotopotoga, ia ona o lea e faatoai i ai, ae o le a set up i lalo o le Ministry fou i le Monitoring Functions ia se mechanism, e tatau lava ona ioe atu Matagaluega, faatoa faatino lea o nonogatupe faapenei, ma lou faaaloalo lava.

26 IANUARI 2015

Tulafono Tau Faaofī o Teuteuga o le Tulafono o Faalapotopotoga
a le Malo (Faatingoga o Galuega ma le Mafai Ona Tali Atu) 2014
– faitauga faalua

FOFOGA FETALAI: Tulai mai le sui usufono.

Tofa AVEAU TUALA LEPALE NIKO PALAMO: Lau Afiofa i le Fofoga Fetalai, faafetai i lau Afiofa i le Fofoga Fetalai. Lei e saolele lava lau saunoaga, o lea e manino lava le Tulafono Tau Faaofī, e le noatia le Malo ma le atunuu i le vaega lea ou te talanoa atu ai, e le o se mea leaga foi ia ia au, e le o fai atu sou manatu e aua le o e fai lea vaega. Pau lava lou popolega, po o ai la e liable i le vaega lea, aua o lea e sau, e le noatia ai. O ai la e noatia ai? E noatia ai le Board, pe noatia ai le.....

FOFOGA FETALAI: O lea ua manino le sui usufono mo Faleata Sasae, ia se i tulai atu le Afiofa i le Palemia.

Susuga Hon Tuilaepa Fatialofa Lujesolai Aiono Nei: Satele Mallegaosi: Lau Afiofa i le Fofoga Fetalai, o le policy lava a le Malo e tusa lava pe noatia pe le noatia ae aumai lava i le Kapeneta e fai ai le faatuga, o le puipuiaga lena e tapa ai foi ma le lipoti a le tatou Matagaluega o Tupe, e mafai ai ona siaki pe talafeagai, pe le talafeagai le nonogatupe lea, na faataoto mai lava le iuga lea ou te tau manatua nei o le tausaga e 1989 na faataatia mai ai e le Kapeneta mea ia.

A o le agaga tonu o le Tulafono pei ona saunua le Afiofa i le Minisita, ia tau unuai le agaga foi lea aua le ola faalagolago mea nei o Faalapotopotoga, ia taumafai latou e faaoga metotia o lo o ia i latou e mafai ai ona fai a latou nonogatupe, e le o ni nonogatupe tetele, a o nonogatupe e gafatia. O le ala foi lena a aumai i le Kapeneta e tapa e le Kapeneta ia ni studies sa fai, i le gafatia e fia i a latou tupe maua ona service ia le loan o le a fai. Ae manatua foi, o le tele o Faalapotopotoga nei o la e i ai latou Aseta, e le tau guarantee la e le Malo, e i ai a latou Aseta e mafai ona faaoga mo le noatia ai o a latou nonogatupe, o mea foi na e tilotilo i ai Faletupe, o le latou tupe e maua e fia i tausaga ua tuana'i, ia matou Aseta e mafai ai ona talatala mai. E tele lava o tupe nei, o mea o OD, e faagaioi ai overdraft limit ina ia faagaioi ai le Faalapotopotoga, ina ia aua ne i alu alu nofo lea, e le gata foi i lea, a o latou tupe maua, ina ia silasila totoa i le faagaioiga o latou tupe maua, aua ne i ola faalagolago mai i le Malo, o lea foi e tele mea ia e faafeagai ma le Malo. O le taua o le itu lena, e aveese ai le ola faalagolago, ae faaoga le faautautaga tatau e fai ai a latou supegatupe ia ma faalelei ai le latou Tala o le Tupe.

FOFOGA FETALAI: Malo faafetai, e manatu ua manino lea mataupu le sui usufono mo Faleata Sasae, ae faasolo mai i nisi o mataupu.

Tofa AVEAU TUALA LEPALE NIKO PALAMO: Faafetai. E pei o le agaga tonu lava lea na ala ai ona avatu le manatu, pe i ai se leo o le Kapeneta i totonu o le vaega lea e ave i ai le mea lea, ae pe i ai foi sina fautuga e aumai i le Matagaluega o Tupe e faatino ai le vaega lea faatua faatino ai?

26 JANUARI 2015

**Tulafono Tau Faaofi o Teuteuga o le Tulafono o Faalapotopotoga
a le Malo (Faatinoga o Galuega ma le Mafai Ona Tali Atu) 2014**
– faitauga faalua

E leai se agaga e taofi le vaega lea, ona pau lava lea o se mea ina ia maunitoa ai, o la e alu i ala fua o galuega e pei ona i ai. Ia na o le pau lea o manatu lau Afioga i le Fofoga Fetalai, faafetai lava.

FOFOGA FETALAI: Malo faafetai i le sui usufono mamalu. Ia malie se i toe avatu le avanoa i le Afioga i le Minisita.

Afioga Hon Lautafi Fio Selafi Purcell: Lau Afioga i le Fofoga Fetalai, se i toe faapoopo atu lava, o le vaega lea sa saunoa i ai le sui usufono mamalu, o le vaega lea o le Tulafono Tau Faaofi lea e sii sao mai lava o le Public Finance Management Act, e le o ni mea fou ia, o mea lava sa i le isi Tulafono o lea na ona aumai lava tuu atoa i totonu i i, leaga o le vaega lea sa faatino mai e le Matagaluega o Tupe, lea o le a faatino e le Matagaluega lenei. E le faapea o se Teuteuga fou mea ia o mea o la e sii mai i le isi Tulafono i le isi Tulafono, o aiaiga lava nei e masani ai. Ma le faaalalo lava.

FOFOGA FETALAI: O lea ua maua e le sui usufono le auga o lona finagalo pe i ai se final say o le talia o le tuuina atu o le nonogatupe i fafo, o lea ua tali manino le Taitai o le Malo, o mea uma lava e pasia e le Kapeneta e le i faia se mea e tasi. Tulai mai le sui usufono mo Gagaemauga Nu. 2, ona sosoo ai lea ma se tasi o sui usufono mo Salega, Afioga Afualo Wood Uti Salele.

Tofa LEVAOPOLO TALATONU (Gagaemauga Nu. 2): Faafetai lava i lau Afioga i le Fofoga Fetalai mo le avanoa. E manatu foi e le umi se matou tala i i le Teuteuga lea o le Tulafono Tau Faaofi o lo o manino lava ia le tele o vaega.

O se Tulafono Tau Faaofi ua leva ona tataua ona tatou agai i ai, ona o le tulaga foi o le tele foi o tiute tauave ia o le Ofisa o Tupe, aua o le mea moni lava, ia e tele lava ina i ai foi nai faasea i le tatou Ofisa o Tupe ona o le tulaga o le tau slack laitiiti a latou galuega, ia a o lea lava e manino i le tatou lava iloa, o le tele lava o tiute tauave ma ua talafeagai foi ia le vaega fou lea.

Na pau lava sina vaega lea lau Afioga i le Fofoga Fetalai e tau avatu ai se manatu, i mea lava ia o le lipotiina o solitulafono. E i ai lava le manatu, e a pe a lipoti i le Ombudsman, ia po o le tulaga foi lea ona oso atu laia e fai le faaiuga i i le Ofisa Sili ia po o le Afioga i le Minisita, e mafua ona o se tulaga ina ia auiliili telei se suesuega i tulaga uma ia ua tagisa atu ai ia se tagata faigaluega. Ona fai uma laia e le Ombudsman na vaega, ia ona lafo loa lea agai i o i le Faatonusili po o le Faaululuga o le Matagaluega ma le Afioga i le Minisita e fai i ai se recommendation mo le Kapeneta. Ona pau lava ia le vaega lea ou te vaai atu i ai, o lo o faapea mai e leai se faasalaga i tuuaiga i so o se tagata.

26 JANUARI 2015

**Tulafono Tau Faaoifi o Teuteuga o le Tulafono o Faalapotopotoga
a le Malo (Faatinoga o Galuega ma le Mafai Ona Tali Atu) 2014
— faitauga faalua**

Ou te manatu au ia, o le a faatele ai galuega i mea ia pe a faapea o le a tuu saoloto le tagata e tiga lava ona le maunua se mea e tupu i totonu o le Matagaluega, ae o le a alu lava e molitu lea vaega ma alu ai le taimi.

O le isi vaega e mafua ai ona ou talanoa atu i le vaega lea, ia o lea e tatou te amata iinei, a avatu se faasea a sui usufono i tulaga o ni mea piopio po o a ni tulaga e faalelei ai ia se Matagaluega ma mea uma, o lea lava e tapa faarmaumanga a sui usufono, e molimauina ai le sao ma le faamaoni o sana mau. O le uiga ia o lau faamatatalaga i le tulaga lea, o le alu ai o le taimi ae avatu e tiga lava ona le sao a o la ua alu ai lava ma le taimi o le ofisa i suesuega.

O le isi vaega lau Afioaga i le Fofoga Fetala'i o le vaega mulimuli lea, o lea foi ua ou vaai atu i i o le fautuaga lea i lau Afioaga i le Minisitā, e vaai atu i i o le isi tute o le vaega fou lea o le silasila i le okaina o oloa a so o se Matagaluega o lea e i lalo o le 28, e i ai le manatu lau Afioaga i le Fofoga Fetala'i ona ua fooloolo foi sina experience ua maua i lenei mea i le okaina o fetatu mea, o lea e faaogaga ai le tatou system po o le formula lea o le CIF. O le tele o le aufaipisinisi lea e agai mai fafo ma folafola mai i le tatou Matagaluega, o latou e mafai ona latou okaina mai a, o le faatatalaiga pei o ni PV paipa foi ia mo le water authority, tasi na mea taugata. O le mea ia e omiai ai latou e aumai ma le mea lena o le CIF, ioe, o lea la ua tatou totagi atu ai e le gata o le cost, o le insurance ia latou ia ma le freight. Ae i ai lava le system lelei e faasaoina ai tupe a le tatou atunuu e faaogaga ai le FOB le Freedom Board, o le matuaaga e ala ai ona ou fai atu lau Afioaga i le Fofoga Fetala'i, e ui lava o le CIF pe a faapea e faaletonu se oloa ua charge-se supplier ia e aumai ai, a o la foi e maua le oloa a le FOB e charge ai le kamupani vaa ua faalegaina ai ni oloa a lo tatou atunuu, afai ia tatou te alu pea i le CIF, o la e tatou te totagia ni insurance i o i suppliers ia e i o, e maua fua le latou tupe, ae oo mai foi ia i, toe fai le insure pe tasi ea pe lua pasene a le tatou Custom lea e maua ai foi nai a tatou seleni. Pei ia o le ala lena e avatu ai faafautuaga ia faamalosiā foi ma silasila totoa i mea ia e lua, ona e tele lava le tatou gau lea e tatou te gau ai nei i le aufaipisinisi lea e omiai e fia feola mai i totonu o le tatou atunuu. Ma le agaga faaalolo, faafetai.

FOFOGA FETALAI: Malo faafetai. Tulai mai lau Afioaga i le Palemia.

Susuga Hon Tuliāepa Fatalofa Lupesolai Aiono Neiōfi Salele Malielegaoi: Lau Afioaga i le Fofoga Fetala'i, e le fetāui le FOB, e tatou lava ona talave pea le CIF, leaga o i ina lea e faavae ai le tute. A tatou alu i le FOB, o lena ou te iloa le agaga na e te fai mai ai, e mama ai au tute pe a aumai. A o le mafuaaga lena e faaogaga ai le CIF ia talafegagi lelei e access ai le duty mo le Malo ia lava le tulaga ia atagia tonu ai le tute e tatou ona totagi, aua o le tau uma lava lea e alu i le tagata lea e aumaiā le mea, aua o le tau sao lava, o le cost na totagi i o, tuu i ai ma le freight na aumai ai, a, ia ma lana insure, o le tau sao lena.

26 IANUARI 2015

**Tulafono Tau Faaofi o Teuteuga o le Tulafono o Faalapopotoga
a le Malo (Faatinoga o Galuega ma le Mafai Ona Tali Atu) 2014**
– faitauga faalua

O le tau sao la lena e tatau ona faavae ai le tiute, ae ave la le FOB, ona tupu loa lea o le faalavelave ua leai mea na e lua, ia ona lafititi ai loa lea o le tiute e totogi. E le sao lea mataupu. Na ala ona fai mea ia ina ia atagia tonu ai tiute e tatau ona ao e le Malo.

Tofa Levaopolo Talatonu: Lau Afioga i le Fofoga Fetalai, e leai e le o maua tele mai foi e le Palemia le tulaga lea. A faapea nei ua sau se supplier i o e tau mai le aofai atoa o le oka lea ua aumai, e sau i luga o le CIF, o le insurance la lena e nofo i o. O le mea lea e fai i tai e le tatou Customs e fesili po o le a le cost, o le a le freight? Ona culculate lea o le 2% o le tatou insurance i tai. E ese la le insurance i o lea tatou te totogia i o le supplier, ese le tatou insurance. Ou te le o fai atu e le tatau ona faia se insurance mo a tatou tupe, ae faafetai lava.

FOFOGA FETALAI: O lea ua maua le finagalo o le sui usufono atonu foi e faatupu manatu.

Tulai mai le Afioga i le Minisita.

Afioga Hon LAUTAFI FIO SELAFI PURCELL: Na o le faapoopo atu lava i le fesili a le sui usufono mamalu.

Atonu o lena ua faamalamalama atu e le Afioga i le Palemia, ae silasila foi, tasi lea vaega o le Tulafono e sii sao mai lava i lalo o le tatou Public Finance Management Act lea e i ai nei. O lea foi e i ai provisions aua e le faapea e tuufauina le o e enter i totonu o konekarate nei e aumai ai oloa. O lea e i ai le provision lea e mafai ai e le Matagaluega o Tupe po o le Financial Secretary ona faatulai mai se framework e mulimulitai ai Faalapopotoga i feutagaiga i tulaga ia e te saunoo i ai. Atonu la o le puipuga lena e iloa ai po o le a tonu lava po o le CIF po o le FOA po o le a ea le mea lena e te saunoo mai ai, o lea e puipuia i lalo iinei i le vaega lea.

O le vaega lona lua lea sa saunoo i ai le sui usufono, e pei lava o le mea lava lea i le puipuga o i latou nei e faia se faamatalaga. Ia silafia foi e le faapea a aumai loa se tusi a le tagata lea i Minisita ma le CEO a le Matagaluega ona fai loa lea o le suesuega. E leai, e i ai sailiiliga, preliminary work e silasila i ai po o le a le mamafa o lenei tuuaiga ua fai mai. Aua e pei o mea nei e pei o se mea ua masalomia. E pei o se mea foi lenei ua amata ona masalosalo tagata e pei lava ua i ai se mea ua faaletonu i lana ia silasila i totonu o le Matagaluega, ona e pei ua ese le mea lea ua i ai ua alu ese mai fuafuaga autasi po o le corporate plan, ae ua ese le mea ua alu i ai fuafuaga a le Matagaluega ma le Pule Sili. E le faapea la a aumai fai loa le suesuega. E i ai foi auala e tatau ai ona mautinoa e shareholding Ministers e anoa tuuaiga ia ua aumai.

26 JANUARI 2015

**Tulafono Tau Faaofi o Teuteuga o le Tulafono o Faalapotopotoga
a le Malo (Faatinoga o Galuega ma le Mafai Ona Tali Atu) 2014
– faitauga faalua**

Afai lava e fai se preliminary enquiry ma e leai lava se mea o faletonu, o i ina e uma ai, ae a i ai nisi tulaga i tua atu ona tilotilo loa lea o Minisitā po o shareholdering Ministers e toalua ma le CEO, po o le a le isi sitepu, pe fai e le Matagaluega po o le a se isi tulaga faapena. O lea foi e i ai le tatou Ombudsman e mafai foi ona refer i ai na te faia se tulaga faapena.

Ma lou faalatalo lava lau Afioega i le Fofoga Fetala'i.

FOFOGA FETALAI: Malo lava fafetai..

Tofa Levaopolo Talatonu: Lau Afioega i le Fofoga Fetala'i, faamolemole lava. E pei o le agaga autu lava ia o se lagona vaivai, o le manumau i le tairni aua o lea e saototo e leai se faasalaga pe afai ua alu ma se lipoti e le talafagai. O le mea la e popote ai ina ne i te i ua 2000 aua e tōatele le aufaigaluega, ne i te i ua 500 masalosologa o tagata masalosalo ona laina atu lea i lou ofisa, fafetai.

FOFOGA FETALAI: Ia tuu maia, e manatu o lea e tau faafie le Tulafono Tau Faaofi, a o le a iloa lava pe a tatou oo i ai.

Tulai mai se tasi o sui usufono mo Salega, Afioega Afualo Wood Uti Salele.

Afioega AFUALO WOOD UTI SALELE (Salega): Faafetai lava i lau Afioega i le Fofoga Fetala'i mo le avanoa. E faafetai foi i sui usufono ua maea ona sausaunoa i le amataga o le taeao aemaise foi o le afuafua mai i lenei vaega mulimuli o le taeao.

Ua faafetai i lau Afioega i le Minisitā mo le Tulafono Tau Faaofi manino lea ua taoto. E moni lava au e le faigofie aemaise o lea ua vaelua atu ia te oe le tele o mafafai lea sa i lalo o le Afioega i le Minisitā o Tupe. E le faigofie la lou faatinoina o le galuega, a tele atu foi ni a matou tala, ia onosa. O fautuaga lava e fesoasoani ia te oe aua e manafatu. E pei o lea sa tauave mai lava e le Minisitā o Tupe aemaise foi o le Palemia ona o le agaga ina ia mautinoa ua lelei faatino le auunaga. Aua o le upu moni lava ia i le silasila i ai i le Tulafono Tau Faaofi e 27, a o lea o le a faapoopo atu i ai ma le isi 2 ua 29. E le alu i lalo ae alu i iuga, sa ou faapea lava au e toese, a o i inci e iloa ai le tele o le faatuatuga o le Tulafono Tau Faaofi lea ua avatu i lau Afioega e le Minisitā o Tupe.

Ona pau lava sina vaega e agai i ai lau faamatalaga e fesoasoani atu ai, o le taa tele o lenei Tulafono Tau Faaofi ina ia mafai ai ona toe tapue le agaga tonu lava na ala ai ona faatu e le Malo le Faalapotopotoga tumaciti lenei a le Malo, e le gata ina ia fesoasoani mai o le latou sao lea i le Tulafono i le 7% lea, ae e mafai foi ona lelei ai ona faatino le auunaga i le aupito sili ona lelei i se tau taugofie mo le atunuu. O tulaga uma na aua atonu o lea e i ai isi itutino tumaciti ua latou ausia e ave lau faamalo i ai. E pei mo se faafaitaiga, o lea foi e faamanatu le 40 tausaga o le Kamupani Vaa, e pei e tele lava lo latou sao ma e i ai foi isi itutino.

26 IANUARI 2015

**Tulafono Tau Faaofi o Teuteuga o le Tulafono o Faalapotopotoga
a le Malo (Faatingoga o Galuega ma le Mafai Ona Tali Atu) 2014**

– faitauga faalua

A o le tóatele lava ou te le iloa po o le faatalale o i latou o lea e tulai mai i le foe, po o le taumafai ae ona ua pau lava o lenei vaitau ona o lea foi e faatauva ma Faalapotopotoga ma isi pisinisi tumaoti.

O le fautuaga lau Afioga i le Minisita, se i silasila totoa ane ia faaauga le avanoa lenei i le Tulafono Tau Faaofi ia mafai ai o a uma lava vaega i lalo o Faalapotopotoga tumaoti nei, e mafai ai ona toe fau ni avanoa fou mo galuega, aua o le tele ia o le malosiaga lea ua avatu ia te oe, aemaise lava e amatamea le Malo ina ia faatupu ae ia aua ne i oo i se tulaga foi lea o le a faatauva ai ma pisinisi tumaoti, ae ia fesoasoani lau Matagaluega ina ia mautinoa ua galulue faatasi. A i ai foi ni vaega o la e galueaiina mo auunaga lautele i Faalapotopotoga ia e faaono faamatuu i ai, aua e te fefe e fai aua e manuia uma ai tatou. Ou te talitonu foi a faamatuu i tua nisi vaega, e le gata ona o le a faamalie nisi vaega ia e i lalo o le faiga paaga lea, a o le a mafai ai foi ona tali mai Faalapotopotoga ma pisinisi tumaoti ina ia tulai mai i se tulaga e tatau ona i ai. A o tatou i le Malo lava ia, e tatau ona amatamea ina ia silasila totoa i ai, ma ia aua foi ne i ai se feteenaiga i le va o auunaga o lo o faatino i Matagaluega. E moni o lea e silasila totoa i ai, ae o lo o matauina pea e tatau lava ona iloilo, aemaise sa saunoo manino foi i ai le Afioga i le Palemia aua o le tele o isi Tulafono ia e i ai i lalo, ua tatau ona toe vave faafou ma toe teuteu ina ia mautinoa ua ogatasi ma lenei vaitau, ma saga faatupu ai pea le agaga tauivi lea i totonu e le gata o Matagaluega ae faapea le atunuu i Faalapotopotoga ma pisinisi tumaoti, ona maua ai lea o se mea mautu mo tatou. Aua o le sini atoatoa o lenei Tulafono Tau Faaofi e le gata o tatou o tausi mea a le atunuu, tatou te vaavaaia ma teuteu ma silasila totoa foi i avanoa e faaleleia atili ai meatotino nei. E mavae atu tatou ae gasolo mai augatupulaga, a o lo o malutia meatotino a le atunuu ma le tausiga o le atunuu e ala i Tulafono.

Ua faafetai foi i le tofa a le Afioga i le Palemia ona o lea ua taoto mai. E moni lava matou te faasea i le le fai sao o le tele o Matagaluega, a o le mea e tatau ona fai aua o lea ua folau te sa o le Kapeneta aemaise o lau Afioga i le Minisita, o lea ua pue tonu lava te ala matagi lea e ui ai lou sa ina ia mautinoa ua tali mai i manaoga ia tau tamaoaiga o le atunuu, ae sili ai manaoga tau i le tausiga mo le manuia o Samoa.

O lau fesoasoani atu lea, ia faamanuia le Atua ia te oe ma lou tulai mai, faafetai.

Afioga Hon LAUTAFI FIO SELAFI PURCELL: Lau Afioga i le Fofoga Fetalai, e faafetai atu i le sui usufono mamalu.....

FOFOGA FETALAI: Tulai mai lau Afioga i le Minisita.

Afioga Hon LAUTAFI FIO SELAFI PURCELL: O le tulaga lea e pei ona saunoo i ai le sui usufono mamalu i gaotoiga o le Tulafono Tau Faaofi lenei e uiga i le maua ai lea o galuega, o le manatu lena o le Malo.

26 IANUARI 2015

**Tulafono Tau Faaofi o Teuteuga o le Tulafono o Faalapotopotoga
a le Malo (Faatinoga o Galuega ma le Mafai Ona Tali Atu) 2014
— faitaunga faahua**

E le mafai ona faapea e fai ni tulaga o Tulafono ma le faaleleia, ae le maua ai ni galuega. O le auga lava latou o le Tulafono Tau Faaofi ia faaleleia atili le agai i luma o Matagaluega nei i ona vaega uma atootoa in all aspects, i le maua ai o galuega ma tulaga uma faapena, o itu na o lea e tilotilo i ai le Matagaluega fou lenei.

O le vaega lea sa e taua e faamatu atu nisi vaega i tua, o itu na o lea foi ua oo i ai le manatu o le Malo i le Palemia ma le Kapeneta. O lo o i ai le pepa o lo o i ai nei e faasino tonu lava i tulaga ia. E pei foi ona ou taua i le isi taimi, ua i ai fuafuaga i le tulaga lea e tilotilo i ai le Kapeneta, ona fai lea o le latou faaiuga.

Ma lou faalocalo lava lau Afioaga i le Fofoga Fetalai.

FOFOGA FETALAI: Malo lava. Papalii e te fia saunua i le Tulafono Tau Faaofi?

Susuga Papalii Lio Faavaivaiomanu Tau Masipau: O lea lava lau Afioaga i le Fofoga Fetalai.

FOFOGA FETALAI: Matile la se i faasolo mai ona ou tuuina atu lea o le avanua o lea e faasolo avanua o le felafolafogaiga.

E faapena oe Taelu? O le a tulai muamua mai Papalii Lio Faavaivaiomanu Tau Masipau ona sosoo mai ai lea ma Papalii Niko Lee Hang, o le Afioaga Taelu ona faaiu lea e le Afioaga Toolesulusulu.

Tulai mai lau Afioaga i le sui usufono mamalu.

Susuga PAPAII LIO FAAVAIVAIOMANU TAEU MASIPAU: E lagolagoina foi e tenei sui usufono lenei Tulafono Tau Faaofi. E faatetai ai i lau Afioaga i le Minisita ma le faanoemo e taua ua faatulai mai ai lenei Tulafono Tau Faaofi e pei ona saunua i ai nisi sui usufono.

E talitonu o mea uma lava e naurau i le lelei, e tatau foi ona i ai ni luitau. O lau lava lui lau Afioaga i le Fofoga Fetalai ma lau Afioaga i le Minisita aemaise foi o lau Minisita Lagolago, Susuga Papalitele aua o Papalitele e saunua so o lava i le tulaga lenei. E talitonu o se lui tele lea i lau Afioaga i le Minisita faapea foi lau Minisita Lagolago, aemaise foi o Faalapotopotoga o lo o faafofoga mai. O Tulafono lava ia e lelei ma e leai lava se Tulafono e faaletonu. Po o a uma lava suiga tatou te taumafai i ai, ae a le mulimultitai ai ma usitara ma faaoga, e leai lava se taunuuga, ae ou te talitonu po o a lava suiga o taumafai i ai i tatou, o le faanauataiga lava ia taunuu i se taunuuga lelei ma faamaoni i ai.

Ua saunua foi nisi sui usufono, e manatu ua silafia foi e lau Afioaga i le Fofoga Fetalai ma le paia o lenei Maota, e 27 le aotai o a tatou Faalapotopotoga, ae a tuu i ai ma le lua lea ua 29. O le a lava se tulaga e oo i ai le mafai, e tatau lava ona fai so tatou sao aemaise lava e pei ona saunua lau Afioaga i le Minisita.

26 JANUARI 2015

**Tulafono Tau Faaofi o Teuteuga o le Tulafono o Faalapotopotoga
a le Malo (Faatinoga o Galuega ma le Mafai Ona Tali Atu) 2014**
— faitauga faalua

O le mea lava e faamamafa e lou sui usufono, ia tilotilo i a tatou Tala o Tupe lea e i ai i tausaga uma ma tausaga uma ina ia kava le mea lea i le va o tupe maua ma tupe faaalu, lea e faaoga ai nonogatupe tai \$100miliona i tausaga uma. O le lusi lena i lau Afioga i le Minisita ma Faalapotopotoga o faafofoga mai, e tatau ona oo atu i le isi Paeaiga lea ua le toe faatumuina i na mea a o le faatumu i sao mai Faalapotopotoga.

O lau lea fesoasoani atu lau Afioga i le Fofoga Fetalai.

FOFOGA FETALAI: Malo faafetai. Tulai mai se tasi o sui usufono o le Palota Taitoatasi, lau Susuga Hon Papaliitele Niko Lee Hang.

Susuga Hon PAPALIITELE NIKO LEE HANG (Palota Taitoatasi): E muamua ona ou faafetai atu i lau Afioga i le Fofoga Fetalai mo le avanoa. E puupuu lava foi se manatu i le Tulafono Tau Faaofi ma e muamua ona faamauina le agaga faafetai i le Afioga i le Palemia ma le Kapeneta i le faatulai mai o lenei Tulafono Tau Faaofi e faatua ai se Matagaluega fou. E pei ona saunoo le Afioga i le Palemia, o lea ua specialise ai iinei se Matagaluega ua taitaima e le Afioga i le Minisita, ina ia toe silasila totoa i le faagaioiga o galuega a SOEs. Ou te talitonu e taua le Tulafono Tau Faaofi lea ua faatulai mai aua o le a avea le Matagaluega fou lea, o le a silasila totoa i performances a Faalapotopotoga ina ia ausia le tulaga o le faamoemoe.

E i ai le pasene o lo o faatulai mai i lea Tulafono Tau Faaofi ma e tatau ona ausia uma lava e Faalapotopotoga, aemaise o le vaega lea o Public Trading Bodies. Ou te iloa o le taua lea o le Tulafono Tau Faaofi lea aua e faamoemoe foi le Malo i tupe mama mai Faalapotopotoga nei ua taua o Public Trading Bodies e maua mai ai ni tupe mama e ave ai so latou sao by way of dividend te iloa ma ou te talitonu, o le a ma galulue faatasi ai ma le Afioga i le Minisita e tau faamalosi le tulaga lea ma taumafai ai Faalapotopotoga ia e le o galulue e uunai i latou ina ia faapena ona ausia fuafuaga ia a le Malo.

O le isi mea lau Afioga i le Fofoga Fetalai i le taua o lenei Tulafono Tau Faaofi, o le a silasila ai foi le Matagaluega fou aemaise lau Afioga i le Minisita i Faaululuga e le o achieve ina targets a le Malo ona fai lea i ai o se fuafuaga, a le perform ona tatau lea ona malolo mai pe a ua lalavava ae tuuina atu ni tagata o lo o lelei ma atamamai foi e taumafai ia ausia fuafuaga ia a le Malo. Faafetai foi lenei Tulafono Tau Faaofi, masalo o lea ua toe faamanatu ai i le tulaga lea e masani ona ou lauga ai i le le aumaia o Annual Reports ma Financial Statements i totonu o le Palemene pei ona moomia i lalo o lenei Tulafono Tau Faaofi. Ae faafetai o lea ua... ua tatau ona silafia e le Palemene le tulaga o tatou Faalapotopotoga Tumaoti ia i a latou gaioiga ma ni tupe mama o maua, ona lauga lea o sui usufono i se tulaga e toe faaleleia atili ai pe a o faaletonu le auauaga.

O lau matau o le tele o Faalapotopotoga ia e le o maua ni tupe mama, e tatau ona maua ni tupe mama.

26 JANUARI 2015

**Tulafono Tau Faaofi o Teuteuga o le Tulafono o Faalapotopotoga
a le Malo (Faatinoga o Galuega ma le Mafai Ona Tali Atu) 2014
– faitaunga faalua**

E le o faaoga tatau tupe maua, ua tele ina fai nisi galuega faatino e invest solo, ae mautinoa e le lava se return e maua mai. Ae pei o le tulaga ia lea o le a silasila i ai le Afioega i le Minisita ma au nei ina ia faamalosi aemaise le Taitaifono ma sui o Komiti Faatonu ina ia silasila totoa latou i le faagaioiga o Pulega ia a Faalapotopotoga ina ia taunafai ona i ai ni tupe mama ina ia ausia ai le fuafuaga faataatia a le tatou Malo.

E pei o le tulaga lea lau Afioega e momoli ai le faafetai ma le faamalo i le Afioega i le Palemia ma le Kapeneta i lenei Tulafono Tau Faaofi taua tele. Ma lou faaloalo lava.

FOFOGA FETALAI: Malo faafetai. Ia, tulai mai le sui usufono mo Falelatai ma Samatau.

AFIOGA TAEFU LEMI (Falelatai ma Samatau): Faafetai i lau Afioega i le Fofoga Fetalai. Ua tulai atu foi ma le agaga faaloalo e fia faamauina le agaga faafetai lava i le Tulafono Tau Faaofi lenei, aemaise foi o le momoli o le agaga faafetai i le Afioega i le Minisita.

O Faalapotopotoga a le Malo lau Afioega i le Fofoga Fetalai, e le fou, ua leva ona i ai, ae na pau lava le mea fou lea e i i o lau Afioega i le Minisita ma lau Matagaluega fou. Ae ua tatau ona faia, ae le i nofoai foi le tatou Malo i la matou matau, aua ua leva ona tatau ona fai, ae le i nofoai foi le tatou Malo i la matou matau, aua o lea lava sa i ai le unit lea i totonu o le Matagaluega o Tupe o le SOEMU po o le State on Enterprises Monetary Unit. O latou la ia sa faia ituaiga galuega nei e tau faaacopoopo mai a tatou Faalapotopotoga ma faaauaumauga. Ia, ou te lagona o le suiga lea ua faia e le Tulafono Tau Faaofi lea, o le faamalosi au ma faamalosi atili ma faamausali le faavae o le SOEMU lea o le a taua nei i le igoa fou lea e sili ai ona aloaia ma faaululu i lau Afioega i le Minisita. Ou te talitonu lava au, ua leva ona folau lo tatou sa ma tapenapena le tatou Faalapotopotoga.

Ou te manatua o le mea sa i ai, sa pule lava foi le Faalapotopotoga ia i le totogi o le Faaululuuga o le Faalapotopotoga ona laasia lea e le Malo ma tuumatamaga foi lena vaega o le auauaaga. Ae pei o nai tulaga na e iloa ai ua leva lava ona taunafai le tatou Malo. Silasila i Komiti Faafoc, o lea foi ua i ai le suiga o composition o Komiti ina ia mautinoa ua mausali lea vaega. E i ai le talitonuga lau Afioega i le Fofoga Fetalai, e i ai a tatou Faalapotopotoga ua too independent tele, ua tutotasi tele, ua tauau ina fai lava a latou faaiuga e aunoa ma le manatu i le tatou Malo ma le taitaiga a le Kapeneta ma le faamalumaluga. Ua tele le latou focus, ua amata ona mei ese ma le latou core function na ala ai ona faavae mai le amataga. A o le mea lena ou te faafetaia ai le suiga lea ua i ai nei, aua o lea o le a toe faatonutonu folau le Tulafono Tau Faaofi lea, ma lau Afioega i le Minisita, i le faatinoina o galuega a Faalapotopotoga.

26 JANUARI 2015

**Tulafono Tau Faaofi o Teuteuga o le Tulafono o Faalapotopotoga
a le Malo (Faatinoga o Galuega ma le Mafai Ona Tali Atu) 2014**
— faitauga faalua

Lau Afioa i le Minisita, na ona.... e le aoaia e Laupua Tamafaiga ae na ona tuualalo lava a aoga lelei, aua e i ai lou talitonuga, e i ai nai Faalapotopotoga e pei e foliga mai o le a ova resource, e te alu atu i luma i le Ofisa ae toetiiti siii te isi tagata faigaluega i le isi tagata faigaluega. Taatia atu i lau Afioa, ta te sau i lalo i le car park e saili solo se car park, ua tumu ai taavale a le Matagaluega. Ae taatia atu pea i lau Afioa e faia se tatou resource utilization plan, e aafia atu ai ma human resources ina ia kava uma ma na vaega o le auunauga. Ae ou te talitonu lava ua lava tapena lau Afioa i le Minisita mo le tulaga lea. E leai se Faalapotopotoga lau Afioa i le Fofoga Fetalai e faavaeina e aunoa ma se Tulafono, Tulafono Autu, Tulafono Faatonutonu, ona fai foi lea o Regulations ma policies ma procedures ma mea faapena. E leai se Faalapotopotoga e oge ma mea na, a o le faatinoga, o i ina lea e tau maua ai le mataituina e Faalapotopotoga o na mea uma ua i ai. Ae ua tatau nei i Faalapotopotoga uma a le Malo ona i ai mea na o plans e faagaioi ai le Faalapotopotoga, strategic plan, corporate plan, annual plan ma mea faapena, e incorporate i totonu mea uma lava ia e moomia e le Tulafono lea, ina ia mautinoa o sao ma uli le folauga a Samoa.

O le faanaunautaga ia ita nei lau Afioa i le Fofoga Fetalai, ia maua ni tupe faasao e fesoasoani i le Tala o le Tupe lea na tatou vavao ai i lena vaiaso, ia maua se sao o Faalapotopotoga a le Malo e fesoasoani ai i le faatupega o le tatou Tala o le Tupe.

Lau Afioa i le Fofoga Fetalai, o nai manatu na. Faafetai.

FOFOGA FETALAI: Malo faafetai i le sui usufono mamalu. Ia faaiu maia le saunoaga i le sui usufono mo Aana Alofi Nu. 3. Tulai maia le sui usufono.

Afioga TOELESULUSULU CEDRIC POSE SALESA SCHUSTER: Faafetai i lau Afioa i le Fofoga Fetalai mo le avanoa. Ia, e muamua lava e faamauina le lagolagoina e lou sui usufono o le Tulafono Tau Faaofi pei ona faataatia nei. Lua, o le auala faanatinati pei ona saunoa le tele o sui usufono, e taua ma ua alagataau foi ona faatino loa ina ia mafai ona faatinoina aemaise tiute o le Minisita lo o i ai nei. Na pau lea lau Afioa i le Fofoga Fetalai. O moomooga ma le tuualalo i le faagasologa ma le faatinoina o lenei Tulafono Tau Faaofi, e talosagaina ai le Minisita aemaise foi o le Faalapotopotoga po o le Pulega o le a feagai ma le faatinoina o lenei Tulafono Tau Faaofi ina ia tagatagai i ai, atonu foi e aoga mo le lumanai, ia i ai nisi o suiga po o nisi o vaega e ono faaleleia atili ai.

Muamua lau Afioa i le Fofoga Fetalai, pei ona taua foi le tulaga lea.... Faafetai o lea ua matauina ua faamamafa mai i le Tulafono Tau Faaofi le faatinoina lea o lipoti i le tolu masina talu ona maea le financial year, aemaise lava o Lipoti o faaunegatupe po o tupe foi e avatu e le Malo e faatinoina ai nisi o galuega.

26 IANUARI 2015

**Tulafono Tau Faaofi o Teuteuga o le Tulafono o Faalapotopotoga
a le Malo (Faatinoga o Galuega ma le Mafai Ona Tali Atu) 2014
– faiauga faalua**

E matauina foi o lea... ona o le tasi o vaega o le Tulafono Tau Faaofi, pe ono tatau ona tuu foi i ai i totonu i ma le vaega o lo o faaupuna ai le faataiataina mai lea o Annua Reports pei ona taua e nisi. Ou te talitonu atonu foi e aoga le tuu sao i ai i totonu i le faatauaina o le aumai o Annual Reports lea i totonu o se vaiataimi talafeagai ma nisi o Lipoti o lo o manaomia e le Pulega.

Lau Afioaga o le vaega lona lua, o le vaega lea atonu e mafai pe a oo i le taimi e faatinoina ai lenei Tulafono Tau Faaofi ona o lou sui usufono lau Afioaga i le Fofoga Fetala'i, ou te faale o malamalama tele i le faatinoina o le Faalapotopotoga lenei, ona o lo o taoto pea lea tele o SOES i lalo o isi Minisita. O lau tau matau atu la e au e pei ona tau faamalalamama mai e le Minisita, a i ai ni faaiuga i atinae o le Pulega, e pei e fai i totonu o le Pulega ona ave lea i le Board. A uma le Board i le taimi nei ona ave lea i le Kapeneta. A o fea tonu la e i ai i le va lea, pe maea ona ave lea i le shareholding Minister ona toe ave foi lea iloililo e le Public Enterprise a le Ministry lea ona faatoa oo ai lea i totonu o le Kapeneta? Pe ua ono complicate pe ua tele tele foi auala e feuitai ai, po o le a sona aafiaga, se i silasilai i ai, se aafiaga pe ono faatutai ai pe ono lavelave ai foi i le esesega o vaavyaiga i le tulaga o Minisita aemaise foi o Pulega ina ia fesosoani ai foi i Pulega taitasi ia streamline le faiga o galuega, ona e talitonu o le faaunautaitaiga lea o lo o i ai le tatou Malo.

Ma le vaega mulimuli lau Afioaga, o le vaega o lo o faamatala mai ai foi i le tatou Tulafono Tau Faaofi, le vaega foi lea o le faiga o konekarate i totonu o Pulega mo galuega faaleleia i totonu o Pulega. E le o malamalama lelei lou sui usufono ona o lo o faamatala mai e faaoga pea Treasury instructions. Ae o le tele foi o nisi i le matau i nisi o Pulega, o lo o fai lava e latou faaiuga i a latou iloiloga. Ou te talitonu atonu foi e mafai ona tilotilo i ai pe ao ona tuu i ai ma le process o le ave i le Tenders Board pe faamalosi mai i totonu o le Tulafono Tau Faaofi ina ia follow ai foi lea process po o lavea i totonu o Treasury instructions vaega ia, o le faatauaina lea o le ave pea i le Board, ona e i ai nisi o Pulega foi e le o mafai ona faatinoina lea galuega i nisi o galuega sa faatino ua tuana'i. Faafetai lau Afioaga i le Fofoga Fetala'i.

FOFOGA FETALAI: Ia, se malie lava lau Afioaga i le Minisita o lea ua fai lau faaiuga a o lea e matau atu... E le afaina, faafetai le manatu mai. Tulai mai lau Afioaga i le Minisita e ana le Tulafono Tau Faaofi.

Afoga Hon LAUTAFI FIO SELAFI PURCELL: Faafetai i lau Afioaga i le Fofoga Fetala'i. Atonu o lea ua tilotilo atu ua uma faafesili sa fai i lenei Tulafono Tau Faaofi, ae faafetai atu i sui usufono mamalu sa saunua. Ia, e i ai lava le nautaitaiga o le Tulafono Tau Faaofi lenei ma le Matagaluega fou lenei, o le a tilotilo uma lava i mea ia sa outou saunua mai ai, o vaega uma lava na lea sa saunua i ai sui usufono mamalu i ona tulaga uma. E pei ona ou fai atu i le taimi ua fano, o le Tulafono Tau Faaofi lenei e tilotilo i le faagaaoiiga o Faalapotopotoga Tumaoti i lona aotelega.

26 JANUARI 2015

**Tulafono Tau Faaofi o Teuteuga o le Tulafono o Faalapotopotoga
a le Malo (Faatinoga o Galuega ma le Mafai Ona Tali Atu) 2014**
– faitauga faalua

O mea uma lava la o lea e aofia i totonu o le faagaioiga o Faalapotopotoga nei, o lea o le a tilotilo maoti lava i ai le Matagaluega fou lenei, i tulaga uma lava o le faatauina, pei o mea ia o... lea sa saunoa ai le isi sui usufono i konekarate, o nogatupe, o relationship foi lea i tulaga o Minisita o lo o i ai nei ma le faagaioiga ia efficient. E pei o le isi matafaioi tele lena lea o le a mataitu, o le improve o le efficiency and streamline processes, ia aua ne i tulai i le tulaga foi lea e toso ai lava, toso ai lava se mataupu pe faalua ona fai se mea e tasi.

A o le tulaga i saunoaga, faafetai tele atu i manatu. A o le tulaga lena e i ai le Tulafono Tau Faaofi lenei, e leai lava se mea e le o aafia i saunoaga e le o faapea e le o i ai se tulaga i lalo i i. O le isi foi tulaga faapea o le Tenders Board, o la e lava e fai i le taimi nei. O mea lava e i ai le vaegatupe e faalua i luga atu, e tataua lava ona aumai i le Tenders Board ona oo atu ai lea i le Kapeneta. Po o a lava ni tulaga faapena, o lea lava e i lalo o isi Tulafono lena faatonuga i Faalapotopotoga a le Malo.

Lau Afioga i le Fofoga Fetalai, faafetai tele mo manatu ua faaalii. Manuia le Tulafono Tau Faaofi fou. Soifua.

FOFOGA FETALAI: Malo faafetai i le saunoaga faamalalama a lau Afioga i le Minisita e ala i finagalo o sui usufono fou. Ia, o oulua mama na, you are the new Minister with the new portfolio, atoa ai foi ma lau Minisita Lagolago fou, ia sagai ane ai o le tai aua le faatinoina o lenei Tulafono Tau Faaofi taua.

Na faamaonia le lafo ma faitauina le Tulafono Tau Faaofi o Teuteuga o le Tulafono o Faalapotopotoga a le Malo (Faatinoga o Galuega ma le Mafai ona Tali Atu) 2014 i lona faitauga faalua.

**TULAFONO TAU FAAOFI O TEUTEUGA O LE TULAFONO O
FAALAPOTOPOTOGA A LE MALO (FAATINOGA O GALUEGA
MA LE MAFAI ONA TALI ATU) 2014 – iloiloga auiliili**

FOFOGA FETALAI: Talu ai ua ou taulimaina le Tusi Faamaonia o le Tulaga Faanatinati, ua maea foi ona sainia e Lana Afioga Matalu i Le Ao o le Malo e uiga i le Tulafono Tau Faaofi lenei, o lea o le a sagai atu loa le Fono Aogao mo le iloiloga-auiliili.

E tusa ai ma le Tulafono Tumau 102, e amata le iloiloga auiliili i le Fuaiupu 2.

FUAIUPU 2: Ua teuteuina le fuaiupu 2.

Faamaonia.

26 JANUARI 2015

Tulafono Tau Faaofi o Teuteuga o le Tulafono o Faalapotopotoga
a le Malo (Faatinga o Galuega ma le Mafai ona Tali Atu) 2014
– Iiologaga auiliili

FUAIUPU 3: Ua faaofina le fuaiupu 22A.

Faamaonia.

FUAIUPU 4: Ua teuteuina le fuaiupu 23.

Faamaonia.

FUAIUPU 5: Ua faaofina fuaiupu 23A ma le 23B fou.

Faamaonia.

FUAIUPU 6: Ua teuteuina le fuaiupu 26.

Faamaonia.

FUAIUPU 7: Ua faaofina le fuaiupu 27A fou.

Faamaonia.

FUAIUPU 8: Ua faaofina le Vaega VIIA fou.

Afioga TOEOLESULUSULU CEDRIC POSE SALESA SCHUSTER:
Lau Afioga i le Fofoga Fetala'i.....

FOFOGA FETALAI: O le a le Fuaiupu?

Afioga TOEOLESULUSULU CEDRIC POSE SALESA SCHUSTER:
O le Fuaiupu 8 faamolemole po o le 6, o le 6A po o le 7A faamolemole lava
lau Afioga ona o lea e matau atu.....

FOFOGA FETALAI: O le 7.

26 IANUARI 2015

Tulafono Tau Faaofi o Teuteuga o le Tulafono o Faalapotopotoga a le Malo (Faatinoga o Galuega ma le Mafai ona Tali Atu) 2014
– iloiloga auiliili

Afioga TOEOLESULUSULU CEDRIC POSE SALESA SCHUSTER:
O le 7A.

FOFOGA FETALAI: O le 7A.

Faamaonia le Fuaiupu 8.

FUAIUPU 9: Teuteuga faatupulaia i le Tulafono o le Pulega o Tupe a le Malo 2001.

Faamaonia.

FUAIUPU 10: Teuteuga lautele.

Faamaonia.

FUAIUPU 1 MA LE IGOA:

FUAIUPU 1: Igoa puupuu ma le amataga.

IGOA: Teuteuga o le Tulafono o Faalapotopotoga a le Malo (Faatinoga o Galuega ma le Mafai ona Tali Atu) 2014.

FOFOGA FETALAI: O lo o i ai se faasaoga a le Minisita i le Fuaiupu 1 o le Tulafono, tulai mai lau Afioga i le Minisita.

Afioga Hon LAUTAFI FIO SELAFI PURCELL: Lau Afioga i le Fofoga Fetalai ou te faatu le Faasaoga i le Fuaiupu 1 e faapea:

“FAASAOGA:

Ia aveese le fuainumera “2014” ma suia i le fuainumera “2015” ma faitauina ai le Tulafono e faapea:

**TEUTEUGA O LE TULAFONO O FAALAPOTOPOTOGA
A LE MALO (FAATINOGA O GALUEGA MA LE MAFAI
ONA TALI ATU) 2015.”**

Faamaonia le Faasaoga.

26 JANUARI 2015

Tulafono Tau Faaoifi o Teuteuga o le Tulafono o Faalapotopotoga
a le Malo (Faatinoga o Galuega ma le Mafai ona Tali Atu) 2015
– faitauga faatolu

Faamaonia le Fuatupu I ma le Igoo e pei ona Faasaoina.

*Na faagasolo le Tulafono Tau Faaoifi o Teuteuga o le Tulafono o
Faalapotopotoga a le Malo (Faatinoga o Galuega ma le Mafai ona Tali atu)
2015 faatasi ma Faasaoga.*

**TULAFONO TAU FAAOIFI O TEUTEUGA O LE TULAFONO O
FAALAPOTOPOTOGA A LE MALO (FAATINOGA O GALUEGA
MA LE MAFAI ONA TALI ATU) 2015 – faitauga faatolu**

FOFOGA FETALAI: Talu ai ua ou taulimaina le Tusi Faamaonia o le
Tulaga Faatinati ua maea ona sainia e Lana Afoga Matalu O Le Ao o le
Malo e uiga i le Tulafono Tau Faaoifi leni, o lea o le a sagai atu loa le Fono
Aoa o le faitauga faatolu.

Tulai mai lau Afoga i le Minisita mo Galuega tau Amanuia ma Atinae a le
Malo.

Afoga Hon LAUTAFI FIO SELAFI PURCELL: Lau Afoga i le Fofoga
Fetalai ou te faatu le lafo, *Ina ia faitauna nei le Tulafono Tau Faaoifi o
Teuteuga o le Tulafono o Faalapotopotoga a le Malo (Faatinoga o Galuega
ma le Mafai ona Tali atu) 2015 i lona faitauga faatolu.*

*Fahuaina e le Minisita mo Tina ma Tamaiti, Atinae o Nuu ma Afoga ma
Agafesootai ma le Minisita mo Fesootaiga ma Faamatalaga Tekonolosi.*

*Na faamaonia le lafo ma faitauna le Tulafono Tau Faaoifi i lona faitauga
faatolu ma faapea ona pasia le Fono Aoa Fatulafono.*

**TULAFONO TAU FAAOIFI O TEUTEUGA O LE TULAFONO O LE
FAALAPOTOPOTOGA FAAYAE TAU FATUGAO A SAMOA 2013
– iloliga auiliili**

FOFOGA FETALAI: E tusa ai ma le Tulafono Tumau 106, e tatou ona
faamaonia muamua e le Fono Aoa le Lipoti a le Komiti i le Tulafono Tau
Faaoifi ona avanoa ai lea o le lloiloga Auiliili o le Tulafono Tau Faaoifi.

Tulai mai lau Afoga i le Taitaifono o le Komiti o le Soifua Maloloina,
Galuega tau le Va Fealoi, Mataupu tau Lotoifale ma Atinae o Afoga ma
Agafesootai.

26 IANUARI 2015

Tulafono Tau Faaofi o Teuteuga o le Tulafono o le Faalapotopotoga Faavae Tau Fatugao a Samoa 2013 – iloiloga auiliili

Afioga Hon GATOLOAIFAANA AMATAGA ALESANA GIDLOW (Taitaifono Komiti o le Soifua Maloloina, Galuega tau le Va Fealoai, Mataupu tau Lotoifale ma Atinae o Afioga ma Agafesootai): Lau Afioga i le Fofoga Fetalai ou te faatu le lafo, *Ina ia faamaonia e lenei Fono Aoa le Lipoti a le Komiti o lo o fautuaina ai, Ina ia faagasolo le Tulafono Tau Faaofi o Teuteuga o le Tulafono o le Faalapotopotoga Faavae tau Fatugao a Samoa 2013 faatasi ma Teuteuga ma Faasaoga.*

Faaluaina e se tasi o sui usufono mo Palota Taitoatasi, Susuga Hon Papaliitele Niko Lee Hang, le sui usufono mo Aleipata Itupa i Lalo, le sui usufono mo Aiga i le Tai ma se tasi o sui usufono mo Palota Taitoatasi, Afioga Maulaivaio Pat Ah Him.

Na faamaonia le lafo.

FOFOGA FETALAI: E faasilasila atu ua faamaonia nei e le Fono Aoa le Lipoti a le Komiti o le Soifua Maloloina, Galuega tau le Va Fealoai, Mataupu tau Lotoifale ma Atinae o Afioga ma Agafesootai i le Tulafono Tau Faaofi o Teuteuga o le Tulafono o le Faalapotopotoga Faavae tau Fatugao a Samoa 2013.

O le a sagai atu le Fono Aoa i le Iloiloga Auiliili o le Tulafono Tau Faaofi o Teuteuga o le Tulafono o le Faalapotopotoga Faavae tau Fatugao a Samoa 2013.

E tusa ai ma le Tulafono Tumau 102, e amata le Iloiloga Auiliili o le Tulafono Tau Faaofi i le Fuaiupu 2.

FUAIUPU 2: Ua teuteuina le fuaiupu 7.

Faamaonia.

FUAIUPU 3: Ua suia le fuaiupu 8.

FOFOGA FETALAI: O lo o i ai le Teuteuga a le Komiti i le Fuaiupu 3 e pei ona faaalii i le Pepa Faaopoopo o Galuega.

Tulai mai lau Afioga i le Taitaifono o le Komiti.

Afioga Hon GATOLOAIFAANA AMATAGA ALESANA GIDLOW: Lau Afioga i le Fofoga Fetalai ou te faatu le Teuteuga i le Fuaiupu 3 e faapea:-

26 IANUARI 2015

Tulafono Tau Faaoifi o Teuteuga o le Tulafono o le Faalapotopotoga
Faavae Tau Fatugao a Samoa 2013 – Iloiloga aulilili

“TEUTEUGA:

- i) *La suia le fuaiupu 8(1)(a) ina ia faapoopo i ai upu nei “e pei ona tofia e le Kapeneta i le maea ai ma feutagaiga ma le Komiti Faafoe” ma faita’uina ai e faapea:*

“(8) Aufaigaluega (1) O le aufaigaluega o le Faalapotopotoga Faavae e aoifa ai:

- (a) Le Pule Sili o le Faalapotopotoga Faavae e pei ona tofia e le Kapeneta i le maea ai ma feutagaiga ma le Komiti Faafoe.”
- ii) *La soloaia le fuaiupu 8(2) o lo o i ai nei ma suia e faapea:-*
- (2) E mafai e le Komiti Faafoe ona tofia ni tagata e agavava ma talafeagai e pei ona suafuaina i lalo o le faafuaitupu (1)(b) ma le (c).”

Faamaonia le Teuteuga.

Faamaonia le Fuaiupu 3 e pei ona Teuteuina.

FUAIUPU 4: Soloaiga.

Faamaonia.

FUAIUPU 1 MA LE IGOA:

FUAIUPU 1: Igoa puupuu ma le amataga.

IGOA: Teuteuga o le Tulafono o le Faalapotopotoga Faavae tau Fatugao a Samoa 2015.

FOFOGA FETALAI: O lo o i ai le Faasaoga, tulai mai lau Afoga i le Taitaifono o le Komiti.

Afoga Hon GATOLOAIFAAANA AMATAGA ALESANA GIDLOW:
Lau Afoga i le Fofoga Fetalai ou te faatu le Faasaoga i le Fuaiupu 1 ma le Igoa e faapea:

26 IANUARI 2015

Tulafono Tau Faaofi o Teuteuga o le Tulafono o le Faalapotopotoga
Faavae Tau Fatugao a Samoa 2015 – iloiloga auiliili

“FAASAOGA:

Ia aveese le fuainumera “2013” ma suia i le fuainumera “2015” ma faitaaina ai le Igoa o le Tulafono e faapea:

**TEUTEUGA O LE TULAFONO O LE
FAALAPOTOPOTOGA FAAVAE TAU FATUGAO A
SAMOA 2015.”**

Faamaonia le Faasaoga.

Faamaonia le Fuaiupu 1 ma le Igoa e pei ona Faasaoina.

Na faagasolo le Tulafono Tau Faaofi o Teuteuga o le Tulafono o le Faalapotopotoga Faavae tau Fatugao a Samoa 2015 faatasi ma Teuteuga ma Faasaoga.

**TULAFONO TAU FAAOIFI O TEUTEUGA O LE TULAFONO O LE
FAALAPOTOPOTOGA O SUESUEGA FAASAENISI A SAMOA 2014**
– iloiloga auiliili

FOFOGA FETALAI: E tusa ai ma le Tulafono Tumau 106, e tatau ona faamaonia muamua e le Fono Aoao le Lipoti a le Komiti i le Tulafono Tau Faaofi ona avanoa ai lea o le Iloiloga Auiliili o le Tulafono Tau Faaofi. Talu ai ona o le le auai o le Afoga i le Taitaifono ou te tapa ai lau Afoga i le Sui Taitaifono e tulai mai.

Susuga IFOPO MATIA FILISI (Sui Taitaifono Komiti o Mataupu tau Aoga, Saienisi, Fesootaiga ma Faamatalaga Tekonolosi): Lau Afoga i le Fofoga Fetalai faafetai mo lou avanoa, e faatalofa foi i le Maota i leneti aso, ua maua foi le avanoa o le Sui Taitai e avea ai ma Taitaifono o le Komiti o Mataupu tau Aoga, Saienisi, Fesootaiga ma Faamatalaga Tekonolosi.

~~Lau Afoga i le Fofoga Fetalai ou te faatu le lafo. Ina ia faamaonia e lenei Fono Aoao le Lipoti a le Komiti o lo o fautuaina ai. Ina ia faagasolo le Tulafono Tau Faaofi o Teuteuga o le Tulafono o le Faalapotopotoga o Suesuega Faasaenisi a Samoa 2014 faatasi ma Faasaoga.~~

Faaluaina e le sui usufono mo Palauli, le sui usufono mo Falelatai & Samatau, le sui usufono mo Sagaga le Falefa, le sui usufono mo Vaa o Fonoti, ma se tasi o sui usufono mo Falealili, Tofa Tusa Misi Tupuola.

26 IANUARI 2015

Tulafono Tau Faaofi o Teuteuga o le Tulafono o le Faalapotopotoga o Suesuega Faasaenisi a Samoa 2014 – Iloligoa auilili

Na faamaonia le lafo.

FOFOGA FETALAI: E faasilasila atu ua faamaonia nei le Fono Aoa o le Lipoti a le Komiti o Mataupu tau Aoga, Saenisi, Fesootaiga ma Faamatalaga Tekonolosi i le Tulafono Tau Faaofi o Teuteuga o le Tulafono o le Faalapotopotoga o Suesuega Faasaenisi a Samoa 2014.

O le a sagai atu le Fono Aoa i le Iloligoa Auilili o le Tulafono Tau Faaofi o Teuteuga o le Tulafono o le Faalapotopotoga o Suesuega Faasaenisi a Samoa 2014.

E tusa ai ma le Tulafono Tumanu 102, e amata le Iloligoa Auilili o le Tulafono Tau Faaofi i lona Fuaiupu 2.

FUAIUPU 2: Ua teuteuina le Fuaiupu 4.

FOFOGA FETALAI: O lo o i ai le Faasaoga a le Komiti i le Fuaiupu 2 e pei ona faaalua i le Pepa Faapoopo o Galuega.

Tulai mai lau Afioega i le Taitaifono o le Komiti o Mataupu tau Aoga.

Susuga IFOPO MATIA FILISI: Lau Afioega i le Fofoga Fetalaia ou te faatu le Faasaoga i le Fuaiupu 2 e faapea, mo na o le Gagana Samoa:-

“FAASAOGA:

Fuaiupu 4(f):

la sololia upu “tagata e faapogai” o lo o aliae mai ina ua tumai le upu “po o” a o lumanai le upu “ai” ma swia i upu “vaega e gaosia” ma faitaoina ai e faapea:-

“(f)ia faia o suesuega auilili o nakoti po o vaega e gaosia ai mo faamoemoega o suesuega ma moliaga o soligatulafono; ma”

Faamaonia le Faasaoga.

Faamaonia le Fuaiupu 2 e pei ona Faasaoina.

FUAIUPU 3: Ua teuteuina le Fuaiupu 5.

FOFOGA FETALAI: Tulai mai lau Afioega i le Taitaifono.

26 IANUARI 2015

Tulafono Tau Faaofi o Teuteuga o le Tulafono o le Faalapotopotoga o Suesuega Faasaienisi a Samoa 2014 – iloiloga auiliili

Susuga IFOPO MATIA FILISI: Lau Afioga i le Fofoga Fetalai ou te faatu le Faasaoga i le Fuaiupu 3 e faapea:

“FAASAOGA:

i) Fuaiupu 5(v)

Ia soloia upu “tagata e faapogai” o lo o aliae mai ina ua tuanai le upu “po o” a o lumanai le upu “ai” ma suia i upu “vaega e gaosia” ma faitauina ai e faapea:

“(v) ia faia suesuega auiliili o nakoti po o vaega e gaosia ai mo faamoemoega o suesuega ma moliaga o soligatulafono; ma”

Mafuaaga o le Faasaoga:

Faamaonia mai e le Faalapototoga ma le Ofisa o le Loia Sili, o le upu “precursors” e faasino tonu i vaega e gaosia mai ai le Nakoti ae lē o tagata e faapogai mai ai le Nakoti e pei ona faaogaina i le Gagana Samoa o le Tulafono Tau Faaofi.

ii) Fuaiupu 5(4)(a) & (b)

(a) Ia soloia upu “ma suega faataitai” o lo o aliae mai ina ua tuanai le upu “auiliili” a o lumanai upu “e manaomia” ma faitauina ai le (a) e faapea:

“(a) tauaveina suesuega auiliili e manaomia o taumafa i lalo o so o se tulafono o taumafa po o isi tulafono; ma”

(b) Ia soloia upu “ma le suega faataitai” o lo o aliae mai ina ua tuanai le upu “auiliili” a o lumanai upu “o taumafa” ma faitauina ai e faapea:

“(b) tuuina atu lipoti po o tusi faamaonia e faatafau i suesuega auiliili o taumafa i lalo o le parakalafa (a).”

Faamaonia le Faasaoga.

Tofa LEALAIPEULE RIMONI AIAFI: Lau Afioga i le Fofoga Fetalai, na ou fia fesili atu i le Fuaiupu 3 lau Afioga, faamolemole.

26 JANUARI 2015

**Tulafono Tau Faaofi o Teuteuga o le Tulafono o le Faalapotopotoga o
Suesuega Faasaienisi a Samoa 2014 – Itolloga auifihili**

FOFOGA FETALAI: Ia aifoga e i ai se afa'ina, ua matua leva ona pasi le Fuaiupu 3 a o lea faatoa e tulai mai.
O lea o le a avatu le avanoa, ae.....

Tofa LEALAILEPULE RIMONI AIAFI: I le faatinoina lea o aafitaga o le siosiomaga, mea ia o EIA.
Po o le a le... manatua o mea ia o lea e fai e le MNRE.

FOFOGA FETALAI: O le MNRE o le Matagaluega lena o lea e i ai le SROS.

Tofa LEALAILEPULE RIMONI AIAFI: O le uiga lena o lau tala lau Aifoga, o lea ua tuunavaevae galuega ma galuega faatino a Matagaluega, o lea ua i ai Matagaluega a le Malo e faia lea vaega, a o latou nei, o mea o suesuega tau saienitisi lea se i tatou vaai i ai pe a. O le mea lena e fia fesili atu ai i le Komiti, pe na tagai i ai pe aisea ua aafia ai fua i lalo o lea Matagaluega, o lea foi e fai e le isi Matagaluega a le Malo o lea foi ua lava ma talateagai a latou suesuega, o le a ova suesue a tatou mea, ae leai ni mea o tino mai. Ma le faaalalo lava.

FOFOGA FETALAI: Leai, ou te manatu o lo o manino ma malamalama, o mea tau taumafa. O le SROS foi ia o la e feagai ma taumafa ma laau ia tatou te atugalu i ai i mea tau... Ia o le a tuu atu pea ia i le Aifoga i le Minisitā mo Punaoa Faanatura ma le Siosiomaga.

Tofa Hon FAAMOETAULOA LEALAIULOTO ULAITINO FAALÉ TUMAAALII (Ministia mo Punaoa Faanatura ma le Siosiomaga): Faafetai i lau Aifoga mo le avanoa. A o le mataupu lenei na ou tautala ai foi i taimi ua fano, O le MNRE latou te le faia ni suesuega o le EIA, Environment Impact Assessment, e fai e Faalapotopotoga foi ia i tua e tumaoiti, se third party foi lea ina ia credible le tulaga o le suesuega lea. O le tulaga lena, o le SROS o lo o i tua latou te faia suesuega nei o mea tau environment impacts. O le faamalamalama lena o le tulaga lea.

O le tulaga foi lea i se tuuaiga faapea ua tele suesuega ae le tino mai ni mea, e leai e sese manao lava i sini lena faaupuga. Ma lou faaalalo lava.

Tofa LEALAILEPULE RIMONI AIAFI: Lau Aifoga i le Fofoga Fetalai, leai lea la ua faamanino e le Aifoga i le Minisitā le tulaga faaletonu lea e i ai le Tulafono Tau Faaofi. O lea ua saunoa mai e le faia e le MNRE le EIA ona o le Matagaluega a le Malo, e le tatafu foi la ona faia e le SROS ana e le o se Matagaluega Tumaoiti o le Matagaluega foi a le Malo.

FOFOGA FETALAI: O lea ua manino le folasaga.

26 IANUARI 2015

Tulafono Tau Faaofi o Teuteuga o le Tulafono o le Faalapotopotoga o Suesuega Faasaienisi a Samoa 2014 – iloilooga auiliili

Tofa LEALAILEPULE RIMONI AIAFI: O lea la ou te iloa, e fai e le independent ae ave i le MNRE e assess e latou. Ioe. E 400 au EIA ua fai lau Afioga. Ou te malamalama lelei i le faiga o le mea e tau o le EIA, ae ave la i le... o lona uiga la a uma ona ave i le BUMA ona toe ave lea i le SROS, o le saoga lea lau Afioga?

FOFOGA FETALAI: Se i tulai mai le Afioga i le Minisita mo Punaoa Faanatura ma le Siosiomaga. O lea ua maua lou finagalo Leala.

Tofa Hon FAAMOETAULOA LEALAIULOTO ULAITINO FAALE TUMAALII: Lau Afioga i le Fofoga Fetalai, toa mai. O le tulaga ia i le assessment, na o le SROS lava e i ai masini ia e test ai le impact o mea faapena, e tai pei la o le soil contamination foi lea i le tulaga o lapisi ma mea faapena. E latou te iloa lelei lava la le tulaga o suesuega ma le faatinoina, e faapena la ona maua ai foi lea o le atoatoa o le tali i le tulaga o suesuega ia pei ona manaomia. Aua a issue le DC po o le Development Consent ae faaletonu, ona faitio mai foi lea o le mamalu o le atunuu o lea ua issue le development consent a o lea e afaina faaletonu le siosiomaga. O ai la e pau i ai? O lea e tatau lava ona ave experts o le field latou te faia i le EIA, ina ia atoatoa lelei le auunaga mo le atunuu. Ma lou faaaloalo lava.

FOFOGA FETALAI: Malo faafetai.

Tofa LEALAILEPULE RIMONI AIAFI: Lau Afioga i le Fofoga Fetalai, e faamalulu atu i lau Afioga, e le faafinauina le finagalo o le Afioga i le Minisita, ae tatau ona malamalama le Maota lau Afioga ona o lea matou te iloa ma le mautinoa, o lea e i lalo o le mandate a le MNRE le faiga o mea nei. Afai la o le finagalo o le Afioga i le Minisita e ave i o e nafa ma le Vaega lea, e tatau la ona faamalalama lelei mai lau Afioga, ona o lea o le a feteenai ai Tulafono Tau Faaofi.

FOFOGA FETALAI: E manatu o lea ua malamalama le faamalalamamaga. Vaai i ai o lea ua ou malamalama i le faamalalamamaga a le Minisita. Aua ia le atugatu lau Afioga i le sui usufono mamalu, ou te iloa o lea ua manino ma malamalama, o le Matagaluega lava e tasi, o lalo o le Siosiomaga lea e i ai le SROS ma suesuega o lo o fai.

Faamaonia le Fuaiupu 3 e pei ona faasaoina.

FUAIUPU 1 MA LE IGOA:

FUAIUPU 1: Igoa puupuu ma le amataga.

IGOA: Teuteuga o le Tulafono o le Faalapotopotoga o Suesuega Faasaienisi a Samoa 2014.

26 IANUARI 2015

Tulafono Tau Faaofi o Teuteuga o le Tulafono o le Faalapotopotoga o Suesuega Faasalenisi a Samoa 2015 – Iloiloga aulihili

FOFOGA FETALAI: O lo o i ai le Faasaoga i le Fuaitupu 1 ma le Igoa e pei ona faaalua i le Pepa Faapoopo o Galuega. Tulai mai lau Afoga i le Taitaifono o le Komiti.

Susuga IFOPO MATIA FILISI: Lau Afoga i le Fofoga Fetalai ou te faatu le Faasaoga i le Fuaitupu 1 e faapea:

“FAASAOGA:

la aveese le fuainumea “2014” ma suia i le fuainumera “2015” ma faitauina ai e faapea:

“Teuteuga o le Tulafono o le Faalapotopotoga o Suesuega Faasalenisi a Samoa 2015.””

Faamaonia le Fuaitupu 1 ma le Igoa e pei ona Faasaoina.

Na faagasolo le Tulafono Tau Faaofi o Teuteuga o le Tulafono o le Faalapotopotoga o Suesuega Faasalenisi a Samoa 2015 faatasi ma Faasaoga.

TULAFONO TAU FAAOFI O TEUTEUGA O LE TULAFONO O FEAATAUAIGA TALAFAEGAI 2013 – Iloiloga aulihili

FOFOGA FETALAI: E tusa ai ma le Tulafono Tumaui 106, e tatau ona faamaonia muamua e le Fono Aoaio le Lipoti a le Komiti i le Tulafono Tau Faaofi ona avanoa ai lea o le Iloiloga Aulihili o le Tulafono Tau Faaofi.

Tulai mai lau Afoga i le Taitaifono o le Komiti o Oloa Gaosi Tulaga Muamua, Mataupu tau Pisinisi, Alamannua ma Leipa.

Afoga Hon LEAUPPE TOLEAFOA APULU FAAFISI (Taitaifono, Komiti o Oloa Gaosi Tulaga Muamua, Mataupu tau Pisinisi, Alamannua ma Leipa): Lau Afoga i le Fofoga Fetalai ou te tulai atu e faatu le lafo, *Ina ia faamaonia e lenei Fono Aoaio le Lipoti a le Komiti o lo o faitauina ai, ina ia faagasolo le Tulafono Tau Faaofi o Teuteuga o le Tulafono o Fefaatauaiga Talafeagai 2013 faatasi ma le Faasaoga.*

Faaluina e le sui usufono mo Simu.

FOFOGA FETALAI: Ou te faasilasila atu ua faamaonia nei e le Fono Aoaio le Lipoti a le Komiti o Oloa Gaosi Tulaga Muamua, Mataupu tau Pisinisi, Alamannua ma Leipa i le Tulafono Tau Faaofi o Teuteuga o le Tulafono o Fefaatauaiga Talafeagai 2013.

26 IANUARI 2015

Tulafono Tau Faaofi o Teuteuga o le Tulafono o Fefaatauaiga Talafeagai 2015 – iloiloga auiliili

O le a sagai atu loa le Fono Aoa o le Iloiloga Auiliili o le Tulafono Tau Faaofi o Teuteuga o le Tulafono o Fefaatauaiga Talafeagai 2013. E tusa ai ma le Tulafono Tumau 102, e amata le iloiloga auiliili o le Tulafono Tau Faaofi i lona Fuaiupu 2.

FUAIUPU 2: Malosiaga lautele ma tiute tauave o le Komiti Faatino.

Faamaonia.

FUAIUPU 3: Fonotaga a le Komiti Faatino.

Faamaonia.

FUAIUPU 1 MA LE IGOA:

FUAIUPU 1: Igoa puupuu ma le amataga.

IGOA: Teuteuga o le Tulafono o Fefaatauaiga Talafeagai 2013.

FOFOGA FETALAI: O lo o i ai le Faasaoga a le Komiti i le Fuaiupu 1 ma le Igoa e pei ona faaalua i le Pepa Faaopoopo o Galuega.

Tulai mai le Afioga i le Taitaifono o le Komiti.

Afioga Hon LEAUIPEPE TOLEAFOA APULU FAAFISI: Lau Afioga i le Fofoga Fetalai ou te tulai atu e faatu le Faasaoga i le Fuaiupu 1 ma le Igoa e faapea:

“FAASAOGA:

la aveese le fuainumera ma suia i le fuainumera “2015” ma faitauina ai le igoa o le Tulafono e faapea:

“Teuteuga o le Tulafono o Fefaatauaiga Talafeagai 2015.””

Faamaonia le Faasaoga.

Faamaonia le Fuaiupu 1 ma le Igoa e pei ona Faasaoina.

26 IANUARI 2015

**Tulafono Tau Faaofi o Teuteuga o le Tulafono o Sone tau
Folauga i le Sami 2014 – Iloiloga auiliili**

*Na faagasolo le Tulafono Tau Faaofi o Teuteuga o le Tulafono o
Fefaatauaiga Talafsegagi 2015 faatasi ma le Faasaoga.*

**TULAFONO TAU FAAOFI O TEUTEUGA O LE TULAFONO O
SONE TAU FOLAUGA I LE SAMI 2014 – Iloiloga auiliili**

FOFOGA FETALAI: E tusa ai ma le Tulafono Tumanu 106, e tatatau ona faamaonia muamua e le Fono Aoa o le Lipoti a le Komiti o Tulafono Tau Faaofi ona avanoa ai lea o le Iloiloga Auiliili o le Tulafono Tau Faaofi. Talu ai ona o le le auai mai o le Afioaga i le Taitaifono o le Komiti o Mataupu tau le Va i Fafu, Fefaatauaiga ma Tupe Maua, tulai mai lau Afioaga i le Sui Taitaifono o le Komiti.

Afioaga AFUALO WOOD UTI SALELE (Sui Taitaifono, Komiti o Mataupu tau le Va i Fafu, Fefaatauaiga ma Tupe Maua): Lau Afioaga i le Fotoaga Fetalai ou te faatau le lafo, *Ina ia faamaonia e lenei Fono Aoa o le Lipoti a le Komiti o lo o fauina ai, ina ia faagasolo le Tulafono Tau Faaofi o Teuteuga o le Tulafono o Sone Tau Folauga i le Sami 2014 faatasi ma Teuteuga ma Faasaoga.*

Faaluaina e le sui usufono mo Faasalelagga Nu.2.

Na faamaonia le lafo.

FOFOGA FETALAI: Ou te faasilasila atu ua faamaonia nei e le Fono Aoa o le Lipoti a le Komiti o Mataupu tau le Va i Fafu, Fefaatauaiga ma Tupe Maua i le Tulafono Tau Faaofi o Teuteuga o le Tulafono o Sone Tau Folauga i le Sami 2014.

O le a sagai atu loa le Fono Aoa i le Iloiloga Auiliili o le Tulafono Tau Faaofi o Teuteuga o le Tulafono o Sone Tau Folauga i le Sami 2014.

E tusa ai ma le Tulafono Tumanu 102, e amata le iloiloga auiliili o le Tulafono Tau Faaofi i lona Fuaiupu 2.

FUAIUPU 2: Tulafono Autu.

Faamaonia.

FUAIUPU 3: Faamatalaina o uiga o upu.

FOFOGA FETALAI: O lo o i ai le Teuteuga a le Komiti i le fuaiupu 3 e pei ona faatalia i le Pepa Faapoopo o Galuega.

Tulai mai lau Afioaga i le Sui Taitaifono o le Komiti.

26 IANUARI 2015

Tulafono Tau Faaofi o Teuteuga o le Tulafono o Sone tau
Folauga i le Sami 2014 – iloiloga auiliili

Afioga AFUALO WOOD UTI SALELE: Lau Afioga i le Fofoga Fetalai
ou te faatu le Teuteuga i le fuaiupu 3 e faapea:

“TEUTEUGA:

Fuaiupu 3:

(i) *Ia faaofi le parakalafa “(b)” fou e faapea:*

“(b) **laina faailo o le maualalo o le suasami ma”**

(ii) *Ia toe faanumera le parakalafa (b) tuai e avea ma
parakalafa (c) fou.”*

Faamaonia le Teuteuga.

Faamaonia le Fuaiupu 3 e pei ona Teuteuina.

FUAIUPU 4: **Faailoga o le maualalo o le suasami, ata fuafuaina aloaia
ma le faalauiloaina atu.**

Faamaonia.

FUAIUPU 5: **Faamutaina mo se vaitaimi le tumau o feoaiga ma le loto
lelei.**

Faamaonia.

FUAIUPU 6: **O le sone tuaoi.**

Faamaonia.

26 IANUARI 2015

Tulafono 'Tau Faaofi o Teuteuga o le Tulafono o Sone tau
Folauga i le Sami 2014 – Ilolloga aulihili

FUAIUPU 7: Eleele Lofia o le Atunuu.

Faamaonia

FUAIUPU 8: Tulafono Faatonutonu.

FOFOGA FETALAI: O lo o i ai le Teuteuga a le Komiti, tulai mai lau Afoga i le Taitaifono o le Komiti.

Afoga AFUALO WOOD UTI SALELE: Lau Afoga i le Fofoga Fetalai ou te faatu le Teuteuga i le Fuaiupu 8 e faapea:

“TEUTEUGA:

Fuaiupu 8:

Ina ia soloia le upu “EEZ” ma swia i upu “sone faapitoa tau le tamaoaiga.”

Faamaonia le Teuteuga.

Faamaonia le Fuaiupu 8 e pei ona Teuteuina.

FUAIUPU I MA LE IGOA:

FUAIUPU 1: Igoa puupuu ma le amataga.

IGOA: Teuteuga o le Tulafono o Sone Tau Folauga i le Sami 2014.

FOFOGA FETALAI: O lo o i ai le Faasaoga i le Fuaiupu 1 e pei ona faaalai i le Pepa Faapoopo o Galuega.

Tulai mai lau Afoga i le Taitaifono o le Komiti.

Afoga AFUALO WOOD UTI SALELE: Lau Afoga i le Fofoga Fetalai ou te faatu le Faasaoga i le Fuaiupu 1 e faapea:

26 IANUARI 2015

Tulafono Tau Faaofi o Teuteuga o le Tulafono o Sone tau
Folauga i le Sami 2015 – iloiloga auiliili

“FAASAOGA:

Fuaiupu 1(1):

*Ina ia aveese le fuainumera “2014” ma suia i le fuainumera
“2015” ma faitauina ai le Igoa e faapea:*

**TEUTEUGA O LE TULAFONO O SONE TAU
FOLAUGA I LE SAMI 2015.”**

Faamaonia le Faasaoga.

Faamaonia le Fuaiupu 1 e pei ona Faasaoina.

*Na faagasolo le Tulafono Tau Faaofi o Teuteuga o le Tulafono o Sone Tau
Folauga i le Sami 2015 faatasi ma Teuteuga ma Faasaoga.*

**TULAFONO TAU FAAOIFI O TEUTEUGA O LE TULAFONO O
FAAMALUMALUGA E FAAMAU AI MEATOTINO TAU LE
TAGATA LAVA IA 2014 – iloiloga auiliili**

FOFOGA FETALAI: E tusa ai ma le Tulafono Tumau 106, e tatau ona
faamaonia muamua e le Fono Aoa o le Lipoti a le Komiti i le Tulafono Tau
Faaofi ona avanoa ai lea o le Iloiloga Auiliili o le Tulafono Tau Faaofi.

Tulai mai lau Afioga i le Taitaifono o le Komiti o Oloa Gaosi Tulaga
Muamua, Mataupu tau Pisinisi, Alamanuia ma Leipa.

Afioga Hon LEAUPEPE TOLEAFOA APULU FAAFISI: Lau Afioga i
le Fofoga Fetalai ou te tulai atu e faatu le lafo, *Ina ia faamaonia e lenei
Fono Aoa le Lipoti a le Komiti o lo o fautuaina ai e faapea, ina ia faagasolo
le Tulafono Tau Faaofi o Teuteuga o le Tulafono o Faamalumaluga e
Faamau ai Meatotino tau le Tagata Lava Ia 2014, faatasi ma le Faasaoga.*

*Faaluaina e le sui usufono mo Siumu, se tasi o sui usufono mo le Palota
Taitoatasi ma le sui usufono mo Sagaga le Falefa.*

Na faamaonia le lafo.

26 JANUARI 2015

Tulafono Tau Faaoifi o Teuteuga o le Tulafono o Faamalumaluga e Faamanu ai Meatotino tau le Tagata Lava Ia 2015 – Iloiloga autiliili

FOFOGA FETALAI: E faasilasila atu ua faamaonia nei e le Fono Aoao le Lipoti a le Komiti o Oloa Gaosi Tulaga Muamua, Mataupu tau Pisinisi, Aiamanua ma Leipa i le Tulafono Tau Faaoifi o Teuteuga o le Tulafono o Faamalumaluga e Faamanu ai Meatotino tau le Tagata Lava Ia 2014.

O le a sagai atu le Fono Aoao i le iloiloga autiliili o le Tulafono Tau Faaoifi o Teuteuga o le Tulafono o Faamalumaluga e Faamanu ai Meatotino tau le Tagata lava ia 2014.

E tusa ai ma le Tulafono Tumau 102, e amata le iloiloga autiliili o le Tulafono Tau Faaoifi i lona Fuaiupu 2.

FUAIUPU 2: Ua teuteuina le Fuaiupu 34.

Faamaonia.

FUAIUPU 1 MA LE IGOA:

FUAIUPU 1: Igoa puupuupu ma le amataga.

IGOA: Teuteuga o le Tulafono o Faamalumaluga e Faamanu ai Meatotino tau le Tagata Lava Ia 2014.

FOFOGA FETALAI: O lo o i ai le Faasaoga a le Komiti i le Fuaiupu 1 e pei ona faaalai i le Pepa Faapoopo o Galuega.

Tulai mai lau Afoga i le Taitaifono o le Komiti.

Afoga Hon LEAUPPEPE TOLEAFOA APULU FAAFISI: Lau Afoga i le Fofoga Fetala'i ou te faatu le Faasaoga i le Fuaiupu 1 e faapea:

“FAASAOGA:

la aveese le fuainumera “2014” ma suia i le fuainumera “2015” ma faitaoina ai le Igoa o le Tulafono Tau Faaoifi e faapea:

Teuteuga o le Tulafono o Faamalumaluga e Faamanu ai Meatotino tau le Tagata Lava Ia 2015.”

Faamaonia le Faasaoga.

Faamaonia le Fuaiupu 1 ma le Igoa e pei ona Faasaoina.

26 IANUARI 2015

P.P.2014/2015 Nu.58, Lipoti a le Komiti o Mataupu tau Faamasinoga, Leoleo ma Falepuipui ma Faamasinoga o Fanua ma Suafa i le

P.P.2013/2014 Nu.78 & P.P.2013/2014 Nu.79, Lipoti Faaletausaga a le Matagaluega o Leoleo ma Falepuipui mo Tausaga Faaletupe 2007 – 2008 ma le Tausaga Faaletupe 2008 – 2009 - Iloiloga

Na faagasolo le Tulafono Tau Faaofi o Teuteuga o le Tulafono o Faamatumatuga e Faamau ai Meatotino tau le Tagata Lava Ia 2015 faatasi ma Faasaoga.

ILOILOGA O LIPOTI A KOMITI FILIFILIA

P.P.2014/2015 NU.58, LIPOTI A LE KOMITI O MATAUPU TAU FAAMASINOGA, LEOLEO MA FALEPUIPUI MA FAAMASINOGA O FANUA MA SUAFA I LE P.P.2013/2014 NU.78 & P.P.2013/2014 NU.79, LIPOTI FAALETAUSAGA A LE MATAGALUEGA O LEOLEO MA FALEPUIPUI MO TAUSAGA FAALETUPE 2007 – 2008 MA LE TAUSAGA FAALETUPE 2008 – 2009 - Iloiloga

FOFOGA FETALAI: Tulai mai lau Afioa i le Taitaifono.

Tofa TUISA TASI PATEA (Taitaifono Komiti o Mataupu tau Faamasinoga, Leoleo ma Falepuipui & Faamasinoga o Fanua ma Suafa): Lau Afioa i le Fofoga Fetalai, ou te faatu le lafo, *Ina ia faautagia e lenei Fono Aoa le Lipoti a le Komiti o lo o tuuina atu ai ana SAILILIGA, FAUTUAGA MA IUGAFONO.*

Faaluaina e le sui usufono mo Palauli, le sui usufono mo Aiga i le Tai ma le sui usufono mo le Vaa o Fonoti.

FOFOGA FETALAI: Tulai mai lau Afioa i le Taitaifono.

Tofa TUISA TASI PATEA: Lau Afioa i le Fofoga Fetalai, i le maea ai o iloiloga a le Komiti na faaiugafonoina ai e fautuaina le Fono Aoa ina ia faamaonia le P.P.2013/2014 Nu.78, Lipoti Faaletausaga a le Matagaluega o Leoleo ma Falepuipui mo Tausaga Faaletupe 2007-2008 ma le P.P.2013/2014 Nu.79, Lipoti Faaletausaga a le Matagaluega o Leoleo ma Falepuipui mo Tausaga Faaletupe 2008-2009.

“FAUTUAGA:

I le faia i luga o ana Sailiiliga ma lana Asiasiga, e fautuaina ai e le Komiti le Malo:-

1. Ina ia tagai le Malo i le fuainumera o aufaigaluega o lo o galulue i le falepuipui. E talitonu le Komiti o lo o faatuputupulaia pea le aofaiga o tagata tuuina atu i le toese ae ua le gafatia e alii ma tamaitai leoleo ona tauave le toatele o pagota o lo o latou leoina i le taimi nei.

- P.P.2014/2015 Nu.58, Lipoti a le Komiti o Mataupu tau Faamasingoga, Leooleo ma Falepuipui ma Faamasingoga o Fanua ma Suafa i le P.P.2013/2014 Nu.78 & P.P.2013/2014 Nu.79, Lipoti Faaletausaga a le Matagaluega o Leooleo ma Falepuipui mo Tausaga Faaletupe 2007 – 2008 ma le Tausaga Faaletupe 2008 – 2009 - Iloiloga

2. Ina ia silasila totoa i tulaga tau suavai i le toese ona o lo o matauina le faatamaia o le suavai o lo o faaogaina aemaise mo le tapenaga o taumafa.
3. Ina ia saunia se potu faapitoa i le toese (First Aid Station) e faaogaina mo pagota e moomia Fesoasoani Muamua. Moliinauina e le Komiti le faaletonu o le siosiomaga o lo o atagia ai le pepesi goffe o faamai ma afaina ai le soifua maloloina o pagota aemaise o le aufaigaluega.
E talitonu foi le Komiti, o lo o ua i ai nei le Pulega fou o le Falepuipui ma ua amatatia fuafuaga o le tuueseeseina o Matagaluega nei, e talosagaina ai ina ia faautagia fautraga 1, 2 ma le 3 ina ia faatau tusa ai ma iloiloga a le Komiti.
4. Ina ia silasila le Malo i ni avanoa mo le Vaega o Auupega Malolosi mo ni aooga faapitoa i atunuu i fafo aua le faalauteteleina o le tomai o i latou o lo o gafa ma lea vaega o le auanua. Ia silasila foi i ni vaegatupe e faatinoina ai ni polokalame faalanuoa ina ia malamalama le atunuu i le taua o le logoina o le Ofisa o Leooleo pe a silafia ni auupega malolosi, matautia ma ogaoga e aumaia i totonu i auata faa-solitulafono.
5. E fautuaina foi le Malo ina ia silasila totoa i le faatinoina o galuega faatino a i latou o lo o mataituina (Border Control) le aumaia faa-solitulafono o meatau matautia ma ogaoga i totonu o le atunuu.
6. Ina ia silasila totoa le Malo i mafuaaga o Tupe Faatatau a le Matagaluega ua toe faafoi ae o lo o tele ma anoanoai ana galuega o lo o manaomia le faatinoina. E pei ona matauina e le Komiti, e \$2,590,704.00 se tinoitupe na toe faafoi i le tausaga faaletupe 2007-2008 ma le \$737,138.00 i le tausaga faaletupe 2008-2009.
7. Maitauina foi e le Komiti le telegese o le faaooina mai o Lipoti Faaletausaga a le Matagaluega. O lea ua faatua talanoaina Lipoti Faaletausaga nei 2007-2008 ma le 2008-2009, a o lenei ua faagasolo galuega o le 2014. E fautuaina ai e le Komiti ina ia silasila totoa i lenei faaletonu ina ia aua nei i toe tulai mai ae ia faatau le tuuina vave mai o Lipoti Faaletausaga a le Matagaluega i tausaga faaletupe taitasi.

26 IANUARI 2015

P.P.2014/2015 Nu.58, Lipoti a le Komiti o Mataupu tau Faamasinoga,

Leoleo ma Falepuipui ma Faamasinoga o Fanua ma Suafa i le

P.P.2013/2014 Nu.78 & P.P.2013/2014 Nu.79, Lipoti Faaletausaga

a le Matagaluega o Leoleo ma Falepuipui mo Tausaga Faaletupe

2007 – 2008 ma le Tausaga Faaletupe 2008 – 2009 - Iloiloga

IUGAFONO:

I le maea ai o Iloiloga a le Komiti, na faaiugafonoina ai e fautuaina le Fono Aoa, Ina ia faamaonia le P.P.2013/2014 Nu.78, Lipoti Faaletausaga a le Matagaluega o Leoleo ma Falepuipui mo le Tausaga Faaletupe 2007-2008.

P.P.2013/2014 Nu.79, Lipoti Faaletausaga a le Matagaluega o

Leoleo ma Falepuipui mo le Tausaga Faaletupe 2008-2009.”

Ma le faaaloalo tele faafetai i lau Afioga i le Fofoga Fetalai.

FOFOGA FETALAI: Malo faafetai saunoa i lau Afioga i le Taitaifono.

Tofa AVEAU TUALA LEPALE NIKO PALAMO: Lau Afioga i le

Fofoga Fetalai.....

FOFOGA FETALAI: Tulai mai le sui usufono mamalu.

Tofa AVEAU TUALA LEPALE NIKO PALAMO: Faafetai lava i le

Afioga i le Taitaifono o le Komiti. E lua lava vaega ia o le Lipoti ou te fia fesiligia.

O le vaega muamua, po o le a se fuafuaga ua oo i ai i le tulaga lea o le le lava o meataumafa i totonu o le toese aua o lea sa fai le asiasiga?

O le vaega lona lua, e i ai le fautuaga lea na tuuina mai e leoleo i totonu o le lipoti lea i le faaogaina o le fale lea e fai ai ni polokalame mo fanau ia e molia atu i totonu lea e faapea e pei o le fale lea e ave i fanau ua sauaina. Po o le a se mea ua oo i ai le vaega lea o le talosaga ma le faaaloalo lava.

FOFOGA FETALAI: Se i tuu atu le avanoa i le Afioga i le Palemia.

Susuga Hon TUILAIPA FATIALOFA LUPESOLIAI AIONO NEIOTI

SAILELE MALIELEGAOI: Lau Afioga i le Fofoga Fetalai, o lou tulai atu

e fia faamalo i le Komiti ona o le telei tele o le latou lipoti. E taua tele le

lipoti lenei mo tulaga i le faaleleia atili o le Matagaluega o Leoleo ma

Falepuipui. ~~Ona pau lava sina mea lea ina ia sao le faaupuga, e leai ni tupe e~~

toe faafoi, na o tupe faasao po o tupe faatatau ua le faaogaina ona e leai ni

tupe e tuuina atu i se Matagaluega, a o la e faatatau i lalo o le Matagaluega o

Leoleo ma Falepuipui. O lona uiga ua le faaogaina, ona faasao ai lava lea ma

le faaogaina.

FOFOGA FETALAI: Tulai mai le sui usufono mamalu.

26 IANUARI 2015

P.P.2014/2015 Nu.58, Lipoti a le Komiti o Mataupu tau Faamasinoga, Leoio ma Falepuipui ma Faamasinoga o Fanua ma Suafa i le P.P.2013/2014 Nu.78 & P.P.2013/2014 Nu.79, Lipoti Faaletausaga a le Matagaluega o Leoio ma Falepuipui mo Tausaga Faaletupe 2007 – 2008 ma le Tausaga Faaletupe 2008 – 2009 - Iloiloga

Tofa TVISA TASI PATEA: Ua faafetai atu. O lena ua faamanino atu lena vaega, ae ona pau lava le agaga o le Komiti ona o le tele o ana galuega o lo o fia faaleleia.

O le tali atu i le fesili lea a le sui usufono mo Faleata Sasae, e le o lavea atu i le lipoti se tala e uiga i le fale lea e taua. Ou te faamalulu atu ai, atonu e mafai ona tali atu i ai le Afioega i le Minisita, a o meatumafa i le toese ua i ai le talitonuga ua tele le suiga ona o la foi ua i ai le Pulega fou e pei ona i ai le tuasesesega. Ua tagai malamalama foi i ai i fuafuaga uma ma le faatinoina o ia fuafuaga.

I le ava tele ma le faaloalo, faafetai.

FOFOGA FETALAI: Malo faafetai.

Na faamaonia le Lipoti.

FOFOGA FETALAI: E tusa ai ma Tulafono Tumau 54, e ao i le Malo ona tuuina mai i le Fono Aoao se Pepa e tali atu ai i Fautuaga na tuuina atu i le Malo mai le Lipoti a le Komiti Filifilia ia le siliia le 90 aso talu ona faamaonia e le Fono Aoao le Lipoti.

P.P.2014/2015 NU.102, LIPOTI A LE KOMITI O TUPE MAUA MA TUPE TOTOGI I LE P.P.2014/2015 NU.5, LIPOTI FALETAUSAGA A LE PUIEGA O TUPE FAAYVA O MALO A SAMOA MO LE TAUSAGA 2012 - Iloiloga

FOFOGA FETALAI: Tulai mai le Afioega i le Taitaifono o le Komiti o Tupe Maua ma Tupe Totogi.

Susuga Hon PAPALITTELE NIKO LEE HANG: Lau Afioega i le Fotoga Fetalai, ou te faatu le lafo, *ina ia faatagia e lenei Fono Aoao le Lipoti a le Komiti o lo o tuuina atu ai ana SAILLIGA, FAUTUAGA MA IUGAFONO.*

Faaluaaina e se lasi o sui usufono mo Faasdaleaga Nu.1, Afioega Hon Gatoloaifana Amalaga Alesana Gidlow, le sui usufono mo Aleipata Iupua i Lalo ma le sui usufono mo Falelatai ma Samatau.

FOFOGA FETALAI: Tulai mai lau Afioega i le Taitaifono mo le faalautiloina o Fautuaga ma Iugafono a le Komiti.

Susuga Hon PAPALITTELE NIKO LEE HANG: O Fautuaga nei a le Komiti.

26 IANUARI 2015

P.P.2014/2015 Nu.102, Lipoti a le Komiti o Tupe Maua ma Tupe Totogi i le P.P.2014/2015 Nu.5, Lipoti Faaletausaga a le Pulega o Tupe Faava o Malo a Samoa mo le Tausaga 2012 - Iloiloga

“FAUTUAGA:-

I le maea ai o Sailiiliga a le Komiti, e fautuaina ai le Malo e Faafea:-

1. **Ia ave le faamuamua a le Komiti Faatonu ma le Pulega mo se nofoaga Tutotonu mo le Pulega o Tupe Faava o Malo a Samoa, aua le faatinoina ai o ana auauunaga ma galuega faatino. E faatauaina tele e le Komiti le auauunaga a le Pulega o Tupe Faava o Malo a Samoa ona o le maoa'e foi o lona sao e le gata i atinae esese i totonu o le tatou atunuu, ae faapea foi i lana fesoaosani mo le Tala Faatautu o Tupe a le Malo i tausaga taitasi;**
2. **Ia unaia ma faalauiloa atili le manulauti a le Pulega o Tupe Faava o Malo a Samoa, aua le faatosinaina mai o kamupani mai fafo mo le teuina o tupe i totonu o le tatou atunuu aemaise lava i atunuu o Asia ma isi vaega o le lalolagi.**

IUGAFONO:-

I le maea ai o Iloiloga a le Komiti, sa faaiugafonoina ai e fautuaina le Fono Aoa,

Ia faamaonia le P.P.2012/2013 Nu.41, Lipoti Faaletausaga a le Pulega o Tupe Faava o Malo a Samoa mo le Tausaga Faaletupe 2010/2011.

Ma le faaaloalo lava, faafetai.

Na faamaonia le Lipoti.

FOFOGA FETALAI: E tusa ai ma le Tulafono Tumau 54, e ao i le Malo ona tuuina mai i le Fono Aoa se Pepa e tali atu ai i Fautuaga na tuuina atu i le Malo mai le Lipoti a le Komiti Filifilia ia le silia le 90 aso talu ona faamaonia e le Fono Aoa le Lipoti.

P.P.2014/2015 NU.103, LIPOTI A LE KOMITI O TUPE MAUA MA TUPE TOTOGI I LE P.P.2014/2015 NU.8, LIPOTI FAALETAUSAGA A LE FAALAPOTOPOTOGA O INISIUA TAU SOIFUA A SAMOA MO LE TAUSAGA 2013 - Iloiloga

FOFOGA FETALAI: Tulai mai le Afioga i le Taitaifono o le Komiti o Tupe Maua ma Tupe Totogi.

26 JANUARI 2015

P.P.2014/2015 Nu.103, Lipoti a le Komiti o Tupe Maua ma Tupe Totogi i le P.P.2014/2015 Nu.8, Lipoti Faaletausaga a le Faalapotopotoga o Inisua tau Soifua a Samoa mo le Tausaga 2013 - Ilolloga

Susuga Hon PAPAIIITELLE NIKO LEE HANG: Lau Afioa i le Fofoga Fetala'i, ou te tulai atu e faatu le lafo, *Ma ia faaitagia e lenei Fono Aoa'o le Lipoti a le Komiti o lo o tauina atu ai ana SAILIILIGA, FAUTUAGA MA IUGAFONO.*

Faalua'ina e le sui usufono mo Palauli Sisifo, le sui usufono mo Aleipata Iu'pa i Lalo, se lasi o sui usufono mo le Au Palota Taitoatasi ma le sui usufono mo le Vaa o Fonoti.

FOFOGA FETALAI: Tulai mai lau Afioa i le Taitaifono.

Susuga Hon PAPAIIITELLE NIKO LEE HANG: O Fautuaga nei a le Komiti.

“FAUTUAGA.

I le maea ai o Ilolloga a le Komiti na faa'ingafono'ina ai e fautuaina le Malo :-

1. Ia soalaupuleina e le Pulega ma le Komiti Faafae nisi au'ala mo le faalauteleina atu o lana au'aunaga i le faatinoina i le isi inisua e ese mai i inisua tau soifua e pei o Inisua Tau Soifua Maloloina (medical insurance).
2. Ia tofia ma faafaigaluegaina se Suetusi Faa-lotoifale (Internal Auditor) a le Faalapotopotoga o Inisua Tau Soifua a Samoa, e faatinoina matafai'oi lo o faatinoina e le Soa-Komiti a le Komiti Faatonu a le Faalapotopotoga;
3. Ia matatuina pea e le Pulega o le Faalapotopotoga faatasi ai ma le lagolago a le Suetusi Faa-lotoifale pe a tofia'ina fuafuaga ma taitala o galuega faatino a le Faalapotopotoga ma lipoti atu i le Komiti Faatonu mai lea taimi i lea taimi. E talitonu le Komiti e le o se faiga faavae talafagai le matatuina e se Soa Komiti o le Komiti Faatonu o Fuafuaga ma Taitala (Manual of Instructions) ma isi fuafuaga mo le faatinoga o galuega faatino a le Faalapotopotoga, o le matafai'oi patino lea a le Pulega o le Faalapotopotoga o Inisua Tau Soifua.
4. Ia toe ilolilo faiga faavae a le Faalapotopotoga ina ia tuitiitia ai pasene o tului (interest rates) o lo o faaee i tului o nonogatupe lafiti a le aufai saofaga (loans on policies). E manatu le Komiti o lo o tulaga lelei tulaga tau tupe a le Faalapotopotoga i le taimi nei, ma e tatau ai ona silasila le Pulega ma le Komiti Faatino mo le toe ilolilo'ina o tului o pasene mo noagatupe.

Lafo mo le Faaauauina o Itula Fono

IUGAFONO:

I le maea ai o Sailiiliga a le Komiti na faaiugafonoina ai e fautuaina le Fono Aoao:-

Ina ia faamaonia le P.P.2013/2014 Nu.8, Lipoti Faaletausaga a le Faalapotopotoga Inisiua Tau Soifua a Samoa mo le Tausaga Faaletupe Faaiuina aso 30 Iuni 2013.”

Ma le faaaloalo lava.

FOFOGA FETALAI: O lea ua tatou taunuu mai.....

Susuga Hon Tuilaepa Fatiafoga Lupesoliai Aiono Neioti Sailele Malielegaoi: Lau Afioa i le Fofoga Fetalai.....

FOFOGA FETALAI: Tulai mai lau Afioa i le Palemia.

LAF0 MO LE FAAAUAUINA O ITULA FON0

Susuga Hon TUILAEPA FATIALOFA LUPESOLIAI AIONO NEIOTI SAILELE MALIELEGAOI: Ona ua manaia tele Lipoti a Komiti e ese le oa i manatu, o lea ou te tulai atu ai ua toe tasi lava ma le afa nai Lipoti ia. Pe mafai ona faauma pea aua ou te masalo pe uma lava i sina lua minute e tea ai le itula, a o le a faatu atu le lafo, *Ina ia faauma nai Lipoti ia tatou malolo ai foi lea.*

E le i faaluaina le lafo.

Na faamaonia le lafo ma tulai ai ua toe faaopoopo itula o Fonotaga seia maea Lipoti o lo o talanoaina nei.

Na toe faaauau felafolafoga i le P.P.2014/2015 Nu.103, Lipoti a le Komiti o Tupe Maua ma Tupe Totogi i le P.P.2014/2015 Nu.8, Lipoti Faaletausaga a le Faalapotopotoga Inisiua tau Soifua a Samoa mo le Tausaga 2013.

FOFOGA FETALAI: Ia, e tutupu lava matagi i liu o vaa. A outou loto lava foi e tuli motu o le a tuli motu, a o le a lafo atu pea.

O lea ua oo mai i le felafolafoga a o lea e matau atu e leai se isi e fia saunoa.

Na faamaonia le Lipoti.

26 IANUARI 2015

P.P.2014/2015 Nu.109, Lipoti a le Komiti o le Soifua Maloloina, Galuega tau le Va Fealoai, Mataupu tau Lotofale ma Atinae o Afioaga ma Agafesootai i le P.P.2012/2013 Nu. 36, Faaliga Manino Faupufai a le Fonotaga a Taitai o Atunuu o le Fono Aoa o a Malo Aufaatasi i le Puipuga ma le Taofiofia o Faamai le Pipisi - Iiologaga

FOFOGA FETALAI: E tusa ai ma le Tulafono Tumau 54, e ao i le Malo ona tuuina mai i le Fono Aoa se Pepa e tali atu ai i Fautuaga na tuuina atu i le Malo mai le Lipoti a le Komiti Filifilia ia le silia le 90 aso talu ona faamaonia e le Fono Aoa le Lipoti.

E manatu o lea ua maea le itu na ala ai ona faatu le lafo ma e talifonu o lea ua iu ai iinei le Lipoti lea na taua se i vagana ai le tulaga leaga o lea ua ta tonu lo tatou tairni malolo ma o le a tatou papa-aveloa.

P.P.2014/2015 NU.109, LIPOTI A LE KOMITI O LE SOIFUA MALOLOINA, GALUEGA TAU LE VA FEALOAI, MATAUPU TAU LOTOFALE MA ATINAE O AFIOAGA MA AGAFESOOTAI I LE P.P. 2012/2013 NU.36, FAALIGA MANINO FAUPUFAI A LE FONOTAGA A TAITAI O ATUNUU O LE FONO AOA O A MALO AUFaatasi I LE PUIPUGA MA LE TAOFIOFIA O FAAMAILLE PIPISI – Iiologaga

FOFOGA FETALAI: Tulai mai lau Afioaga i le Taitaifono o le Komiti o le Soifua Maloloina.

Afioaga Hon GATOLOAIFAANA AMATAGA ALESANA GIDLOW: Lau Afioaga i le Fofoga Fetalai, ou te faatu le lafo, *hna ia fautaga e lenei Fono Aoa le Lipoti a le Komiti o lo o tuuina atu ai ana SAILLILIGA, FAUTUAGA MA IUGAFONO.*

Faaluaina e le sui usufono mo Palauti Sisifo, se tasi o sui usufono mo le Au Palota Taitoaatasi, Sasuga Hon Papaitielele Niko Lee Hang ma le sui usufono mo Sagaga le Usoga.

Afioaga Hon GATOLOAIFAANA AMATAGA ALESANA GIDLOW: O Fautuaga nei a le Komiti.

“FAUTUAGA:

Ua maea ona auililiina e le Komiti lenei lipoti ma ua fautuaina ai:

1. Ia lagolagoina e le Malo auata eseese e fautuaina mai e le Matagaluega o le Soifua Maloloina e faalauloa ma puipua ai le atunuu mai faamai le pipisi.
2. Ia amafamea Taitai o le Malo e ala atu i sui Faipule i auata e faalauloa ma puipua ai le atunuu mai nei gasegase.

26 IANUARI 2015

P.P.2014/2015 Nu.109, Lipoti a le Komiti o le Soifua Maloloina, Galuega tau le Va Fealoai, Mataupu tau Lotoifale ma Atinae o Afioga ma Agafesootai i le P.P.2012/2013 Nu. 36, Faaaliga Manino Faaupufai a le Fonotaga a Taitai o Atunuu o le Fono Aoa o Malo Aufaatasi i le Puipuiga ma le Taofiofia o Faamai le Pipisi - Iioiloga

3. Ia faamalosia ma aloaia faa-Komiti a le Palemene le Komiti mo le Uunaita o le Soifua Maloloina (SPAGHL) ina ia atili aliali ai le faamua o lo o ave e le Malo i galuega eseese e atiae ma faaleleia ai le soifua maloloina o tagatanuu o Samoa.
4. E fautuaina le Palemene ia talaina lenei maliega aemaise auala eseese e faatino ai le faalauiloa ma le puipuia o faamai le pipisi.
5. E fautuaina le Matagaluega o le Soifua Maloloina ina ia faagasolo galuega alagataataua le puipuia o Samoa mai nei faamai le pipisi (NCDs) e tusa ai ma aiaiga o lenei maliega.

IUGAFONO:

I le maea ai o ana Sailiiliga, na faaiugafonoina ai e fautuaina le Fono Aoa, Ina ia faamaonia:

- P.P. 2012/2013 Nu. 36, Lipoti o le Faaaliga Manino Faaupufai o le Fonotaga a Taitai o Atunuu o le Fono Aoa a Malo Aufaatasi i le Puipuiga ma le Taofiofia o Faamai le Pipisi.”

FOFOGA FETALAI: Malo, faafetai i lau Afioga i le Taitaifono. Ia ua avanoa le Maota mo felafolafoaiga.

Tofa LEALALEPULE RIMONI AIAFI: Faafetai i lau Afioga mo le avanoa, faafetai foi i le Taitaifono o le Komiti mo lenei Lipoti. E taua tele le vaega lea ua oo i ai le Lipoti aemaise lava i faamai le pipisi.

Muamua lau Afioga, o le a se fuafuaga a lau Matagaluega lau Afioga i le Minisita i le tatou fale foi lea sa gasolo mai ai ia latou ia ua maua i le faamai lea le pipisi i i Matagalalua, e taua tele lea auanuga a le Malo, e matua taua i nai tagata o le tatou atunuu ua maua i le faamai aemaise o nai tina ma tama matutua sa autovaa mai ai. Ou te talitonu o le fale lea, na umi ona toe faapooopoo ai le soifua o tagata ma ola umi ai pea ma ola fiafia ona o lenei auanuga le faigofie, le omai o i ai le fomai, o lea ua toe faamama avega le Malo toe i ai ma le avanoa e tala ai a latou vai, a o lea ua faafuaseia lava ona tapunia, o lea la ua gasolo atu ai nei nai tagata ia latou foi le mamalu o le atunuu i le falemai, ua le maua se avanoa ma le maua ai le faigofie lea sa i ai muamua i le taimi lea.

E talitonu lau Afioga i le Minisita aemaise foi lau Afioga i le Palemia ma le Faigamalo, e tatau ona toe tagai lelei e toe faia se fuafuaga vave i le tatou fale lea ae toe faatulai mai. O a foi ni feeseeseaiga o i ai va.....

26 IANUARI 2015

P.P.2014/2015 Nu.109, Lipoti a le Komiti o le Sofifua Maloloina, Galuega tau le Va Fealofai, Mataupu tau Lotoifale ma Atinae o Afioaga ma Agafesoofai i le P.P.2012/2013 Nu. 36, Faailiga Manino Faaupufai a le Fonotaga a Taitai o Atunuu o le Fono Aoso a Malo Aufatatasi i le Puiiuga ma le Taofiofia o Faamai le Pipisi - Ilohoga

FOFOGA FETALAI: Malie le sui usufono, se i avatu le avanoa i le Afioaga i le Palemia.

Susuga Hon Tuliepa Fatilofa Lupesolai Aiono Neioti Sallele Malielegaosi: Lau Afioaga i le Fofoga Fetalai, o lea ua manino le mataupu, o le tele ia o le gaosa ma le faaletonu o le faagaioiga o le fale lea, ma ua faafia foi ona alu atu savali ia te au i le tulaga lava lea, o lea la na faia ai le iuga, e sili atu ona faaoga pea ia uta i le falemai, o la ua lelei mea e agai atu i ai ma togafiti ai ia latou ia. A o le tele ia, o le isi lea Faalapotopotoga e aupito sili ona fetuiai, o le Faalapotopotoga lea sa faafocae le mataupu lea.

Lau Afioaga i le Fofoga Fetalai, o le tulaga lena, e i ai foi ia mau faaletonu sa i ai, na o le o atu o atu ia te au ia ou valaau i uta i le falemai, a o le tele o le gaosa ma le fetuiai, o le mea lea, e sili lava ona o sao i uta i le falemai, e leai ni faaletonu e tulai mai.

FOFOGA FETALAI: Tulai mai le sui usufono mamalu.

Tofa LEALALEPULE RIMONI AIAFI: Lau Afioaga i le Fofoga Fetalai, e pei ona tau maua i le fauinga o lau lauga, o le mea lea ua tupu e sao le Afioaga i le Palemia, o lea la ua afaina ai nai tagata gasegase ia i latou ia e faatinoga ia mea, aua o lea o le a pei o le a aveese ai la le taua na faatutina ai, ona o le faaletonu tele o tagata sa faatinoina lea auunaga. Ae a pe a se i tagai pea i ai lau Afioaga ma le Matagaluega, i se auata e faaauau ai pea i lalo o le tauu Malo e fesosoani aua o se tulaga faigata ua i ai le faamai, ae aveese mai tagata ia po o ai lava ia tagata piopio e faia nei mea, ona o ese lea o latou, ae o le a aveese ai le taua o le auunaga lea na ala ai ona faatu le toatele o nai tagata ia na....

FOFOGA FETALAI: Ia o le a tulai atu le Afioaga i le Minisita e tali atu. Tulai mai lau Afioaga i le Minisita mo le Sofifua Maloloina.

Afioaga Hon Tuitama Talaleti Tuitama (Minisita mo le Sofifua Maloloina): Lau Afioaga i le Fofoga Fetalai, ona ne i faaumiumi pea lea mataupu a o lea ua uma ona saunao le Taitai o le Malo, o le tulaga tonu lea o lea e i ai. O le faalavelave lea na tupu, e manatua foi o le Clinic lea po o le Diabetes Clinic, o lea sa faafocae e le Diabetes Association i latou ia e aafia i le gasegase. Sa agai uma la i ai fesosoani mai fafo tau tupu ma mea uma faapena, sa i ai foi taavale, sa faafocae ai e latou. Ua alu ai alu ai la, o le mea ua tulai mai, ua tele le faaletonu ua feseseseai ma ua tauaimisa. Ua alu lava lea Taitaifono ma ave lana taavale, ua femisaai foi i taavale ma ua leai ai ni seleni e faagasolo ai le mea lea.

P.P.2014/2015 Nu.109, Lipoti a le Komiti o le Soifua Maloaina, Galuega tau le Va Fealoai, Mataupu tau Lotoifale ma Atinae o Afioga ma Agafesootai i le P.P.2012/2013 Nu. 36, Faaaliga Manino Faaupufai a le Fonotaga a Taitai o Atunuu o le Fono Aoao a Malo Aufaatasi i le Puipuiuga ma le Taofiofia o Faamai le Pipisi - Iloiloaga

Ona iu lea ina toe aapa mai le Matagaluega e laveai le tulaga lea, ona o le tulaga tonu lava lea o le silasila foi lena a le Matagaluega, e taua tele le galuega lea e faatino i lalo i i mo i latou ia ona ua toatele le atunuu ua gasolo i ai, ona o le faigofie. E le tau o atu i uta tu i le queue foi lea e o faatasi ma isi mai, ae ua i ai lava fomai faapitoe e nafa ma mea tau mai suka. Ua le gata foi la i le mai suka, ae ua o atu foi i ai ma le au toto maualuga ma mai fatu.

O le fotogi o fomai ia sa tauaveina le mea lea o Specialists uma e leai se fomai foi lea faapea faatoa iu mai po o se Registrar sa faigaluega ai i i, o Specialists uma lea sa faigaluega i i. Ua amo nei la e le Matagaluega le tulaga lea tusa e toatolu Specialists e faigaluega ai, ua fai sina taugata. O lea la sa faatali se i uma le term lea sa uma atu nei, ia ona toe silasila lea o le Matagaluega i se auala e mafai ai ona faaauau ia le tulaga lea. O le taimi nei la, o lea o lo o talia ia le talosaga a se isi Faalapotopotoga o lea ua talosaga mai i le Matagaluega ma le Malo, e latou te fia tauaveina le auauaga lea. Ma o le taimi nei la o lo o faagasolo la ia feutagaiga i le faatinoga o le faamoemoe lea ona o le taua la o le vaega lea e saunoo i ai le sui usufono. E le o laaloa la le silasila a le Matagaluega lau Afioga i le taua o le vaega lea faapea foi le Malo, lea o lo o faagasolo nei feutagaiga ona o le tele o le vaegatupe e faafoe ai ia le tulaga lea. Atonu o se taimi, ia ona faafofoga foi lea i ai o le tatou Maota faapea foi lo tatou atunuu i le tulaga o le taunuuga o ia taumafaiga o lo o faagasolo i le taimi nei.

Lau Afioga i le Fofoga Fetalai, a o i ai pea i le mataupu lea, ia e fia fai foi lava sina faamatalaga e tusa ai ma le agaga, faafetai tele i lau Afioga ma le mamalu o le Palemene i le taunuu mai ma le taliaina, faafetai i le Taitaifono ma le Komiti o lea sa nafa ma ua ou faalogologo atu ia latou fautuuga matagofie e uiga i le mataupu lea, leaga o lea o le a tuu ia le mataupu, ae o lea o le a agai ese i le tulaga e le o i ai i totonu o le Lipoti lea. Lau Afioga, o le agaga tonu o le lipoti lea o le United Nation Political Declaration lea sa ou taua, i le faamalalamaga foi o le mataupu lea ina ua oo mai, lea sa tatou talanoaina i le Tala Faatatau Faaopoopo Lona Lua o le Tupe, sa laga ai foi le mataupu lea. Ma o le mea tonu lava lea ua agai mai ai le Komiti lea ina ia talia ma aloaia e le tatou faigamalo ma le Palemene le tulaga lea o le declaration, leaga o Faaululuga o Malo taitasi sa latou avea le mataupu lea i New York i le 2011, lea la e i ai le declaration lea. E faatasi ai la ma lau Afioga, o le agaga foi lea o lea ua toe aumai foi e le Komiti le faatauaaina lea o le SPAGHL ona o le faamoemoga o lenei taumafaiga atoa i tulaga o faamai e le pipisi, e faalagolago i le political will. O le mea tonu lava lea e momoli atu ai lau faafetai i le Komiti ona o a latou fautuuga matagofie, ma e faapea foi ona talosaga atu i le Palemene i lau Afioga o lo o Taitaifono i le SPAGHL ina ia faamalosia le itutino lea.

26 JANUARI 2015

P.P.2014/2015 Nu.109, Lipoti a le Komiti o le Soifua Malotoina, Galuega tau le Va Fealoai, Mataupu tau Lotoifale ma Atinae o Afioega ma Agalesootai i le P.P.2012/2013 Nu. 36, Faaliga Manino Faaupufai i le Fonotaga a Taitai o Atunuu o le Fono Aoso a Malo Aufaatasi i le Puiupuga ma le Taofiofia o Faamai le Pipisi - Iloiloga

E matua taua tele mo faamoemoega ia aua o le tauhuuga o faamoemoega o le Faalapotopotoga a Malo Aufaatasi o le lalolagi, ina ia tuuifitita i latou e maumau soifua ona o faamai le pipisi, po o faamai ogaoga e mafua mai ona o fesuiatiga o le soifuga o lo o tatou i ai nei. Ma le faaalalo tele lau Afioega i le Fofoga Fetala'i.

FOFOGA FETALAI: Malo faafetai. Tulai mai le sui usufono mamalu.

Tofa LEALALEPULE RIMONI AIAFI: Faafetai lava i lau Afioega. E leai, e fia faamauina foi le faafetai i lau Afioega e tusa o le declaration lea a le UN. E le taumamaina le fono na e auai atu i ai ma e lauga ma avatu le feau a le tatou Malo, e taua tele, ou te lagolagoina. O le mea lea e talanoca atu ai, ona o le fale lea, le fale tonu lea e patino tonu lava i le mataupu lea ou te talanoca i ai i le taimi lenei o faamai e le pipisi po o le NCDS. O lea la ua e saunooa mai e taua o le a toe tagai i ai lau Afioega, ia ua foi se manatu. E taua le fale lea o le a toe faatino, ae faafetai i lau Afioega o lena o le a e toe tagai lelei i ai e faaauau lenei auanaga taua, aua o le mea lea e fofiga mai, e inu e isi le uisiki ae onaha ai isi. E fai e tagata ia e va'ia le fale uiga le talafegai faapea a o lea ua suffer ai nai tagata gasegase o lo o fia maua le ola soifua maloloina mai le Matagaluega. O lea la ua tulai mai ai, ua snap, le mea foi lea na e saunooa mai ai, ua snap le fale lea.

Afioega Hon Tuitama Talalelei Tuitama: Na o se mea e fia faasso lau Afioega.

Susuga Hon Tuiiaepa Fatialofa Lupesoliai Aiono Neioti Sailele Mallegaoni: Ia, na o le pau lava le mea taua, e le o taofia le feososoani o la e fai, e le o slack foi le service. O mea o upu taufaasese, o la e lava o lo o fai pea le auanaga.

Lau Afioega o le mea lena na ou toe tulai atu ai.

Afioega Hon Tuitama Talalelei Tuitama: E uiga tutusa lava le finagalo o le Paleniamia ma le faasaoga lea sa ou tulai atu e.... ona o lea e saunooa mai le sui usufono, e inu e isi le fagupia ae onana ai isi. Ma le faaalalo lava, na inu lava e le fagupia latou ma toe onana ai lava latou, aua o latou ia e faia galuega ia o tagata mai suka, ma o tagata e aafia i totonu o le Faalapotopotoga. E le o faia e se isi o la lava e fai e latou ma onana ai lava latou. Ma le faaalalo lava.

FOFOGA FETALAI: Tulai maia le sui usufono e faaiu mai le saunooaga. E manatu ua....

26 IANUARI 2015

P.P.2014/2015 Nu.109, Lipoti a le Komiti o le Soifua Maloloina, Galuega tau le Va Fealoai, Mataupu tau Lotoifale ma Atinae o Afioga ma Agafesootai i le P.P.2012/2013 Nu. 36, Faaaliga Manino Faaupufai a le Fonotaga a Taitai o Atunuu o le Fono Aoa o le Fono Aofaataasi i le Puipuiaga ma le Taofiofia o Faamai le Pipisi - Iloiloga

Tofa LEALALEPULE RIMONI AIAFI: Faafetai i lau Afioga i le Minisita, faafetai o lena o le a faaauau. E le o le slack lea na ou fai atu ai o le snap. Manatua foi le snap a le Afioga i le Minisita lea na fai mai o le smoking ma na mea.

Lau Afioga i le Fofoga Fetalai ou te lauga lava ma faamanatu i lau Afioga le tatou SPAGHL, ae faafetai o lea ua toe faamanatu mai e le Komiti ae o lea o le a tatou faaauau lenei galuega taua. Faafetai.

FOFOGA FETALAI: Malo. O le tatou SPAGHL o lo o talia pea le Afioga i le Ofisa Sili o Pulega o le Matagaluega o le Soifua Maloloina. O lena tou te silafia le mea lea tatou te faatalitali i ai ona o le tatou polokalame, ae o le SPAGHL ia ua ready any time. O le a le mea e finagalo i ai le Matagaluega o le a tatou agai i ai, ia tatou agai i ai. Ae masalo o la e maua e le Ofisa Sili o Pulega o le Matagaluega o lea tatou te faatali ona o le polokalame sa tatou tuuina atu.

Na faamaonia le Lipoti.

FOFOGA FETALAI: E tusa ai ma le Tulafono Tumau 54, e ao i le Malo ona tuuina mai i le Fono Aoa se Pepa e tali atu ai i Fautuaga na tuuina atu i le Malo mai le Lipoti a le Komiti Filifilia ia le silia le 90 aso talu ona faamaonia e le Fono Aoa le Lipoti.

P.P.2014/2015 NU.131, LIPOTI A LE KOMITI O MATAUPU TAU AOGA, SAENISI, FESOOTAIGA MA FAAMATALAGA TEKONOLOSI I LE P.P.2014/2015 NU.7, LIPOTI FAALETAUSAGA A LE PULEGA O FALE MA MALAE TAALO A SAMOA MO LE TAUSAGA 2011/2012 - Iloiloga

FOFOGA FETALAI: Tulai mai lau Afioga i le Taitaifono o le Komiti o Mataupu Tau Aoga, Saenisi, Fesootaiga ma Faamatalaga Tekonolosi. O le le auai o le Taitaifono, tulai mai lau Afioga i le Sui Taitaifono.

Susuga IPOPO MATIA FILISI (Sui Taitaifono o le Komiti o Mataupu tau Aoga, Saenisi, Fesootaiga ma Faamatalaga Tekonolosi): Lau Afioga i le Fofoga Fetalai ou te faatu le lafo, *Ina ia faautagia e lenei Fono Aoa o le Lipoti a le Komiti o lo o tuuina atu ai ana Sailiiliga, Fautuaga ma Iugafono.*

Faaluaina e le sui usufono mo Palauli.

Susuga IPOPO MATIA FILISI: Faafetai i lau Afioga i le Fofoga Fetalai.

26 IANUARI 2015

P.P.2014/2015 Nu.131, Lipoti a le Komiti o Mataupu tau Aoga, Saienisi, Fesoofaiga ma Faamatalaga Tekonolosi i le P.P.2014/2015 Nu.7, Lipoti Faaletausaga a le Pulega o Fale ma Malae Taalo a Samoa mo le tausaga 2011/2012 - Iloiloga

“FAUTUAGA:

I le maea ai o ana Iloiloga, e fautuaina ai e le Komiti le Malo ma le Pulega ina ia:-

1. Ia ave pea le faamuanua a le Pulega o Fale ma Malae Taalo a Samoa (SSFA) i le faalela atili o fale ma malae taalo uma i Tuanaimato faapea le Apia Paka (Park), e aofia ai ma le vaايا lelei o lona siosiomaga matagofe e pei o togalaau felanulanuai ina ia sili atu nai lo le tulaga o lo o i ai nei.
2. Ia toe silasila le Pulega i se alafua talafegai o tologi faavaitaimi (Hire) o Fale ma Malae Taalo a le Malo ina ia faamalosia ai le tologina mai o tupe a Asosi Taalo ma Yaega o lo o faaogaina lenei auunaga. E manatu le Komiti, o le mulimuitai o lea alafua o le a fesoasani lea i tupe maua a le Pulega mo nisi atinae ma galuega manamomia.

3. E fautuaina le Pulega ina ia usitaita faiga faavae ma taimi faatapulaina mo le saunia o Lipoti Faaletausaga ma tuuina mai i le Palamene e tusa ai ma aiaiga faale-Tulafono.

IUGAFONO:

I le maea ai o Iloiloga a le Komiti, na faaiugafonoina ai e fautuaina le Fono Aoa o ina ia faamaonia:

- P.P. 2014/2015 Nu. 7, Lipoti Faaletausaga a le Pulega o Fale ma Malae Taalo A Samoa mo le Tausaga Faaletupe 2011/2012.”

Afoga Muagututagata Famausili Animatagi Peter Ah Him: Lau Afoga i le Fofoga Fetalai.

FOFOGA FETALAI: Se i tulai mai lau Afoga i le sui usufono mo Sagaga le Usoga.

ANOGA MUAGUTUTAGATA FAAMAUSILI ANIMATAGI PETER AH HIM: Faafetai i lau Afoga i le Fofoga Fetalai mo le avanoa. O le fautuaga lona lua lea lau Afoga i le Lipoti. Ou te fua fesili atu i le Sui Taitaifono faanolemole, po o le a tonu lava se fautuaga a le Iarou Komiti i se alafua talafegai sa fai e le Pulega, ina ia faatino ai le galuega lea o le tologi faavaitaimi o hire o fale ma malae taalo mo asosi o taaloga?

26 IANUARI 2015

P.P.2014/2015 Nu.131, Lipoti a le Komiti o Mataupu tau Aoga, Saienisi, Fesootaiga ma Faamatalaga Tekonolosi i le P.P.2014/2015 Nu.7, Lipoti Faaletausaga a le Pulega o Fale ma Malae Taalo a Samoa mo le tausaga 2011/2012 - Iloiloga

Aua o i ina lea e totogi ai tupe ma maua ai seleni a le Pulega. Ou te fia malamalama po o le a tonu lava le latou fautuaga i se alafua talafeagai mo lea vaega lau Afioiga i le Fofoga Fetalai. O le fesili lena.

FOFOGA FETALAI: O lea ua ave le fautuaga a le Komiti i le Matagaluega e fai ni alafua talafeagai. Ou te manatu o le uiga moni lena o le fautuaga a le Komiti, e pule i latou po o le a sa latou fuafuaga i alafua talafeagai, e fuafua i ai mea e ave i ai le totogiina o lisi.

Tulai mai le sui usufono mo Aana Alofi Nu.3.

Afioga TOELESULUSULU CEDRIC POSE SALESA SCHUSTER: Faafetai i lau Afioiga i le Fofoga Fetalai mo le avanoa. Faafetai atu foi i le Komiti sa iloiloina lenei Lipoti. Na pau le fautuaga lau Afioiga i le Fofoga Fetalai e fia fesiligia ai pe na iloiloina e le Komiti Corporate Plan a le Pulega lenei ona e... atonu o se tasi o vaega e talitonu e ao ona silasila foi i ai lenei Komiti Faafao, o le taimi nei pei lava foi ona masani ai le tele o professional sport teams i fafo, e i ai play season, o le tele o nei kalapu ta te vaai atu e o koleni, e o e fai play season i Fiti ma o i isi atunuu, ae ta te o vaai atu lava o o ae omai, ae lelei mamao atu tatou facilities, e ono mafai ona omai ai le tele... e le gata o au lakapi, au netball o au soka, o au baseball ma isi taaloga. E manaia le tau o Samoa aemaise a tatou sport facilities. Pe mafai ona silasila i ai le tatou Pulega lenei i se package e galulue faatasi ai e le gata o Faletalimalo ae o le Pulega mo Tagata Tafafao Maimoa Mai e faatosina mai ai, aua e tasi lenei aoga tele, aua a omai nei kalapu e koleni e fai a latou play season i Samoa, e tasi foi lenei avanoa e o atu tatou alo ma fanau e matamata ma maua ai foi avanoa. Faafetai.

Afioga Muagututagata Faamausili Auimatagi Peter Ah Him: Lau Afioiga i le Fofoga Fetalai faamolemole lava.....

FOFOGA FETALAI: Tulai mai lau Afioiga i le sui usufono mamalu.

Afioga Muagututagata Faamausili Auimatagi Peter Ah Him: Faamolemole lava lau Afioiga i le Fofoga Fetalai, ona o au lea ou te aafia i mea ia o asosi o taaloga, o lea sa ou faapea e tau mai i le fesoasoani a le Komiti sa fai i le Pulega se fautuaga po o se alafua talafeagai.

FOFOGA FETALAI: Tulai mai lau Afioiga i le Palemia.

Susuga Hon Tuilaepa Fatiafofa Lupefesoai Aiono Neiote Saiale Maliegaogi: Lau Afioiga i le Fofoga Fetalai, o mea lava ia o Corporate Plans ma mea ia o fuafuaga o tupe e tatau ona totogi ma alafua, se o sikiti pisupo na a le Faalapotopotoga.

26 IANUARI 2015

P.P.2014/2015 Nu.131, Lipoti a le Komiti o Mataupu tau Aoga, Saienisi, Fesootaiga ma Faamatalaga Tekonolosi i le P.P.2014/2015 Nu.7, Lipoti Faaletausaga a le Pulega o Fale ma Mahae Taalo a Samoa mo le tausaga 2011/2012 - Ilohoga

O le mea sili lea ua pai i ai le tatou Komiti, ia taatia mai la i le Faalapotopotoga o lea e faalogologo atu le Minista. O outou silasila mai i le Minista, o taimi uma lava na outou saunoo ai e pei o le a le atu o lana peni. O lona uiga e afio atu nei le Minista valaau uma, vaai le Corporate Plan, vaai alafua lea e manao i ai le tama lea, tuu i ai se alafua tele ia Muagututagata ma lana vaega, leaga o maua ma Muagututagata ma te koleni i le taaloga foi lea o le pili taufeaa. O le mea la lea e leai se mea e popole ai, o la ua manuia tele le fautuga ma le tuualalo a le Komiti, taatia mai le vaega tele lea i le Minista ma le Matagaluega, o lea ua maua atu e le Minista le agaga lea ua aumai i le finagalo o le sui usufono mamalu.

FOFOGA FETALAI: Malo faafetai. Se i tulai mai lau Afioaga i le Minista.

Afoga Hon Lautafi Fio Selañ Purcell: Lau Afioaga i le Fofoga Fetalai, na o le toe faapoopo atu lava i le saunoga matagofie a le Palemia. E leai se tulaga foi lea faapea o lea faatoa fai, o lea ua uma ona fai, ua uma ona ou talanoa o le Pulega ma le Fatonu Sili i le tulaga e faaleleia atili ai le auauanga aemaise foi o le aoina mai o tupe a le Matagaluega ia faatupulata ai le latou tupe maua.

O nisi la nei o vaega ia tilotilo ai i tulaga tonu lava ia sa sausunoo i ai sui usufono, ina ia tilotilo i ni auala e faaoga atili ai tatou facilities, ia faaoga i taimi uma po o tagata mai fafo po o tulaga faapena, ae o le a matua manino lava pe a tali mai le Matagaluega lau Afioaga. Faafetai.

FOFOGA FETALAI: Malo. E manatu ua manino ma malamalama le fofasaga a le Malo aemaise foi o le taumafai a le Afioaga i le Taitaifono e tali mai.

Na faamaonia le lafo.

FOFOGA FETALAI: E tusa ai ma le Tulafono Tumanu 54, e ao i le Malo ona tuuina mai i le Fono Aoa se Pepa e tali atu ai i Fautuaga na tuuina atu i le Malo mai le Lipoti a le Komiti filifilia ia le sili le 90 aso talu ona faamaonia e le Fono Aoa le Lipoti.

E manatu o lea ua tatou taunuu i le tatou galuega faatutalaina o lenei aso. Sa i ai le famoemoe o le tatou galuega lenei, o le a tatou tau faapepe ai foi i le po a nanei, a o lea ua matau ua mea lelei le tatou Pepa o Galuega o lenei aso. Ua maratu ai, e talitonu tatou saililili malosii, ae o le a lafo atu pea i le Afioaga i le Palemia.

Tulai mai lau Afioaga i le Palemia.

LAFO MO LE TOLOPOINA

Susuga Hon TUILAEPFA FATIALOFA LUPESOLLAI AIONO NEIOTI SAILELE MALIELEGAOI: Lau Afioaga i le Fofoga Fetalai, e fitu a tatou Tulafono Tau Faaofi lea sa lauiluu i le taeao nei. E momoli atu ai le faafetai i a outou Afioaga i sui usufono mamalu o le tatou Maota nei. E fitu Tulafono Tau Faaofi, ae ono Lipoti. E tele le galuega. O le galuega lea na tatou faia i le aso, e tusa ma aso Fono e tolu pe a faapea e sosolo lava i luga o tulaga masani o le toso ai lava, a o lea ua tagofia i se tulaga maoae le faatalanoaga. Ma o le tulaga sao lava, o lea ua maea mataupu sa faapea e tagofia i le taeao nei ma nanei ma taeao. O lea la ua tupu ae se manatu e tulai atu e faatu le lafo, *Ina ia toe faafoi le tatou Tulafono i itula faa-Tulafonoina ina ia tolopoina ai nei loa Tauatulumaga seta aulia le itula e 9:00 i le taeao a taeao, Aso Lua, 27 Ianuari 2015.*

Faaluaina e le Sui Palemia ma le Minisita mo Galuega Tau Alamanuia ma Atinae a le Malo.

Na faamaonia le lafo.

FOFOGA FETALAI: Faafetai atu i le paia ma le mamalu o le tatou Maota Fono i lenei aso, o lea ua saunoo atu le Palemia. E manatu e faapea foi se lagona o le Fofoga Fetalai. Na pau lava lea ia onosai mai, a aulia lava le Aso Faraiile o le vaiaso lenei ua manaia tele, ua uma atu ai a tatou Fonotaga. O le a tatou le toe Fono po, o le a tatou alu lava i luga o le Fono ao, e lelei lena e faamama ai le tatou avega, e uma atu ua faavagavaga le masina o Fepuari i nisi o tulaga taua o lo o fotuai mai.

Ae momoli atu le faafetai tele i le tatou Maota i lenei vaega o le aso. E i ai le agaga tatou potopoto faatasi foi i le tatou aso Fono i le aso a taeao. A o le i faaiuina le tatou Fonotaga, tulai maia lau Afioaga i le sui usufono mo Aleipata Itupa i Luga, lou lato i le ea ma lou lato i le tai, o lea sa matou tapuai atu, e fai se tatalo e faaiu ai le tatou Fonotaga.

Na tolopo Tauatulumaga a le Fono Aoa o le itula e 1:33 i le aoauli seta aulia le itula e 9:00 i le taeao o le Aso Lua, 27 Ianuari 2015.